

کوردم. و بوجله حصوله کلن کتابک
اسمنی (عقیده ادبیه ترجمه قصیده زینیه)
توسیم ایلام. حسب العجز امر ترجمه ده
وقوعی طبیعی اولان تقصیراتمی
— مبتدیلکم وبضاعه سزلغم ایله مقایسه
ایدرک — تصحیح بیورملرینی ارباب
مروتدن آیروجه استرحام ایلرم.

والله المستعان وعليه التكلان

ابن الامین احمد عزت
دارالعلمین رشديه مآذونلرندن

—

MAF MARA UNIVERSITESI	
İlahiyat Fakültesi	
Kayıt No:	8991
Konu No:	

﴿عقیده ادبیه ترجمه قصیده زینیه﴾

بسم الله الرحمن الرحيم

صَرَمَتْ حَبَالَكَ بَعْدَ وَصْلِكَ زَيْنَبُ
وَالْدَّهْرُ فِيهِ تَصَرُّفٌ وَتَقَلُّبُ

آتش اشتیاقیله یاغمدده اولدینگ زینب؛ حمله گاه
وصالکه کیردیکی حالده ینه مفارقت و قطع رشته
مناسبت ایتدی. ایشته دهرک بوکی تصرفاتی
وتقلباتی ده وارد.

نَشَرْتُ ذَوَائِبَهَا الَّتِي تَرَاهُوبَهَا
سُوداً وَرَأْسُكَ كَالْغَامَةِ أَشْيَبُ

زینب؛ اودلکش زلفلری ینه اولکی کی
سیم سیاه اولدینی حالده مفتخرانه فقط متمجبانه
برصورتده نشر ایدیور. طراوت جوانیسنی حالا
محافظه ایدیور. سن ایسه قوجادک، یرقانی اولدک

صاچك صقالك آق يوشان چيچكى كى آغردى
قالدى .
بيت

موى سفيد از كفن آرد سلام
پشت خم از مرك رساند پيام
وَاسْتَقَرَّتْ لِمَارَأَتِكَ وَطَالَمَا
كَانَتْ تَحْنُ إِلَىٰ لِقَاكَ وَتَرْغَبُ

جانانك ؛ سنى بو حالده كورنجه عادتاً نفرت
ابتدى . نظر استكراه ايله اولسون شمدى يوزينه
باقمغه تنزل ايده ميور . مقتونى ايكن منفورى اولدك .
بروقتلر ايسه سنك ايجون چيلديرر يوزكدن كوزىنى
آييره ماز ايدى .

وفاسيز برقادينه اسير اولان علقمه بن عبدة الفحللك
دها زياده جاني يانمش اولملى كه قادينلر حقنده شو
يولده اداره كلام ايدييور :

فَإِنْ تَسْأَلُونِي بِالنِّسَاءِ فَإِنِّي
خَيْرٌ بِأَدْوَاءِ النِّسَاءِ طَيِّبٌ
إِذَا شَابَ رَأْسُ الْمَرْأَةِ أَوْ قَلَّ مَالُهَا
فَلَيْسَ لَهُ مِنْ وَدَّهِنَّ نَصِيبٌ
يُرَدُّنَ ثَرَاءَ الْمَالِ حَيْثُ عَلِمْتَهُ
وَسَرَّحَ الشَّبَابَ عِنْدَهُنَّ عَجِيبٌ

طائفة نساى اكر بندن سوال ايده جك
اولورلر سه بن انلرك احوال خصوصيه لرندن خبردار
اولديغم جهتمله هر حالده ترجمان حسياتلرى اوله
بيلرم : كشينك صاحى صقالى آغير بر ياخود مالى
آزالورسه آرتق قادينلرك كندوسنه قارشو اظهار
ايتدكلرى محبتدن او كيمسه نك نصيبي كسلدى
ديمكدر .

چونكه انلر ؛ بر كمسه نك ثروت وسامانى اولديغى

بیلورلر سه او کیمسه به نایل کوستر لر . طراوت
جوانی و شطارت عنفوانی ایسه انلرجه پک
عجیبدر .

وَكَذَٰكَ وَصَّلُ الْغَانِيَاتِ لِآلَتِهِ
آلٌ بِبَلْقَعَةٍ وَبَرَقٌ خُلْبٌ

امیدوار وصالی اولدیغک سائر جمائل نسادخی
زینب کی بیکانه مهر و وفادر لر . آنلردن ده امید کی
کس . چونکه آنلر چولده کورینن سرابه ، و یغمور
یاغدی ره جق کی کوستروب ده یاغدی ر میان و بناء علیه
بالانجی بلوط تعبیر اولنان سحاب بی آبه بکزر لر .
آنلرک آب زلال وصالیه آتش انتیاقی تسکینه
چالشمق سر ابدن سیراب اولمق خلیاسیله چوللری ،
صحرا لری طولاً شمع قدر بر بلاهتدر .

بیت

فمن یرجو من الدنيا وفاءً
کمن یرجو شراباً من شراب

فَدَعِ الصَّبَا فَلَقَدْ عَرَاكَ زَمَانُهُ
فَاجْهَدْ فَعُمُرُكَ مَرٌّ مِنْهُ الْأَطْيَبُ

بوندن صکره اولسون مألوفی بولندیغک هوای
نوجوانی بی براق ده مرد کامل اولمغه باق . تلافی
مافاتنه چالش . زیرا چو چقلغک زمانی چوقدن
کچدی . عمر غزیرک اک مسعود اوانی ده خفت
وسفاهت ایله مرور ایتدی .

ذَهَبُ الشَّبَابِ فَمَالُهُ مِنْ عَوْدَةٍ
وَأَتَى الْمَشِيبُ فَأَيْنَ مِنْهُ الْمَهْرَبُ ؟

ایشته کنجلاک ؛ بردها عودت ایتماک اوزره
کچدی کتدی . اختیارلق ایسه کلدی . کابوس
منحوس کی اوزرینه چوکشدی . گورهم سنی !
شوورطه دن ده کندیکی خلاص ایده بیله جکمیسک
هانیا ! ؟ قاچه جق بریرک وارمی ؟ هیهات !

ضَيْفُ الْمَإِيكَ لَمْ تُبْهَجْ بِهِ
فَتَرَى لَهُ أَسْفًا وَدَمْعًا يُسْكَبُ

مهمانسرای وجود که حلول ایدن اختیار ارق ؛
کندوسنه هیچ ده چهره التفات و روی بشاشت
کوسترلیه جک بر مسافردر . بوکا قارشو سنک ایچون
یایله جق برشی وارسه اوده آغلامق ، صیرلامق
تأسف و تلهف ایتمک و بر جوق کوز یاشلری
دو کمکدر .

دَعَّ عَنْكَ مَا قَدَفَاتِ فِي زَمَنِ الصَّبَا
وَأَذْكُرُ ذُنُوبَكَ وَأَبْكِيهَا يَا مُذْنِبُ

ای مذنب ! سفاقت عالمنده فوت ایتدیکک او مسعود
زمانلرک خاطر اتی شویله بر طرفه براقده او و قتلر
ارتکاب ایتدیکک سیئاتی دوشون . دوشونده
آغله عفو و صفحی خصوصنده جناب غفاره یالوار .

وَاحْشَ مُنَاقَشَةَ الْحِسَابِ لِأَنَّهُ
لَا بُدَّ يُخْصَى مَا جَنَيْتَ وَيُكْتَبُ

عالم فانیده ایشله مکده اولدیغک جرائم و جنایات
کافه حصر و تعداد اولنیورلر . بر کون کلوب ده البته
معرض محاسبیه وضع اولنه جقلردر . بناء علیه او
کونکی مناقشاتی . استقصا آتی اندیشه ایت ده معاملات
روز مره کی اکا کوره تعدیل و اصلاحه چالش .

وَاللَّيْلِ فَاعْلَمْ وَالنَّهَارُ كِلَاهُمَا
أَنْفَاسُنَا بَرِّمَا تُعَدُّ وَتُحْسَبُ

شوراسنی ده بیلیمش اوله سنک که کیجه کوندوز
هر ایکسینده آشاغی ، یوقاری آلوب ویرمکده
اولدیغمز نفسلرده یکان یکان صایلیورلر . انلرده
داخل حساب ایدیلر جکلردر .

لَمْ يَنْسَهُ الْمَلِكُ كَانَ حِينَ نَسِيَّتُهُ
بَلْ أَثْبَتَاهُ وَأَنْتَ لِأَهٍ تَلْعَبُ

دفتر اعمال و آملانك ضبط و تحریرینه مأمور
بولن ان ملكلر ؛ سن بالذات ایشلایكك حلاله
اونوتدیغك حرکات و سکناتکی ، حسنات و سیئاتکی
اونوتمازلر . دائماً ثبت دفتر ایدرلر . سن ایسه
اووقتلر لهو و لعب ایله مشغول بولنورسك .

وَالرُّوحُ فِیْكَ وَدِیْعَةُ اَوْدِیْعَتِهَا
سَتَرْدُهَا بِالرَّغْمِ مِنْكَ وَتَسْلُبُ

سرمایه حیاتك اولان روح ده برودیعه آلهیه در .
شمعیلك امانت و عاریت طریقله هر نقدر یانكده
بولنیور ایسه ده قریباً استرداد اولنه جقدر . آندن ده
محروم قاله جقسك .

وَعُرُورُ دُنْیَاكَ الَّتِی تَسْمِیْ لَهَا
دَارَ حَقِیْقَتِهَا تَزُولُ وَتَذْهَبُ

آلایشنه قابیلوب ده کیجه کوندوز اعمار و آبادانه

چالیشدیغك دنیا ایسه مائل انهدام براوه بکزر .
حقیقتی زائل ، اساسی مندرس اوله جقدر .

قطعه

این عالم فانیهست و فانیهست درو
این کهنه جهانیهست جهانیهست درو
خواهی که درین خانه عمارت سازی
این آب روانیهست روانیهست درو

وَجَمِیْعُ مَا حَصَلَتْهُ وَجَمْعَتُهُ

حَقًّا یَقِیْنًا بَعْدَ مَوْتِكَ یَنْهَبُ

کار خانه عالمده جمع و ادخارینه چالیشدیغك مال
و منال ایسه بعد الوفات اولادر عیالک طرفندن تماماً
نهب و غارت اولنه جقدر . بوراسی حقاً یقیناً بویله در .

تَبَّأً لِدارٍ لَا یَدُومُ نَعِیمُهَا

وَمَشِیدُهَا عَمَّا قَلِیلٍ یَخْرُبُ

یوف او خانه یه که نعمتلیری دائم دکادر . نفرین

اوکاشانه به که مشید واکانی چوق کچمه دن خراب
ویباب اوله جقدر .

فَاسْمَعْ هُدًى نَصَائِحًا أَوْلَا كَهَا
حَبْرٌ لَبِيبٌ عَاقِلٌ مُتَأَدِّبٌ

بناء علیه عاقل . کامل ، تجربه کار احوال عالمدن
خبردار اولان برادیرک سکا تلحقین ایلدیکی نصائیحی سمع
قبول ایله تلحق ایله که واصل سر منزل هدایت اوله سک .

أَهْدَى النَّصِيحَةِ فَاتَّعِظْ بِمَقَالِهِ
فَهُوَ السَّقِيُّ اللُّوزَعِيُّ الْأَذْرَبُ

جهانده اکتوغری سوز ، اکتسیرمه جواب ؛
اوادیب اعظم طرفدن سکا ویریلان نصیحتلردر .
آنک سوزنی طوت . نصیحتی ایله متنصح اول .
چونکه او ذات ؛ سنک بیلدیکنک عادی و اعظالردن ،
دکه ناصحلردن دکادر . سوزنی بیلیر ، علمی ایله
عمل ایدر ، متقی ، متورع ، مجرب برزاهددر .

ذَهَبُ الزَّمَانِ حَقِيقَةٌ يَبْصُرُ
وَإِلَى الْأُمُورِ سَبَابٌ وَتَعْقِبُ

کوزیکی آج ! زمان ، حقیقه برسرعت فوق العاده ایله
کیدییور . عالمده هر شئیک اولی اولدیگی کی آخر
وعاقبتی ده وارددر . نهایت : بدایتک لازم غیر مفارقیدر .

لَا تَأْمَنِ الدَّهْرَ الْخَنُونَ لِأَنَّهُ
مَا زَالَ قَدَمًا لِلرِّجَالِ يَهْدِبُ

صاقین صاقین ! ! شو خائن دهره امن واعتماد
ایتمه . زیرا او ستمکار ؛ اوتهدنبرو نیجه آدملری
پوته مصائبده اریلدوب حل ایتمشددر .

نعم ماقال ملک الهرات

فِي جِبْهَةِ الدَّهْرِ سَطْرٌ إِنْ نَظَرْتَ لَهُ
أَبْكَكَ مَضْمُونُهُ مِنْ مُقَلَّتِكَ دَمًا
« اخْذَرْ إِذَا كَانَتْ الْأَيَّامُ سَالِمَةً
مَنْ يَأْمَنُ الدَّهْرَ أَنَا قَطُّ مَا سَلِمًا »

دهر دولت ناصیه حالده منقوش بولنان شو بر سطر لق
یازی به اوافق بر نظر ایدر سهك مضمونی؛ کوزلر کدن
قانی یاشلر آقیدر. «صحت و سلامته مستدام اولدجه
دورانندن حذر ایت. زیرا مسالمت ایامه کوه نلر؛
هیچ بروقت قور قدقلری شیدن قور تلما مشلر در.»

وَكَذَلِكَ الْآيَامُ فِي غَدَرَاتِهَا

مَرَّتْ يَذُلُّ لَهَا الْأَعْرُ الْأَنْجَبُ

زبون کشا کده ایام ده دهر کییدر. آنک نیجه غدرنده
الغریز و انجیب آدملر دائما ذایل و زبون اولمقده در.

وَيَفُوزُ بِالْمَالِ الْحَقِيرِ مَكَانَةً

فَتَرَاهُ يُرْجَى مَالِدِيهِ وَيُرْغَبُ

وَيُسَرُّ بِالترَّحُّبِ عِنْدَ قُدُومِهِ

وَيُقَامُ عِنْدَ سَلَامِهِ وَيُقَرَّبُ

کشی؛ حقیر بیله اولسه ثروت و سامانی سایه سنده

رزقی آیاغنه کلور. ایستدیکنی یر ایجر، مرفه ایشار.
نقدر اذ کیا و اردر که یأس و نومیدی؛ کندیلرینه کوز
آچدیرماز حرمان و حسران ایچنده قالمشلر در.

فَعَلَيْكَ تَقْوَى اللَّهِ فَالزَّمْهَا تَقْزُ

إِنَّ التَّقِيَّ هُوَ الْبَهِيُّ الْأَهْيَبُ

سکا توصیه ایدیورم: عالمده دائما زهد و تقوی
اوزره اول. اتقایه ملازمت ایله که دارینده فور و فلاح
بوله سک. زیرا متقی اولنلر هر یرده موقر و محترمدر لر.

وَأَعْمَلْ لِبِطَاعَتِهِ تَلْ مِنْهُ الرِّضَا

إِنَّ الْمُطِيعَ لِرَبِّهِ لِمُقَرَّبُ

الله ذوالجلال حضر تدرینه طاعت و عبادت ایله که
رضای ربانینسه مظهر اوله سک. البته اقدینسه مطیع
اولنلر؛ اولمایانلردن ده ا یقیندر لر.

أَدِّ الْأَمَانَةَ وَالْحَيَانَةَ فَاجْتَنِبْ

وَاعْدِلْ وَلَا تَظْلِمْ يَطِيبُ الْمَكْسَبُ

دائماً امانتی صیانتیه ، خیانتدن اجتنابه چالش
نصفت و عدالتدن آریلمه . کیم اولورسه اولسون
حقنده ظلم ایتمه . معاملاتی معروضاته توفیق
ایدرسه ک بازار عالمده کی قازانجکده ایو اولور .

وَأَحْذَرُ مِنَ الْمَظْلُومِ سَهْمًا صَائِبًا
وَأَعْلَمُ بِأَنَّ دُعَاءَهُ لَا يُحْجَبُ

صاقین صاقین !! عالمده مظلومک آهنه ، انکسارینه
هدف اولمه ، که آنک آهی ؛ نشانکاهه اصابتده یا کلیان
اوقه بکزر . بونکله برابر مظلومک دعاسیله هدف
اجابت آره سنده ده هیچ بر مانعه یوقدر . بوراسنی ده
بویله بیل .

وَأَخْفِضُ جَنَاحَكَ لِلْأَقَارِبِ كُلِّهِمْ
بِتَذَلُّلٍ وَاسْتِغَاثَةٍ لَّهُمْ إِنْ أَذْنَبُوا

اقرباء و تعلقاتکی هیچ بر وقت ترک ایتمه . سکا
قارشوهر نقدر حرمتسزلیکده بولمشلر ، حتی قصور

دخی ایتمشلرسه سن ینه مسامحه ایت ، آدیرمه .
دائماً اشاغیدن آلهرق کمال تذلل ایله انلره مقابله ایله .

وَإِذَا بُلِّغْتَ بِنِكَبَةٍ فَاصْبِرْ لَهَا
مَنْ ذَا رَأَيْتَ مُسْلِمًا لَا يُشْكِبُ

مختکده عالمده بر نکیته مبتلا اولورسه ک صبر ایله
مقابله ایله که آندن بشقه چاره سی یوقدر . بر کره
باق باقه لم ! شو ابتلا خانه عالمده ؛ درد کورمدک ، منکوب
اولدق کیمی کوره بیله جکسک !

وَإِذَا أَصَابَكَ فِي زَمَانِكَ شِدَّةٌ
وَأَصَابَكَ الْخَطْبُ الْكَرِيهُ الْأَضْعَبُ
فَادْعُ لِرَبِّكَ إِنَّهُ أَذْنَىٰ لِمَنْ
يَدْعُوهُ مِنْ حَبْلِ الْوَرِيدِ وَأَقْرَبُ

شو زمان حزن افترانده سکا بر شدت ، یاخود
تحمقلسا بر محنت ؛ اصابت ایدرسه جناب مستعان

حضرت تریبہ دعا ایت . دفع ورفی خصوصندہ اکا
بالوار . چونکہ سنک ربک تعالی شانہ حضرت تری
کندیسنہ دعا ایدلرہ ؛ شاه طمار لرندن دہایقیندر .

کُنْ مَا اسْتَطَعْتَ عَنِ الْأَنَامِ بِمَعَزَلٍ
إِنَّ الْكَثِيرَ مِنَ الْوَرَى لَا يُصْحَبُ

جمعیت بشریہ ایچندہ ممکن مرتبہ ناسدن عزلات
ایتمکہ جالش . گوشہ نشین وحدت اول . زیرا عالمده
حوق کسهلر واردرکہ انلرله صحبت ایتمکہ کلمز .

وَأَجْعَلْ جَلِيسَكَ سَيِّدًا يُنْخَضِلُ بِهِ
حَبْرٌ لَيْبٌ عَاقِلٌ مُتَأَدِّبٌ

عالمده جلیس و هم نشینک اوله جق ذات ؛ کندو-
سندن بحق استفادہ اولنور . تجربہ کار . هنر آموز
عاقل کامل برادیب اولسون .

وَأَخْتَرْ صَدِيقًا وَأَصْطَفِ تَفَاحُرًا
إِنَّ الْقَرِينَ إِلَى الْمُقَارِنِ يُنْسَبُ

دوست اتخادی خصوصنه کلنجہ : آنی سچمه لی ،
وجودیله افتخار اولنور بر ذات معالیمائی انتخاب
واختیار ایتملیسک . چونکہ عالمده قرین . مقارنہ
نسبت اولنور ، کشی رفیقندن صوریلور .

وَأَحْذَرْ مُوَاخَاةَ الدَّنِيِّ لِأَنَّهَا
تَعْدِي كَمَا يَعْدِي السَّلِيمُ الْأَجْرَبُ

صاقین صاقین !! عالمده حسیس الطبع اولنلرله
موانست ایتمکہ انلرک چرکین خویلری - اویوزک
صاغلاملره سرایتی کی - سکاده سرایت ایدر .

وَدَعْ الْكَذُوبَ وَلَا يَكُنْ لَكَ صَاحِبًا
إِنَّ الْكَذُوبَ لِبِئْسَ خِلًا يُصْحَبُ

هله یالانجیلری یانکه او غرائمہ . دفع ایت . وارسون
سنک اویله بردوستک اکسک اواسون . عالمده یالانجی
ایله دوست اولوق کی فنا برشی یوقدر .

وَذَرِ الْحَقُودَ وَلَوْ صَفَاكَ مَرَّةً
وَأَبْعَدَهُ عَنْ رُؤْيَاكَ لَا يُسْتَجَلَبُ

حقد پیشه لری ، (کین طوتانلری) ده دوست
طوتمه . او مقوله کسانی کوز او کنه بیله کتورمه که آنلر
استیجلا به ، استیناسه اصلا یا قلا شمارلر . آنلر ؛ سنی بر
دفعه مسرور ایدر لر سه چوق دفعه ده مغموم ایدر لر .

إِنَّ الْحَقُودَ وَإِنْ تَقَادَمَ عَهْدُهُ
فَالْحَقْدُ بَاقٍ فِي الصُّدُورِ مُعِيبٌ

کینه ور آدم لک مبرزمه لری قدیم بیله اولسه
حقد و حسد لری زائل اولماز . دائم و باقیدر . سینئه
پر کینه لرنده غیض و غضب او درجه کیزلور در که عاداتا
غائب اولمش کتمشدر .

ملاجامی میفرماید :

باحسد و دان لطف خوش باشد ولی نتوان باب
کشتن آن آتش که اندر سنک و آهن مضمراست

نظماً ترجمه سی

حسد قلب عدو و لطف ایله اولماز زائل سنکده مضمرا اولان آتش آب ایتمز اثر

وَأَحْفَظْ لِسَانَكَ وَأَحْزِرْ مِنْ لَفْظِهِ
فَالْمَرَأُ يَسْلَمُ بِاللِّسَانِ وَيُعْطَبُ

آغز یکه کانی سویله مکدن حذر ایت . دلیکی طوت
زیرا انسان ؛ سلامتی لسانیه بولدیفی کی بلا سنی ده
ینه لسانیه بولور . (سلامه الانسان فی حفظ اللسان)

وَزِنِ الْكَلَامَ إِذَا نَطَقْتَ وَلَا تَكُنْ
بِزِيَادَةٍ فِي كُلِّ نَادٍ تُخْطَبُ

بر سوزی سویله مزدن اول موازنه ایت . آندن
صکره سویله . « اول اندیشه کن و انکهی کفتار » هم ده
هر وادیدن سویله مه . آز سویله ، اوز سویله . چوق
سویلر سه ک چوق یا کیلور سک . مشقت چکر سک .

شیخ سعدی شک شرق طعه سی ده دستور العمل اولمه شایسته در .

هر که تأمل نکند در جواب

بیشتر آید سخنش نا صواب

یا سخن آرای چو مردم بهوش

یا بنشین همچو بهائم خموش

ترجمہ سی ۔ — دوشوئے دن ، طاشنمہ دن سوز
سویلیانلرک علی الاکثر سوزلری یا کلش چیقاییور . بونک
ایچون سوزی ؛ یا عقلی باشنده انسان کی سويله مه لی .
یا خود حیوان کی سکوت ایتلیدر .

وَالسِّرَّ فَآكُتْمُهُ وَلَا تَتَّطِقْ بِهِ
إِنَّ الزُّجَاجَةَ كَسَرُهَا لَا يُشْعَبُ

خزینہ اسرار یکی غایت مکتوم طوت . فرد
آفریده یه «شودر بودر» دیه . جام قیرلدقن صکره
تعمیر قبول ایتدیکی کی سرده فاش اولدقن صکره
برشیده یاراماز .

وَتَوَقَّ مِنْ غَدْرِ النِّسَاءِ خِيَانَةً
فَجَمِيعُهُنَّ مَكَائِدُ لَكَ تُنْصَبُ

طائفه نساك غدردن ، مکرندن توقی ایت .
دائما انلردن حذر اوزره اول . اوخائنلرک کافه سی
سنک ایچون حاضر لنش مکر و مفسدت طوزاغیدرلر .

لَا تَأْتِ مَنْ الْأُنْثَى زَمَانُكَ كُلَّهُ
يَوْمًا وَلَوْ خَلَفَتْ يَمِينًا تَكْذِبُ

مدت عمر کده طائفه نسا یه — بر دقیقه جق اولسون —
امن واعتماد ایتمه . انلر سنی قاندر مق ایچون یمین
ایتسه لر بیله یالان یره یمین ایتش اولورلر . صاقین اینامه !

تُعْرَى بِطَيْبِ حَدِيثِهَا وَكَلَامِهَا
وَإِذَا سَطَتْ فِيهِ الصَّعِيلُ الْأَشْطَبُ

انلر او یله بر ط — ائفه درکه طاتلی طاتلی دیلاری
لطیف لطیف سوزلریله انساك ذهنی چله رک
تسخیر قلوب ایدرلر . سطوت و غلبه یه کلنجه او طاتلی
دیلاری سیف صارم کسیایر . انساك باشنه ییلدیرم
یاغیدرلر .

وَالْقَ عَدُوَّكَ بِالنَّجِيَّةِ وَلْتَكُنْ
مِنْهُ زَمَانُكَ خَائِفًا تَتَرَقَّبُ

دشمنلرک ایله بالکلیه قطع الفت و مناسبت ایتمه .

انلره ينه اوليكي كې سلام و كلام ايله ملاقات
ومدارات ايت . فقط عمر ك اولدقچه انلردن حذر
ايت . دائما ترصده اول .

وَاحْذَرُهُ يَوْمًا إِنْ تَرَاهُ بِاسْمَا
فَاللَّيْثُ يَبْدُو نَابَهُ إِذْ يَغْضَبُ

هرهانيكي بر كون دشمنك يوزيكه كولديكني ،
بولتيقه ايتديكني كوررسهك آندن ايوجه صاقين .
چونكه ارسلان : غضبه كلنجه ديشلرني كوسترهرك
صيرتارمغه باشلار . بناء عليه يوزه كولان دشمن
فرصت خرسزيدر .

وَإِذَا الصَّدِيقُ رَأَيْتَهُ مُتَمَلِّقًا
فَهُوَ الْعَدُوُّ وَحَقُّهُ يَجِبُ

دشمن دكل يا ، حتى دوستك بيه تملق ايتديكني ،
بالطافلانديغني كوررسهك ، آني ترك ايت . زيرا
اوسنك دشمنكدر . دشمندن ايسه صاقنموق كدر .

لَا خَيْرَ فِي وُدِّ امْرِئٍ مُتَمَلِّقٍ
حُلُو اللِّسَانِ وَقَلْبُهُ يَتَلَهَّبُ

متملق كسهلرك كرجه اسانلري طاتلي ايسهده
قلبلري كلخن كې آتش پوسكورور . بومقولهلرك
ودادلرنده سعاد اولمديغندن مصاحبتلرنندن هيچ
بروقت خير بكلنمز .

يُعْطِيكَ مِنْ طَرَفِ اللِّسَانِ حَلَاوَةً
وَيُرْوِعُ عَنْكَ كَمَا يُرْوِعُ الثَّعْلَبُ

يوزيكه كولان دوست يوقمي ؟ تملكونك آوجيبي
آووتمه سي . قيبانندن اوله رق ديلنك اوچندن دوكيلان
شيرين سوزلريله سني آلداتير . صرهمسي كلنجه يان
چيزر كيدر .

يَلْقَاكَ يَخْلِفُ أَنَّهُ بِكَ وَائِثُ
وَإِذَا تَوَارَى عَنْكَ فَهُوَ الْعَقْرَبُ

اوتملق دوست : مواجهه كده كندوستنك بر محب

صادق و از هر جهت و اثنی اولدیغنه دائر یمینلر ،
قسملر ایدرسده غیابی حالده عادتاً بر عقرب کسایلر .

وَإِذَا رَأَيْتَ الرَّزْقَ ضَاقَ بِبِلْدَةٍ
وَخَشِيتَ فِيهَا أَنْ يَضِيقَ الْمَكْسَبُ
فَارْجُلُ فَارِضُ اللَّهِ وَاسِعَةُ الْفَضَا
طُولًا وَعَرْضًا شَرْقُهَا وَالْمَغْرِبُ

بر بلده رزقك طارلشدیغنی کورور ، اوراده
مضایقه به گرفتار اوله جغنی اکلارسهك آراق او محله
طورمه ، هجرت ایت . چونکه جناب خالق الکاائناتك
یری طولاً ، عرضاً ، شرقاً ، غرباً بك واسعدر .

فَلَقَدْ نَصَحْتُكَ إِنْ قَبِلْتَ نَصِيحَتِي
فَالنُّصْحُ أَغْلَى مَا يُبَاعُ وَيُوهَبُ

نصیحتی قبول ایده جك اولورسهك ایشته بن سكا
نصیحت ایتدم . بازار قتاده بیع و هبه اولنان اشیا

میاننده تقدینه نصیحت قدر عالی ، غالی هیچ برشی
یوقدر .

خُذْهَا إِلَيْكَ قَصِيدَةً مَنْظُومَةً
جَاءَتْ كَنْظَمِ الدَّرِّ بَلْ هِيَ أَعْجَبُ

آل سكا بر قصیده منظومه كه آنك سلك نظمی
ایجو دیزیسی کی منسجم بلکه دهاه کامل دهامنتظمدر .

حِكْمٌ وَآدَابٌ وَجُلُّ مَوَاعِظٍ
أَمْثَالُهَا لِذَوِي الْبَصَائِرِ تُكْتَبُ

مندرجاتی حکمی ادبی ، دینی ، دنیوی بر طاقم
مواعظ جلیله بی شاملدر . امثالی : یازاسه یازاسه آنجق
کوزی آجیق اولنلر ایچون یازیله بیلور .

فَأَصْنَعُ لَوْعَظٍ قَصِيدَةً أَوْ لَا كَهَا
طَوْدُ الْعُلُومِ الشَّامِخَاتُ الْأَهْيَبُ

بناءً عليه شوق صيده موعظه كونه بي جان قولاً غياله
ديكله، كه آنی سكا اهدا ايدن ذات: جبال علم و عرفانك
شواهد شامحه يدر.

أَعْنِي عَلِيًّا وَابْنَ عَمِّ مُحَمَّدٍ
مَنْ خَصَّ بِالشَّرَفِ الرَّفِيعِ الْأَنْسَبِ

يعني ابن عم النبي امام علي كرم الله وجهه در. اويله
بر ذات ستوده صفات كه، اك بيوك رتب واك عالي
نسبه شرف اختصاص ايله ممتاز در.

يَا رَبِّ صَلِّ عَلَى النَّبِيِّ وَآلِهِ
عَدَّ الْخَلَائِقِ حَضْرَهُ لَا تُحْسَبُ

يارب! سن بي ذیشانك ايله آنك آل شرف نشانی
اوزرينه عد و اختصاصی نا محصور اولان مخلوقاتك
صایبسی قدر صلاة و سلام ايله.

صوك

۶۰۰

۳۷

هذه أوثرنا إلى السبعة والأيام السبعة
على الترتيب تأليف سيدي الشيخ الأكبر

والكبريت الأحمر القطب العجيب والولي

الشهير الشيخ محمد محي الدين ابن

العربي قدس الله روحه

ونور ضريحه

آمین

کر کسه ظاهره کوره برهان اولسون زیرا انلر خفاش
کبدر که آفتاب روشنی کوره من وعین الیقین ندر بیلز
پس بزم محبتز او مقوله ایله دکدر و بعض کتب معتبره ده
کلور که (قال داود) علیه السلام (یارب لم خلقت الخلق
فقال تعالی) (كنت کنزاً مخفياً فاحببت ان اعرف فخلقت
الخلق لاعرف) یعنی حضرت داود علیه السلام
مناجاتنده سر خلقدن یعنی ایجاددن سؤال ایدیچک
جناب کبریادن کلام مذکور وارد اولدی پس بو کلام
فی الاصل احادیث قدسیه داودیه دن اولمش اولور
تکیم مولانا فناری علیه رجة الباری رساله سنده
کلور که حضرت داود بروقتده که عالم ظلماتدن
منسلخ و عالم انواره متوجه ایدی حضرت ربوبیتدن
سؤال ایدوب (ای رب لم خلقت الخلق) دیدکده وراء
سرادقات عزتدن ندا اولندیکه (كنت کنزاً مخفياً)
الحدیث پس بو روایتلرده کنز لفظی مخفی ایله
موصوف اولور و بو مقامده مباحث شریفه وادر

✽ بحث اول بودر که ✽

حدیث قدسی اکا دیرلر که الله تعالی انی
رسول الله (صلی الله تعالی علیه و سلمه) الهام
ویا منامله تعریف واندن اخبار ایش اوله رسول الله
دخی اول معنادن کنندی عبارتیه اخبار

ایلیه بناء علی هذا قرآن حدیث قدسی اوزرینه
مفضل اولور زیرا قرآن نظماً و معنأ منزله
حدیث قدسی ایسه لفظاً منزل دکل بلکه معنأ منزله
فقط * ابن کمال حاشیة تلویحده دیشدرکه احادیث
الهیة شول احادیث درکه رسول الله علیه الصلوة والسلام
انی لیلہ معراجده اسرار وحیدن بلا واسطة الملك
ایشمش اوله انهی بالمعنی یعنی ابن کمال احادیث الیه بی
لیلہ معراجده واقع اولان اسرار وحیه جل ایتمشدرکه
مشهور اولدیغی اوزره طقسان بیک کلاتدرکه
جبریل و یغیری ملک واسطه سیله دکل بلکه بالذات
ایدی قامانک احادیث الیه بی معنای مذکوره جل
ایتدیکی جائزدرکه بحسب القرائن اوله والا احادیث
الیه و احادیث قدسیه بو نوعندرکه تعریفی
یکدی پس احادیث الیه الهام و منامله اولانه
دخی شاملدرکه عالم ملکوتده اولان خطابات
الیهیه منحصر دکلدر الحاصل حدیث الیه
و حدیث قدسینک ایکیسی دخی و حیدر لکن توسط
ملک و عبارت الیه ایله دکلدر مکرکه نادر اوله
تکیم شب معراجده آیت الکرسی و بعض آیات که
وحی اولمشدر قرآندن قلتمشدرکه نظم و معناسیله بیله
معتبردر یوخسه یالکز معناسیله دکلدر سائر احادیث

قدسیه کی پس بوندن فهم اولندیکه هر وحی ایله
اولان نسبه بحسب لظاهر قرآن اواق لازم کلزا کرچه
الهام اولنان قرآن معنویدر حتی الهامات اهل کمال
دخی بویله در کرب سن اکالهام اطلاق ایله و کرب
وحی زیرا ایکیسی دخی عندالقوم برادر کرچه
عرف تمیز ایدوب بطریق الادب انبیایه کوره
وحی و اولیایه نسبتله الهام اطلاق ایدر دعوت
وارشاد دیندیکی کی که دعوت انبیانک وارشاد
اولیانکدر اگرچه اولیایه کوره دخی دعوت دینلور
تکیم قرآنده کلور ﴿ ادعوا الی الله علی بصیرة
انا و من اتبعتی ﴾ زیرا بوراده اهل اتباعله مراد
اهل بصیرت یعنی اهل علم و کشفدر بونلردخی رسول الله
کی بطریق الارث داعی الی الله در زیرا انلردخی اهل
روحدر تکیم قرآنده کلور (یاقی الروح من امره
علی من یشاء من عباده) یعنی صیغه یاقی که
استمراره دالدر اولیایه دخی شاملدر اگرچه اولیایه
عرفا انبیاء دینلر زیرا انلره اولان الهام وجه
خاصدندر یوخسه انبیا کی ملک و ساطتیه وجه
تامدن دکلدر بوجهتدن اولیا انبیا اولمز معنای
لغو بسنک صحتی حسبیه انلره نبی اطلاق اولنق ایسه
عرف واجماعه مخالفدر (الحاصل الهام اولیایه

فی الحقیقه وحی دینلور زیرا الهام اولندقلری معنی
اسرار قرآندندر واسرار قرآن دخی قرآن عداو لنور
تفسیر قرآندن معبود واکامحق اولدیغی کی زیرا
کرك اهل تفسیر وکرك اهل تأویل کوره سوز معناده در
لفظاده دکادر شول جهندن که لفظ مخلوق قرآن
اولماز زیرا قرآن غیر مخلوق و قدیمدر بومعنادندر
که کلام قدیمه یعنی قرآن مقابله سنده حدیث
اطلاق اولنور و قرآن محدث ایله وصف اولنددیغی
نتکیم قرآنده کلور ﴿وما یأتیهم من ذکر من الرحمن
محدث الا کانوا عنه معرضین﴾ قرآنک نزولی و خلقه
وصولی اعتباریله در بومعنی ایسه قدمی منافی دکادر
نتکیم دیدلر شزه بر تازه خبرم وارد مع هذا اول خبر
ویردیکی نسنه محندن صدورنه کوره متقادم الهه در
زیرا بلاد بعیده دن وارد اولمشدر (اشته بومقامدندر که
حدوث انسان قدم سری یعنی عین ثابته سنی منافی
دکادر زیرا حادث اولان انک عوارض ونسبی در (پس
ظهور تجاینک تأخری قدمی منافی اولماز نتکیم قرآن
حقنده کلور (انا جعلناه قرآنا عربیا) یعنی قرآنک مجعول
اولدیغی عربیته کوره در که عربیته اکتسا ابتدکی
حین نزول واداده در بومعنی ایسه ذات باری نک کلام
قدیمی غیر مخلوق اولدیغنه مانع دکادر زیرا صفت

الهیة اولدیغی جهندن هیچ بر کسوه ایله مکتبی
دکادر یعنی نه عربی ونه غیری اسانله منسوب دکادر
بلکه بو نسبت موطن و محل نزوله کوره ظاهر اولور
بو معنادن ایچون کتب الهیه به سریانی و عبرانی
و عربی دینلور (وبوندن فهم اولنور که نزول
ایدن کرچه قرآنک مجموع نظم و معناسیدر ولکن
عربیت ایله کسوه لندیکی حین نزول واداده در بومعنا
ایله نزول ایدن جبریلدر که حامل قرآندر و قرآن
فی الحقیقه یعنی کلام الهی اولدیغی جهندن
نزو ایله متصف دکادر مکر لوح ویا ورق اوزرینه
یا زیابوب نزول ایده که نزول ایدن فی الحقیقه ورق
ویا لوحدر پس جبریل انک ورق و لوحی کی اولمش
اولور که نورانیدر روحانیدر زیرا لوح و ورق
جسمانی اولق شرط دکادر بلکه نزول تصحیحده
نورانیت و روحانیت کافیدر خط ملائکه کی تقریرینه
کوره دلالت ایدر شول معنی که رسول الله صلی الله
علیه وسلم حین نزوله استعجال ایدر لر و جبریلی
سبق ایلر لردی زیرا جبریلک نزواندن اول منزل
اولال آیت ویا سورمبی قایلرنده حاضر بواور لردی
زیرا لوح قلبی لوح ذاتیدر که لوح محفوظ انک
صورتیدر (پس ذاتدن ظهور بولدیقه لوحندن

ظهور یوقدر جبریل ایسه اوح صورتدن تنزیل
ایدرکه محل امر ونهیدر انکچون مقامی سدره درکه
منزل و موطن قدمیدر فافهم جدا (سؤال اولنورسه
که چونکه رسول الله قرآنی اوح ذاتدن اخذ ایدردی
ونوبنوبجلی ایله ذکر وارد اولوردی بناء علی هذا
نزول جبریه حاجت نه ایدی (جواب بودرکه الله تعالی
کندی ایله عباد اراسنده ایکی معامله سی وارد
بری واسطه ایله وبری بلا واسطه در واسطه ایله
اولانه وجه عام و بلا واسطه اولانه وجه خاص دیر لر پس
وجه خاصدن اولان معامله کافی ایکن وجه عامدن
جبریلک وروی محض تشریف و تعظیم ایچ و ندر
نتکیم ملوک بری برلرینه ایلیچی و تحف هدایا ارسال
ایدرلر و بعض اکر ام مراد ایتدکارینه دخی خواصدن
بر واسطه کوندرلر و حسن معامله قیلارلر (بو معنادن
اکلا شلدیغنه کوره بو عالم ذکر اولنان ایکی معنادن خالی
دکدرکه مقتضای حکمتدر نتکیم اهل شرع ذاهب
اولمشلر در اکر چه طائفه فلاسفه انجق واسطه بی اثبات
ایدرلر و لکن مذهبلی باطلدرلر بر اکر واسطه دن غیری
طریق اولیه ایدی ایله معراجده بلا واسطه وحی اولمازدی
وانبیایه و اولیایه باب تجلیات و وادات ذاتیه مسدود
اولوردی (علی الخصوص که جمیع کائنات روح

ذاتی ایله احیالدر نتکیم خصوص اوزرینه انسانه کوره
(و نفحت فیه من روحی) دخی (وهو معکم اینما کنتم)
وارد اولدی پس بجلی الهی جمیع اشیا یه کوره فی الاصل
بردر و لکن ظهورده تفاوت وارد و حقیق واسطه
یوزندن عباد معامله سی تعینات و اینیات مختلفه
اعتباریه در بوجهتدن صورتا خلقدن خلقه و معناده
حقدن حقه معامله در (الحاصل عالم صورت و تعین
واسطه بی اقتضا ایتدیکی کبی عالم معنی و لاتعین دخی
واسطه سزاق اقتضا ایتشدر بوجهتدن گاه اولور که غیب
ذاتدن غیب قلبه بلا واسطه امور غیبیه نزول ایدر و گاه
اولور که شهادت صفاتدن مرتبه صفاته بالواسطه
بعض آثار اسماء و صفات نزول ایدر و مرتبه اولی به
احدیت ذاتیه و مرتبه ثانییه و احدیت صفاتییه دیرلر
(و واسطه نك ابتدای عقل اول و سائر ملائکه فیضدر
و آخری عناصر و موایددر که یکرمی سکر منزلدر و گاه
اولور که فیض الهی اون مرتبه دن نزول ایدر که
عقل اول و افلاک تسعه در احدیتی ایله اون بر اولور
بوجهتدن اعقاب صلواته ادنی الامر اون بر کره صلوات
شریفه کتورلر و الا حقندن مستفیض اولازلر و طریق
جلوتی ده (جیم ایله) قرق عدد صلواتدر که سرار بعین
اوزرینه جازیدر و اربعینات چوقدر و سر تربیع ارباب

عرفانه معلوم در چونکه سنك روح اول کلی اول
عقل اولدن منفوخدر که روح نبوی در بوجهتدن انك
روحانیتنه نقدر تصلیه ایسه که کندی نفسی احیاء
ایتمش اولور سک اگر چه بومعناد فاضل اولوب کز رسک
بیلیم نه سز رسک

(مبحث ثانی بودر که)

کنت کلمه سنده اولان تاء وحدت احدیت ذاتیه دن
عبارتدر که جمیع اسماء و صفات انده مستهلکدر اوراق
وافضان شجره نواتده مستهلک اولدیغی کی انکچون کنز
مخفی نک تعریفنده کلور که (هو الهویه الاحدیة المکنونة
فی الغیب وهو ابطن کل باطن) انتهى و بومر تبه ده من حیث
هی تجل الهی واقع اولماز زیر انجلی نسب اعتباریله
اولور مرتبه مذکورده ایسه نسب مستهلکه در پس
اول مرتبه غیر بی بالکلیه افنا و اعدام ایدر و غیره معلوم
اولیحق تجلی نه یوزدن اولور فاعرف جدا (فاما نسب که
اسماء و صفات الهیه دن اعتباریله اولیحق تجلیات
متنوعه ظهور ایتمک ممکن اولور * مثلاً سلطان اعظمک
تحت جلوسی اعتبار اولمسه مراتب کونیه ظهور ایتمز کذلک
ذات احدیه مرتبه واحدیتده بروز ایتمسه مراتب الهیه
وجود بولماز داشته قرآنده وارد اولان تاء وحدت معنای
مذکورده رالات ایدر (خلقت جعلت) و امثالی کبیکه

بورالرده تاء ذات احدیه به دالدر (فاما صیغه جمع ذات
واحدیه به ناظر در که ذات مع الصفات در (خلقنا جعلنا)
و غیر یلر کی پس بوندن تکثر ذات لازم کز بلکه تکثر
صفات لازم کلور که بونک تکثری توحید ذاتی
منافی دکدر (واهل ظاهر او مقوله نون جمعی تفخیمه
حل ایدر لر و جلال کبریایه ذاهب اولور لر (سلطان
اعظم مقام جلالت و عظمتده بزبویه و بزبویه ابتدک
دیدیکی کی (الحاصل خالق کوره نون جمع یا تعظیبه
ویا کثرت صفاته راجعدر و مخلوقه کوره یا تعظیبه
ویا کثرت ذواته محمولدر و مخلوق یوزندن تکثر ذوات
خالق یوزندن توحید ذاته مانع دکدر اگر چه عین
واحدیه در زیر مخلوقه کوره تکثر ذوات حقائق اسمایه
راجعدر که متکثره در بوقسه حقیقه الحقایقه راجع
دکدر که وحدت ایل متصفدر (یعنی حقایق چوقدر
اسما و صفات کی و اکن حقیقه الحقایق بر در ذات و مسمی
کی (وبونک نظیری ضوء شمسدر کوات و روزن
و مطارح اعتباریله متکثره در فاما قرص شمسده
مجمعه اولدیغی جهتدن ضوء واحددر (و بحر بر در
اگر چه جدا اول و انهاراتی تکثیر ایتمشدر و آدم نفس
واحدیه در اگر چه ذریقی اعتباریله اولاد و افراد کثیره در
(و روح اعظم بر در که روح محمدی در اگر چه

محال متعدده به نسبتله ارواح و فیر در (و فلک بر در که
 فلک اطلس در زیر اسائر افلاک اندن تشعب ایشدر
 و نوات بر در اگر چه اندن حاصل اولان شجره نك اوراق
 و اغصانی بسیار در حتی اول نوات واحد دن حاصل
 اولان شجره نك میوسی مشتمل اولدیغی نواتلر غرس
 اولنوب حقیقه عظیمه اولسه به اصل اولان اول
 بر نواته عائد اولور (و منبع المیاء بر در اگر چه طعمی
 بحسب مزاج الارض مختلف در یعنی مرور ابتدکی
 ترابك مزاجندن طعم مخصوص حاصل او اور كرك
 عذب و كرك ملح) (و اصل المعادن دخی بر در که معدن
 ذهب و ولکن مرور ابتدکی قوای ارضیه نك خاصه سی
 حسیه معادن مختلفه و اجساد کثیره وجوده کلور
 (مثلا نحاسك نحاسیتی اصل معدن جهته دکدر بلکه
 قوای ارضیه نك غلبه سی اعتباریله در بویوزدن
 اوصافی عارضه در انکچون اکسیرله تغیر و تبدل قبول
 ایدر یعنی اوصاف عارضه سی زائله او اوب عمل اکسیرله
 صورت ذهب ظهور ایدر که ذهبیتی اصل ماده سیدر
 بوجهندن ازاله اوصافله ذهبیتی قابلدر (پس بوندن
 استحاله حقیقت لازم کلز) (مثلا بر کیمسه تزکیه نفس
 ایدوب نحاس کی اوصافندن خلاص اولسه تجلی
 الهی ایله وجود مجازی سی وجود حقیقی صورته کیر

یعنی صبغ مخصوصه صورت حقیقه سی ظهور ایدر که
 صورت الهیه در (و بوندن مجاز حقیقه مبدل اولق
 لازم کلز زیرا استحاله ممنوع در) (و اصله وجود مجازی
 ممکن اولدیغی جهته دن معدومدر و معدوم موجود
 اولماز موجود معدوم اولدیغی کی واکا ممکن
 دیو ظاهرده فی الجملة وجود ویرمك تجلی الهی سبیلله
 افاضه وجودندر تکیم نحاس ذهب اولق طرح
 اکسیرندن سؤال اولنور سه که تقریر مذکور دن مفهوم
 اولان بودر که اوصاف عارضه که نسب مختلفه در
 ذات واحدیه تعلق ایشدر که نفس ناطقه و روح
 ذاتی در مع هذا زائل اولان اوصاف خسیسه نفس
 اماره نکدر و زوال اوصافندن بالکلیه نفس زائله اولق
 لازم کلز والا صاحی ملك اولق اقتضایدر بواپسه
 ممنوع در پس ماده نفس باقیه ایکن زوال اوصافله
 حقیقت اصلیه الهیه نیجه ظهور ایدر تکیم حقیقت
 نحاسیه ده اوصاف زائل او اوب کندی قالور کندینه
 ایسه حقیقت ذهبیه دینماز بلکه حقیقت نحاسیه دینلور
 (جواب بودر که عجب عمیق نسنه دن سؤال ابتد که
 فہمی ظامضدر حاصلی بودر که فناء اوصافندن صکره
 بقاء نفس الی آخر الیقین مدار مجاهده اولوب نفس
 ملك ایله نفس بشریه بی تشخیص ایچوندر (فاما الفانی

لا برد الی اوصافه) موجنبه زائل اولان اوصاف
 نفسانیه بر دخی مردود اولوب نفس مجازی و صف
 حقیقی ایله صبغ قبول ایدیجک بر دخی اکا نفس اماره دینلمز
 بلکه نفس سعیده دینلور که منفوح من روح الله در
 بو جهندن وجود انسانی اصل تجلی به رجوع ایدر که
 نفس رحانی و نور مرشوش و روح الهی در نحاس
 ذهبیه رجوع ایدیکی کی زیرا اور تاده اولان
 حقیقت نحاسیه به اعتبار قلز و حقیقت ذهبیه نک
 عینی کی اولور حتی اکسیردن مصبوغ اولان
 ذهبی ذهب معدنی اوزرینه ترجیح ایدرلر زیرا
 اکسیرک خواص اجزاسی سبیل طر ح و اندیغی نحاسه
 کیفیت زائده ظهور ایدر که اصل ذهبیه یوقدر زیرا
 اصل ذهب ساده در و انسانک بونشویه نزول
 و بعده حقه رجوعی اول کیفیتی تحصیل ایچوند
 پس سلوک که دوریدر اول دائریمه رجوعی
 رجوع قهقری کی یعنی انسان وراء وقفه سمتیه
 کیمک دکلدر بلکه کیفیت مخصوصه اوزرینه دوردر
 ای سالک اشته بو تقریرلردن وحدت ذاتیه و کثرت
 صفاتییه سری ظهور ایددی (ولا موجود الا الله)
 گله سنک حقیقتی نمایان اولدی اکا کوره بصیر حدیده
 اشیایه نظر ایله و کثرتده وحدتی مطالعه قیل ولکن

کثرتی دخی الدن قومه تا که صدیق اوله سن زیرا
 صدیق کرچه صفات نفسانیه دن و بلکه شوب
 غیریدن خلاص اولمش و صبغ حقیقی ایله انصباع بولشدر
 ولکن مراتبه مراعات ایتکله فی الحقیقه صدیق او اور
 پس بو طریق اقرار بولیدر انکار بولی دکلدر فافهم جدا

مبحث ثالث بودر که

کنت گله سی کرچه فعل ماضی اولدیغی جهندن زمان
 ماضی به دلالت ایدر فاما حقه نسبتله مجرد اخبار معناسنه
 محمولدر زیرا اکا کوره ماضی و مستقبل و حال جاری
 دکلدر بلکه زمان بر امر نسبی عدمیدر که دهر اسمک
 تجایسندن حاصل اولشدر و عدمی دیدیکمز
 بودر که کندی عیننده وجودی یوقدر بلکه بحسب
 السؤال حادث اولور مثلاً متی دیو سؤال اولنسه
 حدوث سؤال ایله اسماء زمان حادث اولور اذواذا
 و سائر حروف شرط زمانیه کی یعنی بو مقوله حروف
 زمانه دلالت ایدر ترک اساننده شمدیکی حال و یکمیش
 زمانده و کلجک زمانده دینلدیکی کی پس زمانک
 ظاهرده اسماسی واردر فاما مسماسی امر عدمیدر لفظ
 عدم کی که مسماسنک عینی یوقدر مع هذا متعقل
 الحکمر (الحاصل عدم لاشی دن عبارتدر فاما تعقلده

تبیینی وجود محقق مقابله سنده در دیو اوزرینه حکم
اولدینگی جهندن وجود محقق تعین و تعقل کی
اکا دخی نوما وجود ذهنی و تعقلده تعین حاصل اولور
ولکن ایکی تعینک میانده فرق بودرکه وجود محقق
تعقلده تعیندن غیری فی نفس الامر تحقیق واردر تعین
عدمک ایسه فی نفس الامر تحقیق یوقدر بایکه وجودی
بحسب التعقذر (و زمان عند الحکما فلك اطلسک
حرکتی مقدارینه دیرلر نته کیم دیمشدرکه (الزمان
مدة متوهمة تقطعها حرکات الافلاك) وعند المتکلمین
(مقارنة حادثة لحادث يسأل عنه بمتي) معناسنه در
یعنی بر منجدد معلومدن عبارتدرکه انکله منجدد آخر
موهوم تقدیر اولور مثلا (آیتک عند طلوع الشمس)
دیسسه طلوع شمس معلوم و محیی فی موهومدر پس
موهوم معلومه مقارن اولیحق ابهام زائل اولور
و عند العرب زمان لیل و نهاردن عبارتدرکه یوم ایکیسینی
مشمئدر یعنی یوم واحدک تفصیلی لیل و نهاردرکه
طلوع شمسدن غروب به دك نهار و غروبیدن
طلوعه دك لیل اعتبار اولور اطلسک حدوثدن اول
یوم دینلوب اما ایل و نهار دینلزدی زیرا ایل و نهارک
تعینی سمشک فلك رابعه وضعندن صکره حادث اولدی
و بورادندرکه دیرلر دهر ذاته دلالت ایدر بر اسمدرکه

عشر شله متعین اولان زمان انک صور تیدر و وجود حقیقی
آن دیدکدرکه زهن فرد غیر منقسمدر و ماهداسی
امر معدوم درکه ماضی و مستقبل فرض اولور و اول
آن دوران ایتکله ا کوان و الوان ظاهر اولوب احکام
دهر تفصل ایدر و یومک آن معناسنه اولدینگی (کل
یوم هو فی شأن) نصندن منقسمدر و الفاسنه معناسنه
اولدینگی (وان یوما عند ربک کالف سنة مما تعدون)
آیتندن معلومدر * پس مرتبه اجماله آن و مرتبه
تفصیله زمان دینلور و بزهرمان اسناد ایتک حدوث
و اولیتزه دلالت ایدر حق تعالی به ازلی دیمک اولیتنی
سلبه دلالت ایتدیک کی یعنی الله تعالی ازلی در دیمک
اول و ابتداسی یوقدر دیمکدرکه نعت سلبی در عینی
و وجودی یوقدر و زمان نسبت متوهمه اولغله الله تعالی
انی کتدی اوزرینه اطلاق ایتدی نیکم کلور (و کان الله
بکل شیء علیم) وینه کلور (لله الامر من قبل و من بعد)
و بر سائل رسول اکرمدن (این کان ربنا قبل ان یخلق
خلقه) دیو سؤال ایتدکده جناب نبوی نک آنی تقریر
و تعریف ایدوب (کان فی عماء لافوقه هواء و لا تحته هواء)
بیور می یوم مقوله صیغه لک تحتند امر و وجودی اولامنه
دلالت ایدر (و بعضیلر کان صیغه سنی زماندن سلخ
ایدوب مجرد تحقیق معناسنه اطلاق ایدر لرسیدوبه کی پس

بو معنایه دخی ملاحظه زمان لازم گلزو (کنت کنز مخفیاً)
 دیمک بنم کنز مخفی اولدیغ محقق دیو اخبار در وایکی
 اعتبار دخی حسندر (کیف تکلم من کان فی المهد
 صبیاً) آیتنده کان کله سینه زائده در دیمکدن تحقیق
 ایچوندر دیمک اولی در زیر اا کر چه قرآن امر زائده دن
 بری و بی معنی کله دن عاریدر فلما تأویله محتاج او اور
 خصوصاً که استماع ایدنلرک اذ هاننه معنادن خلونی
 انبالیدر بوا یسه شان قرآنه مناسب اولمز عجیبدر
 ارباب حقائقک احوالی که مسلککارنده اصلازل و ذاهب
 اولدقلری معنارده ذره قدر خلل یوقدر فامافهم دقیقه
 موقوفدر وظاهر بین اولنلر قصور ادراک وعدم
 ذوقلرندن افکاره دوشدکلرندن ماعداتأویلات
 سخیفه ایله اوراقی پرایملشدر

(بحث رابع)

کنز تحت ارضه وضع اولنش اموال نفیسه در بوراده
 مراد بطریق التشبیه خزانه ذات احدیه ده مکنون
 و مجتمع اولان اسماء و صفات عالیه در زیر ذاتک عدم
 ظهوری اسماء و صفاتک عدم ظهورندندر شویله که
 اکر اسماء و صفاتدن خارجده اثر اولیدی ذات احدیه
 کنز کبی مستور و مخفی قالمزدی (وبالاده ذکر مرور
 ایتیکه ذات احدیه کنز دینلدیکی غیبده مکنون

و بی نشان اولغله در بلکه بعض دفائنک خارجنده فی الجملة
 علامت موضوعه سی وارددر که انکله محله انتقال
 اولنور تشکیم بعض مطمئن سنه لره اماره قومشاردر
 فاما ذات الهیه ابطن کل باطن اولان مرتبه غیبده
 ایکن اصلاً علامت یوغیدی شول نوات کبی که تحت
 ارضه مدفونندو وهنوز انده نشان نابود در
 بوجهتدن اوراده نوات اولدیغنی کیمسه بیلز چونکه
 وجه ارضه خروج وانشقاقنده حاصل اولان نصفیندن
 بربرکی ذاته و بربرکی دخی صفاته نشان اولوب نشوونما
 بولدقچه شجره صورته کیرر و اغصان و اوراق صاحبی
 او اوب غایتنده میوه ظهور ایدر که اصل نواتک
 صورتی اولان چکر دکی مشتملدر (اشته هرشی اصلنه
 رجوع ایدر دیدکاری بودر) و جنید بغدادیدن قدس
 سره سؤال اولنوب (ماالنهایه) دینلده (الرجوع
 الی البدایه) دیوجواب ویردیکی دخی اکاناظردر ولکن
 نهائیک بدایته رجوعی کیفیت مخصوصه ایله اولدیغنی
 مرور ایتشدر (مثلاً نوات وجه ارضه کلوب و بدن
 شجره ظهور ایدوب اغصان و اوراق مرتبه لرین
 دوردن صکره میوه صورته دخول ایتیکده اطوار
 مختلفه اعتبار اولنور که تحت ارضه ایکن
 بواطوار و اعتبار یوقدر (و نوات میوه من وجه

اولکینک عینی ومن وجه غیریدر (عینی اولدیغی
بودرکه نوات اولی شجره کیفیت ایلله تکلیف
ایلشدر شویله که برکیسه اول نواتی کورمک
مراد ایلله شجره به نظر ایدر و شجره به نظر ایتک
اکانظر کبی او اور و غیره اولدیغی بودرکه نوات
میوه نتیجه صورتندده ظهور ایتشدرکه شجره به
نسبتله پدردن ولد کیدر و مشهوردرکه دیرلر (الولد
صنوا به) یعنی پدردن نطفه صورتی ظهور ایدوب
اندن و ادتکون ایتکله ولد دخی حد انسانیته داخل
اولوب پدر صورتنه کیردیکی کبی نوات مدفونه دن
دخی شجره ظهور ایدوب اندن میوه حاصل اولغله
میوه دخی چکردکی اعتباریله نوات اولی صورتنه
داخل اولوب اصل و فرع متحد کبی اولدی اشته
حقله عالمک مثالی بودر یعنی عالم و آدم ذات احدیه نک
اسماء و صفاتله تجایسندن وجود بولوب مقصّل اسمندن
ظهوراتی تمام اولدقدن صکره (والیه ترجعون)
و فقجه تفصیل اجماله رد اولندی ونسب و اضافاتدن
حاصل اولان امور عارضه زائل و مضمحل اولدی
ولکن بورجوع کینه موت ارادی فنائی و کینه موت
اضطراری طبعی ایلله حصوله کلدی و بوا یکی موته
دخی قیامت صغری دیرلر تکیم انحلال اجزاء عالم ایلله

اولاته قیامت کبری دیرلر زیرا بوقیامت جمله جزئیات
فنا بی مشتملدرکه انک فوقنده دخی فنا بوقدر
بوجهندن قیامت کبرایه فناء اکبر دینور مع هذا
خلق جهندن دخی اکبردر تکیم قرآنده کلور (خلق
السموات والارض اکبر من خلق الناس) یعنی سموات
وارض که عالم آفاق و تفصیلدر دلالت جهندن عالم
انفس و اجمالدن اکبردر زیر انفس و افاق متن ایلله شرح
کیدرکه متن شرحه کوره مختصر و مجمل اولدیغی
کبی آدم دخی عالمه کوره بویله در وفی الحقیقه آدمی
کورن عالمی کورر و بالعکس تکیم قرآنه نظر ایدن
صورت محمدی به نظر ایتش او اور و بالعکس و بو
مقامندرکه بعض کبار (انا القرآن) دیمشدر در مراد کتاب
جامعدرکه حقایق الهیه و کونیه بی حاوی در و قرآنک
اخلاقی ایلله منخلق اولدیغی جهندن صورت قرآن
اولشدر بو وجهله ولی دخی وراثتی حسیله صورت
محمدی و کتاب و قرآن اولور پس کتاب تکوین اعتباریله
و قرآن تنزیل جهتیله درکه احکام و اخلاقله عمل
و تخلقه دائردر ولکن کتاب تکوینی دخی فی الحقیقه
حقندن منزل و مرسلدر بو جهندن انسان کامل دخی
کتاب منزلدر یعنی من عند الله ارسال اولنوب
جمله حقایق ذات و صفات انده درج قلنشدر

و عالم بر شجره و ملائکه انك اغصان و اوراق و انسان
اول شجره نك ميوه سی کبدر و بویله دیمك دخی اولور که
انبیا علیهم الصلوة والسلام ميوه سی و اكل الموجودات
محمد صلی الله تعالی علیه وسلم اول ميوه نك زبده سی
کبدر زیاده کبد الحوت کبیکه باق جگری اوزرنده
بر لجم پاره سیدر که لجم حوتده اندن الذ و انفع یوقدر
انکچون اهل جنته مقام حظیره القدسده ابتدا اول زیاده
کبد لاجل التناول وضع اولنسه کر کدر و بویله دیوتشیل
دخی ممکندر که جله انبیا یدلرنده اولان کتب و صحف
الهیة اعتباریله سلطان اعظمك امر و فرمانی کی
و رسول الله علیه الصلوة والسلام ویدنده اولان
قرآن اول فرمانك طغراسی کبیدو که فرمان
سلطان طغرا ایله معلم اولمسویه نقاذ بولدیغی کبی
جیع انبیا دخی صورت محمدیه و جله صحف و کتب
شکل قرآنده بروز و ظهور ایتسه لر ایدی رواج
بولزلردی بوسیدن انك هر صورتده بر سری وارد
فاهم جدا * چونکه کنزك ظهورندن مقصود
صورت محمدیه نك مظهر تام اولماسیدر پس
صورت محمدیه صورت حقدر که عالم امکانده اندن
ابدع صورت یوقدر نتکیم دیمش لردر (ایس فی
امکان ابداع مما کان) یعنی عالم و آدمدن ابداع

نسنه یوقدر وهرنه که علم الهیده واردر انك
صورت بدیهه سی بوافاق و انفسدر و بو صورت
بدیهه نك ابدعی صورت محمدیه در که ظاهرده
اسمریت و املحیتی ایله جله یه فائق و باطنده اجمعیت
و اکملیتی جهندن مجموع عالم و آدم اوزرنده
تر جمیع و تفضیله لایقدر و بوسره رهن ایدر دلائل بی شمار
و اشارت قیلان براهین بسیاردر نته کیم ارباب عرفانه
خفی دکدر ﴿ نظم ﴾ ای تزرو خوش خرام بوستان
اصطفی * وی هزار آواز کلزار معالی مصطفی *
سورة نوره یوزك اوح الهی اولسه * ابروانکدن
یازار ایدی بسم الله اکا * نقطه نور سیاه خالکه
بکزر قتی * مصحف تکوین ایچنده آیت وحدت نما *
ایلرندن فیض الـور بحر بلاغت تا ابد * فیض
لطفندن بودرلو هر معنی شیرین نما * اولمسیدك
مشهد حسنه ملاححت بخشا کر * قنده اولوردی
زلیخا یوسفیله مبتلا * کنز مخفی سرنی حقی به اظهار
ایلدك * دوات عظمایه ابردی اول فقیر بی نوا *

(بحث خامس)

کنز ذاته مخفی دینلدی ولکن اکر خفا حق تعالی به
نسبتله در دینلورسه بوسوز باطلدر زیرا برشی
کندی نفسندن مخفی اولاق محالدر و اکر غیره نسبتله در

دینا ور سه بودخی کالا وادر زیرا از لده غیرك وجودی
اولیحق معنای خفا تصور اولماز یعنی خفا و ظهور
امور اضافیه دندرکه احد همانك وجودی آخرك
وجودینی مستلزمدر بوراده ایسه خفا وار و لکن
ظهور بوقدر شونك خفاسی شوکا نسبتله در دیه سن
یونك جوابی بودر که بوراده خفا سلب ظهور
معناسنه درکه ذات احدیهك فی نفس الامر ظهوری
یوغیدی و معروف دخی دکل ایدی زیرا معرفت غیرك
وجودی اوزرینه مبتنیدر پس غیر اولیحق معرفت دخی
اولماز بناء علی هذا (کنت کنزاً مخفياً فاحببت ان اعرف)
ایکی وجهله سلبی مشتمل اولور قضیه ایسه سالبه اولسه
صدق و کذبده وجود موضوعه محتاج اولماز مثلاً
(يتحرك انسان في الدار) دینلسه دارده وجود انسان
اولق لازم کلز و بوسوز صادق اولور الحاصل دارده
انسان اولدیغی وقتده تحریکی نفی ایتك صحیح اولدیغی
کی اولدیغی وقتده دخی صحیحدر پس دیمك اولور که
دارده انسان تحرك ابتدی زیرا انسان بوقدرکه
تحرك ایده بناء علی هذا بو مقامده دخی غیر بوقدرکه
اکا کوره حق ظاهر و معروف اوله فالما بذاته لذاته
ظاهر در یعنی حق کندی نفسنده کندینه ظاهر درکه
اکا مرتبه جلاء دیرلر تکیم اسماء و صفاتك تجلیاته

مرتبه استجلاء دیرلرکه ذاتك مراتب تعیناته ظهوریدر
و بر دخی حقك انسان کامل ایله ظهورینه کمال جلاء
دیرلرکه ایجاد عالمدن عین مقصود انسان کاملدر
و جمیع تعیناتیه ظهورینه استجلاء دیرلر و بوتعیناته غیر
دیدکاری بعین حاصل متعین اولغله در زیرا حقایق
اسمائییه لازمه اولان احوال مختلفه و ظهوراتی مرتبه
احدیتدن امتیازینه دائردر و اشیا به اغیار دیمك
بو معنادن ناشیدر و ماسوی و اغیار بر معنایه در و اصناف
ماسوی طقوز نسنه دن عبار تدرکه (ملك و فلک و کواکب
و طبیعت عنصر و معدن و نبات و حیوان و انسان) در
و ملك تقدیم اولندیغی بودرکه ابتداء عالم ابداء عده
ظهور ایدن ارواح نوریه درکه عقل اول یعنی
قلم اعلی اندندر اندکصر کیره نفس خلق اولنمشد درکه
لوح محفوظدر بعده جسم و عرش و مقر عرش اولان
ماء جامد و هواء و ملائکة هواء و کرسی و ملائکة
کرسی و اطلس و ملائکة اطلس و فلک و منازل و جنات
و مشتمل اولدیغی نعیم و کواکب منازل و ارض و ماء
و هواء عنصری و سموات سبع و کواکبی و ملائک
کواکب و ملائکة نار و هواء و ماء و ارض و طائفة جان
و مولدات نشوه و جسد انسان و مولداتکه معدن
و نبات و حیواندر هر برندن حاصل و ظاهر اولان

اشخاص و اعمال مکافین دن مخلوق اولان صوردر
اشته عالم ظهور بو ترتیب اوزرینه نضد و تنظیم اولمشدر
(و حدیثه کلور ان الله خلق الخلق فی ظلمة ثم رش
عایهم من نوره فمن اصابه اهتدی ومن اخطا ضل
بو حدیث شریف ایکی وجهله توجیه او انور (اولکیسی
بودر که ظلمدن مراد ظلمت عدمدر بو صورته
خلق تقدیر معناسنه و لفظ نور وجوده محمول اولور
پس دیمک او اور که الله تعالی خلقی ظلمت عدمده
تقدیر ایلیوب صکره نور وجوددن اوزرلرینه زش
ایدوب وجور خارجی ایله موجود قیلدی و هر کیمه که
نور وجوک لوازمندن اولان نور علم اصابت ایتدیه
طریق جنت و قربت و راه رضایه مهتدی اولدی
و هر کیمه که اصاب ایتدیه هر یوزدن ضال و مغضوب
قالدی بو معنایه اصاب ضمیری نورک معنای ثانیه سی
اولان علمه راجع اولمش اولور تکیم اهل بلاغت بو مقوله
معنایی بدیعندن اعتبار ایلر (و معنای ثانی بودر که
لفظ خلق اصلی اوزرینه در و ظلمدن مراد ظلمت
جهل و نوردن مراد نور علمدر بو صورته
معنا ظاهر در و بو معنایه دائر در شول آیت که قرآنده
کلور (والله اخرجکم من بطون امهاتکم لاتعلمون
شیئا) پس دنیاده علم نافع و معرفت الهیه اهلی اولیق

عالم ارواحده رش اولان نورک ثمره سیدر ورش
دیندیکی نفخده واقع اولان اجزاء رشیه اعتباریله در که
بوراده بطریق التمثیل وارد اولمشدر و کانفس
رحمانی و تجلی ساری و نوری دیرلر زیر امرتبه علمدن
مرتبه عینه فیض مقدسه نزول و بروز اعیان اسم نور
حسیله در شویله که اگر نور الهی اعیانی بری برندن
تعینات مخصوصه ایله تمیز و اظهار ایتسه ظلمده
قالورلردی انکچون تجلی دیندی زیر تجلی ظاهر اولیق
معناسنه در بوجهتدن عالم (ظاهر) اسمنه مظهر
اولدی پس حقیقتده ظاهر الله تعالی در زیر کنز مخفی
اولان حقدر خلق دکادر بویوزدن ظهور ایدن
ذات و اسماء و صفات الهیه در و بو مقامده دیمشدر که
حق ظاهر و خالق مستور در اگر چه خالق عالم یا کلش
فهم ایلیوب خلق ظاهر و حق باطندر دیرلر (الحاصل
ظاهر و باطن الله تعالی در و لکن ظهوری اسماء
و صفاتنه و بطونی غیب ذاته دائر در اگر چه ذاتی
دخی روشندر زیر شواهد توحید تعبیر اولان اشیا
مظاهر اسماء در که وجه ذات اوزرینه عروسه برقع
کبیر و اسماء مسمایه مرآتدر (و بوندن فهم
او انور که حق تعالی خارجدن نسنه ایله محجوب
دکادر بلکه کندی اسماء و صفاتیه محتجدر زیر اندن

غیری امر خارج بوقدر بویوزدن آثاری حسله و اسماء
وصفاتی قلبه مشهود در اشته حق مریدر دیدکری
بودر بوقسه حس ظاهرله حق محسوس اولمقدن
منزهدر و حضرت علی رضی الله تعالی عنہک (لا اعبد
ربا لم اراه) بیوردیغی معنای مذکوره راجعدرکه آیات
بیناتله مشاهددر و كذلك ابو یزید بسطامی قدس
سرمه نك (سبحانی ما اعظم شانی) دیدیکی اشبو مقام
اسماء و صفاته ناظر در (و رسول الله صلی الله تعالی
علیه وسلم مقام عجزده (سبحانك ما عرفناك حق
معرفتك) بیوردیغی کنه ذات حق اعتباریه رد
و بو مقامده بیورر (نورانی اراه) یعنی الله تعالی
نسب و اضافاتدن مجرد اولدیغی اعتبارله مرئی اولماز
زیرا کنه ذاتی هیچ بر نبی و برولی ادراك ایتمشدر
بلکه انی ادراك ایدنلر اسماء و صفات لباسیه ادراك
ایتمشدر فایتنی مقام اولوهیتده اولان ادراكدر نتکیم
(فاعلم انه لا اله الا الله) آنی اشعار ایدر پس بو بر بحر
محیطدر که سفینه و طیرانله قطع اولنماز بلکه
اوراده حقول و نفوس غرق اولوب قالور و قلوب
مکاشفین حیرت کری اولور و دیمشدر که اوج
یوز الشمس بیک عالم سیرانی وارد و آنک ماوراسی
عالم بهت و حیرت در و بو عالم عوالم سیرانیه نك کیمی

جسمانی ظلمانی و کیمی روحانی نورانیدر و بونك
برقاج عالمی سیر و برارز خنی قطع ایتك آسان اولمچق
مجموعنی طی ایتكده نقدر صعوبت اولمق کر کدر
مکرکه توفیق و تسهیل الهی اوله نتکیم بعض اکابر
اهل توحید احکام و جوبلری احکام امکانرینه
غالب و قوت توحیدلری ماسوایی سالب اولمالریله
سر اربعینده تکمیل نشئه ایتمشدر و دائرة اولی
دن دائرة ثانیهیه دخول ایتمشدر و بونلر
اهل تفریدر که توحید و تجریدی جمع ایتلریله
رتبه کبرادن صکره فضیلت عظیمی دخی
بو اوب انسان اکمل اولمشدر و غیریلری دخی
تکمیل ایله شرف عظیم بولمشدر (نظم)
بلدکی ندر ای کوکل انسان کاملی * نوادی بوجهان
مزرعی ایچنده حاصلی * دریای علمه صالیدی
انی حضرت فیاض * بحر محیطی ایتدی کذر فیض
شاملی * حب صنوبریده فلك حبه دار اولان *
شول اون سکز بیک عالم اولمزمی حاملی * کنز
نهانه اولسه مفتاح بوالعجب * اواز دی نقد معرفتک
کیمسه واصلی * کر کسه کالده معیار زر اولا *
(حق) او اورمی املی کمالک معادلی *

(بحث سادس)

کمال جلاء و کمال استجاء دن مراد عبادت و معرفت در تکلم
﴿ و ما خلقت الجن و الانس الا ليعبدون ﴾ زیرا عبادت
شرعیه که منهاج سنت اوزره اولانه دیرلر معرفت
صحیحیه مؤدی در حتی عمل شرعی تقوی و سلوک
اوزره مبنی اولیان معارفه معارف شیطانیه دیمشاردر
پس معرفت مقبوله نك وسیله سی عمل شرعیدر انکچون
آئنده عبادت تصریح اولندی و قرآنده (ما خلقناهما
الا بالحق) یعنی بوراده بآ لام معناسنه در که
للحق دیمکدر و حقندن مراد حقه عبادتدر و بآده
معنای آخر دخی وارد در که اهلنه معلومدر وینه کلور
(یا ایها الناس اعبدوا ربکم) بوارده عبادتی توحیدله
تفسیر ایتدکاربیک وجهی بودر که مخاطب اولنلر طائفه
قریشدر که مشرکرایدی انکچون کلور ﴿ ولا
یشرك بعبادة ربه احدا ﴾ و طائفه مذکور
خالقندن سؤال اولنسهلر کرچه الله در دیرلردی
ولکن عبادت اصنامله حقه شریک اسناد ایتدکاری
منافی توحید ایدی انکچون اعتراف ربوبیت
ایتدکاری معتبر اولدی و توحیدله مأمور اولدیلر که
توحیدک مقتضای عبادتی حقه تخصیصدر
انکچون مؤمنلر لساننده (ایاک نعبد) دینلدیکه بونده

اهل شرکی تشریکاری ایچون رد وارد در چونکه
تشریک ربوبیت جهلندن ناشیدر بوراده دخی
عبادات معرفتله تفسیر اولنغه صالحدر زیرا حقندن
غیرییه عبادت ایتک استقلال ویا تشریکا جهل
محض و مقام جلالی عدم ادراکدندر انکچون
کلور (و ما قدروا الله حق قدر) بوجهتندن حتی
معرفتله مأمور اولدیلر که حق معرفتک حکمی
توحید و تخصیص عبادت بالحق در (سؤال
اولنوسه که چونکه ایجاد عالمندن مقصود اولان
انساندر که معرفت و عبادتله مأموردر مع هذا
نه نی ونه خود ولی حق حقیقتی اوزره ادراک
ایتماشلردر انکچون سید الطائفه جنید بغدادی
قدس سره دیمشاردر که (لا یعرف الله الا الله)
جواب بودر که مقصود اصلی الله تعالی بی اسماء
وصفاتیه معرفتدر یوقسه کنه ذاتیه معرفت
دکدر زیرا ﴿ فاعلم انه لا اله الا الله ﴾ کلامنده
متعلق علم اولان مرتبه الوهیتدر که مقام واحدیتدر
یوقسه مرتبه ذاتیه دکدر که مقام احدیتدر پس
ذات واحدیه در ذات احدیه علمک تعلق راجع
دکدر و قرآنده کلور (و یخذرکم الله نفسه) یعنی
الله تعالی سزای ذاتندن تحذیر ایدر که طالب ذات اولمایکز

بلکه طالب اسماء و صفات اولو کز که سزک مقتضای
استعداد کز ذاتی اسماء و صفات ضمیمه بیلکدر
یوقسه من حیث هی ذات احدیه دکل و بردخی آیت
مذکوره نسبتدن انقطاعه رمز ایدر زیرا طلب
نسبت اضافتدر که معنای اثینیتدن خالی دکلدر
زیرا آنده طالب و مطلوب و طلب اعتبار اولور بوا یسه
فناء ذاته مفقوددر یعنی طالبک طای تعین مخصوصی
اعتبار یله در یوقسه لانه تعین حسیله ذات حقه ده
فانیدر فانی ده ایسه طلب و سائر اوصاف و نعوت
کونییه ملحوظ دکلدر و مرتبه بقاده ملحوظ اولوق
توحید حقیقی بی منافی دکلدر زیرا عارف مکاشفک
نظری بشقه و محجوب جاهلک بشقه در یعنی عارف
مکاشف اثینیتی حالنده موحد حقیقی در که نظری
بر مرتبه دن بر مرتبه در محجوب جاهل ایسه مراتب
بیلدیکندن وجود ثانی اثبات ایدوب مشرک او اور
وجود ایسه بر در و لکن مراتب مختلفه سی وارد
نتکیم سلطان اعظم بر در و لکن کلاسی اعتبار یله
مراتبی چوقدر که تعدد اسمایه ناظر در و تعدد
اسمادن تعدد مسمی لازم کز بایکه کثرت اسماء
شرف مسمایه دالدر نتکیم بر کیمسه یه بلبل و شکر دیرلر
صونی خوش ولذیذ اولوق اعتبار یله در زیرا هر اهل

نعمه نک نعمه سنده حلاوت اولمز هر جمیلک حسن و جالنده
آن و ملاحت دیدکاری معنی اولمدیغی کبی بوا اعتبار له
بعض اشخاصه صورت بی روح دیرلر نتکیم جاذبه سی
اولانه روح آشنا اطلاق ایدرلر و تعارف روحانی
تعارف جسمانی یه مؤدی اولوق اوصافده مشارکت
حسیله در پس اگر مشارکتده کلیت وار ایسه جاذبه
دخی قویه کلیه والا ضعیفه و جزیه او اور

بحث سابع

(لاعرف) کله سنده لام تعلیل ایچوندر ایچدون ده
اولان لام کبی فعل حق ایسه معلل بالغرض
دکلدر بلکه تحصیل مصلحت و دفع مفسدتدن
بریدر والا اول غرضی تحصیل ایله مستکمل
اولوق لازم کلور بوا یسه ذاتنده نقصانی مشعردر
(تعالی الله عن ذلك) جواب بودر که بومقوله
لامات عقلا لام علت و شرعاً لام مصلحت و حکمتدر
زیرا افعالی و احکام آلهیه حکم و مصالح عبادی
مشمولدر که تفضل و احسانه دائر در بونده ایسه
غرض و علت لازم کز * الحاصل الله تعالینک کمال
ذاتیسی و کمال اسمائیسی وارد و کمال اسمائی یه کمال
اضافی، برلر و استکمال بالغیر متمنع اولوق کمال
ذاتی ده در یوقسه کمال اسماء و اضافی ده دکلدر

زیرا مظاهر کونیه اولدجه آثار اسمانک ظهوری متمتعدر
 واکا کندی صفاتیله استکمال دیرلرکه محذور دن حالیدر
 پس حق تعالی عز و غناسی جهتیله فعلی غرض ایچون
 دکلدیر بلکه کونه رحمت ذاتیه سنک فیضیدر و عبادتله
 امر ایتمدیکی عابد ایچوندر یوقسه معبود ایچون دکلدیر تنکیم
 حدیث قدسیده کلور (خلقت الخلق لیربحوا علی لا
 لاربح علیهم) یعنی خاق خاق ایتمکده نفع وفائده ینه
 خلقه در یوقسه حقه دکلدیر زیرا حق تعالی
 مرتبه ذات احدیه ده والله غنی عن العالمین موجبجه
 غنی بالذات در فاما اسماء و صفاتک حقائق ظهور
 ایتمکده مظاهر کونیه به فائده واردرکه کتم عدمدن
 عرصه وجوده بروزلرندن ماعداسیر اطوار ایلیوب حلیه
 حقایق ایله اصله رجوع ایدرلر و ضیقندن خلاص
 اولوب (والله واسع علیم) موجبجه کاه جلال ذات
 وکاه جمال صفاتده سیر ایدوب جمع و فرقه دریا
 و صحرا بی جمع ایدرلر والی ابدال آباد روضه وجودلری
 امداد نسیم فیضله شادان و پر نما اولور اشته بوتقریردن
 فهم اولندیکه بو عالم موجود اولسه ده اولسه ده و حق
 جل و علا معرفت محدثه ایله بیلنسه ده بیلنسه ده حق
 تعالی کندی ذاتنده کاملدر پس ممکنک وجودی
 رتبه وجودک کالی و معرفت حادثه نک وجودی رتبه

معرفتک کالی ایچوندر رتبه نک کالی ایسه ذاتک
 کالینک غیریدر مثلاً سلطان اعظم نخته جلوس ایتمسه
 دخی ینسه ذاتنده کاملدر فاما جلوسیه مراتب
 اسماء ظهوره کلور ورعیت ایله کندی ارمسندهارتباط
 وجود بولور اشته علم الهی دیدکاری بوارتباط ونسبتی
 بیلکدر یعنی رب ایله مربوب ارمسندهارتباط نوجهله در
 وکائنات آندن نوجهله انتشاء ایتمشدر انی بیلکده
 علم الهی دیرلرکه اسماء و صفات و افعاله متعلقدر
 و ذات احدیه بو پرده لره محتجبدر پس صفات افعال
 یوزندن و اسماء دخی صفات آینه سندن و ذات دخی
 اسماء پرده سندن سیر اولور و بونک مافوقنه مجال انسان
 یوقدر زیرا ذات بحت در که عالم دهشت و حیرتدر
 مکرکه کل اولیا به تجلی برقی واقع اوله یعنی نور ذاتدن
 بعض پرتو عکس ایده بودخی آنی ولحی در انکیچون
 برق دینلدی زیرا برق ایکی آنده ممتد اولسه خاطف
 بصری محرق اولدیغی کی تجلی برقی دخی بصیرته
 کوره بویله در بوسپیدن اکثر تجلیات الهیه وراء
 پرده دندر زیرا مرتبه امکان مرتبه وجودک سطوطنه
 تحمل ایده من اگرچه قلب انسان کامل نظر کاه
 الهی و مسکن رحمانی در ولکن استعدادی مقداریدر
 تنکیم اربانه معلومدر (ومن الله التجلی والتسلی

فی کل حین من الاحیان وفی طور من الاطوار
والمقامات والمواطن

مبحث ثامن

چونکه الله تعالى خالق عبادت و معرفت ایچون خلق
ایتدی پس ندن خلق طامک اکثری هدایت بوادی
و بعضی طریق ضلالتہ دوشدی جواب بودرکه ایجاد
طامدن مقصود اصلی انسان کاملدر بوایسہ هر عصرده
موجوددرکه قطب وجود و سائر اقطاب و افراددر
زیرا عالم جسد و انسان کامل روح کبیدر بناء علی هذا
قیامت کبرایہ دکن روح عالم باقیدر حتی منقولدرکه
حضرت عیسی علیه الصلاة والسلام آخر زمانده نزول
ایدوب وجه ارضده قرق سنہ استقراردن صکره
مقعد نام خلیفه بی برینہ براغوب اول دخی انتقال
دار بقا ایتد کدنصکره وجه ارضدن مصحف مرفوع
و صدوردن دخی قرآن منسی و زائل اولسه کر کدر
بوجهتدن حکم قرآن مرتفع اولیحق اول اعصارک خالق
شهواته اتباعده حیوانات مثال اولوب بالآخره
قیامت انلرک اوزرینہ قوپه و شمسک مغربدن طلوعی
دخی بومعنایه دالدر زیرا شروق شمس روح
انسانک نورینہ و کائنه وغروب روح حیوانینک
ظلمت و نقصانده دالدر بناء علی هذا مغربدن طلوعی

انقراض طامه نشان اولور زیرا روح انسانی
بدندن مفارقت ایتد کده بدن معطل و خراب اولدیغی
کبی انسان کاملک دخی طامدن مفارقتی طامک انحلال
اجزاسنہ علامتدر و بوتندن فهم اولنورکه برشهرک
خلقنه صفت حیوانیت غالب اولسه اورادن هجرت
ایدوب انسان کامل بولسان محله قرار ایتلیدر
بوسیددن وارد اولمشدرکه (ایاکم و الکفور فان
ساکن الکفور ساکنوا القبور) یعنی قریه لرده جهل
و حیوانیت غالب اولان مواضعده توطن ایتمکدن
نهی اولندی زیرا اولیه برلرده ساکن اولمق
قبرلرده میت مثال یاتمقدرکه علم و عملدن خالیدر
زیرا قلب و روحک حیاتی علم ایله وجسدک
دخی عمل صالح ایله در بوایکی اولیحق صورتی آدم
و سیرتی حیوان اولور بوجهتدن انسان حیوانی
دیرلرکه نصفی صورت الهیه اوزرینہ درنصفی میت
کبی پس نقدر حیوانات وار ایسه کمال انسانی نک
فقدانیه میت کبی اولیحق انلره ملحق اولان انسان
حیوانی دخی میت حکمنده اولور و میتہ مقارن
اولانه دخی بحکم الجوار میت دینلور و حضرت
عیسی علیه السلامدن مأثوردرکه (لا تجالسوا الموتی)
بیور مشلدردر سؤال ایتدیلرکه موتی کیمدر (جواب

ویردیلرکه انلر اغنیادر زیراحب و شغل دنیا ایله قیلیری
مردده و نفسلری زنده اولمشدر و سائر لدخی بونلره قیاس
اولنه و بو معنادن دینی محافظه ایچون هجرت ایدن
استحقاق جنت ایله موعوددر کر کسه انتقال ایتدیکی
برقارش یعنی موضع قلیل اولسون مثلا برشه رده
بر محله نك خلقنده صلحا و عرفادن کیمسه او ایوب فساد
وجهالت غالب اولیحق انلرک ارالرنده طور میوب
محله اخرايه نقل ایتلیدر زیرا او مقوله لرله مخالطه
وانلره مجاورت ایتک حلول ایدن بلانک سریان
و عمومیه باعثدر تنکیم قرآنده کلو (و اتقوا
فتنة لا تصيبن الذين ظلموا منكم خاصة) یعنی بلیه نزول
ایتسه بحکم الجوار جله به ساریدر حضرت داود
علیه السلام زمانده و سائر امم اعصارنده اولدیغی
کبی انکیچون افضل اعمال اولان امر ونهیدن
خالی اولمق کر کدر زیرا حقندن سکوت
ایدن شیطان اخرسدر ایجابی حالنده ناس یانلرنده
کله حق سويلك جهاد اکبردر زیرا ضرر احتمالی
واردر اگرچه امر ونهی بشرط السلامه در
چونکه محلاتك احوالی بویه در شهرلر لدخی اکا
قیاس اولنه یعنی برشه رده شرعه اقامت ممکن
اولیحق اورادن شهر اخره هجرت کر کدر اگر شهر

آخرک اهلنه صلاح غالب ایتسه والا دنیا ایچون هجرة
مذموم و منهی در زیرا دنیا غرضی زائل اولوب
آخرته قاله حق حسن عملدراشته بومعنی آفاقه کوره در
انفسده لدخی کر کدرکه جهلندن علمه و اخلاق
ذمیه دن اخلاق حیده به و میل ماسوادن حقه فرار
ایلیه وبالذات کندی الندن کلمسه مرشد کامل
و مرد واصله مراجعت ایلیه والا علی ضایع اولور
و نفسی خسران بولور دین و دنیا ده زیان ایتسه
عقل سلیم اهلی یاننده منفوردر

﴿ مبحث ناسع ﴾

چونکه عالم و آدمی خلقدن مقصود کمال جلاء و کمال
استجلاء در پس کمال بالذات محبوبدر و طالب حق اولمق
فی نفس الامر طالب کمال اولمغه راجعدر و انسانک کمالی
اهل قلب اولمقده درکه اسم اعظمه مظهریتدر و اثری
آفاق و انفسی بری برینه تطبیقه قادر اولمقدر
تنکیم (حتم الا وایاء قدس الله سره تطبیق ایلشدر
زیرا انفس و آفاق بری برینه مطابق و مقابل ایکی آینه
کبیردر اگرچه بری اجمال و بری تفصیلدر انکیچون
تطبیق لازم کلدی زیرا متن ایله شرحی بری
برینه تطبیقنده صعوبت وارددر پس بو معنی علماء
و عرفاء میاننده جاری نسنه در انکیچون استادله

استاذ اراسنده فرق اولدیغی کبی عارف ایله اعراف
اراسی دخی بویله در یعنی عالم واهل اولدیغی
کبی عارف واعر ف دخی اولور وقرآنده کلور
﴿ وفوق کل ذی علم علم علیم ﴾ یعنی فوقیت ایله
متصف اولاندن علیم ایله تعبیر اولندی که صیغه
مبالغه در و علمك مبالغه سی کثرت معلومات
ومتعلقات حسیه در پس حق علیمدر که جمیع
الهیات وکونیاتی محیطدر وانسان کامل دخی
بقدر الاستعداد بویله در زیرا کنهی وتفصیلی
اوزره ادراک الیك حقه مخصوصدر زیرا هر ذره
بوزندن ظاهر در وکلمات الهیه به نهایت یوقدر
نتکیم قرآنده کلور (قل اوکان البحر مدادا
لکلمات ربی لنفد البحر قبل ان تنفد کلمات ربی ﴾
یعنی بحر تمام اولور کرکه بدی دریا اواسون
فاما کلمات الله تمام اولماز وکلمات الله دن مراد
نفس رحانی اوزرینه مبسوط اولان تعینات
وجودیه در یعنی جوهر هیولانی دن جواهر کثیره
تولد ابتدیی کبی نفس رحانیدن دخی صور عالم
ظهور ایتشدر نتکیم الفاظ انسانی اوزرینه
مالا نهیه حروف وکلمات بسط اولنور وخصوص
اوزرینه اسماء جامعه ومظاهر کلیده کلمات تامه

دینلور وحضرت عیسی علیه الصلوة والسلامه
کلمه الله دینلدی زیرا وجودی وسائط معهوده ایله
ظهور ایتیموب محض نفس نفخ جبریل ایله حاصل
اولشدر وروحه مناسب اولان روح اولغله روح الله
دینلدی وکلمه ایله تسمیه به بروجه دخی بودر که خالق
انک (من المهد الی المهد) کلمه وکلامیه منتفع اولشدر
نتکیم قرآنده کلور ﴿ قال انی عبدالله اتانی
الکتاب ﴾ الی آخر الیه نتکیم حضرت علی
رضی الله عنه حضرت لرینه اسد الله دینلدی زیرا
خالق انک نجات وشجاعتیه منتفع اولدیله
وخالد بن الولید رضی الله عنه حضرت لرینه سیف الله
المساول دینلدیکی دخی سیف صارم ایله غزاء اکبر
ایدوب اهل اسلامك اعداء اوزرینه غلبه سنده
سبب اولشدر وبعض علمایه دخی امام غزالی کبی
حجة الاسلام دیمک حجت غالبه سندن یعنی ابراز برهانه
الزام خصم ایتیمکدن کنایه ومبالغه در پس (من قامت به
الحجة) یه حجت اطلاق اولنق (رجل عدل) قبیله دن
اولور که مبالغه به محمول در یعنی عدل وانصافه
زیاده تمسکی اولان مادله نفس عدل اطلاق اولدیغی
کبی احتجاجده غالب اولانه دخی حجت محض
دینلدی کویا وجودی محض حجتدر نتکیم (رسول الله

صلی الله تعالی علیه و سلم افندم حضرت تهرینه برهان
اطلاق اولندی کما قال الله تعالی (قد جاءکم برهان
من ربکم) یعنی جناب نبویک جمع اجزاء بدنیه سی فردا فردا
من حیث هو برهان اولدیغی کبی نفس وجودش بریقلری
دخی برهان ایدی انکچون ایله معراجده جسد
وروحله معاً عروج ایلدیلر یعنی بو معنی نفس
وجودک برهان اولدیغنه دالدرکه غیریلر بو اقتداری
بولمشلردر زیرا حضرت عیسی فلک ثانی یه وارد و پس
فلک رابعه عروج ایدوب مافوقنه کذر ایتمشلردر
جناب نبوی ایسه مستوای عرشه دک جسدیله عروج
ایدوب روح وجسدله نه مرتبه لره دک صعود و سیر
ایتدکلربی انجق الله تعالی یلور و حجة الله ده بویله دیمک
دخی بوجهتدرکه دنیاده بر دعواده شاهد اولان
کیمسه مدطایه حجت اولدیغی کبی نیجه علماء بالله دخی
روز قیامتده خلقک خیر و شرینه شهادتله حجت اولسه لر
کر کدر تکیم قرآنده (ونزعنا من کل امة شهیداً)
وینه کلور (فکیف اذا جئنا من کل امة بشهید)
اشته بو شهادت کل انسانی یه دائردر زیرا
هر کس یوم حشرده محجوج اوورز دیواغلر لر غیره
حجت اولق قنده قالدی (سؤال اولنورسه که کرچه
اشیا کنز مخفیدن ظهوره کلدی فاما اجسام ممکنه

اولدقلری جهتدن متناهییه در پس کلمات الله
متناهییه اولق لازم کلور جواب بودرکه عدم
نفاد و تناهی قدیر اسمنه راجعدر یعنی الله تعالیکن
قدرتک حد محدودی بوقدرکه کلماتی اوراده متناهییه
اوله بوجهتدن سلسله کائنات الی ابد الابد متسلسل
ومتصل اولمقده در والاصفات الهیه منقطعه
اولق لازم کلور بومعنادن کلمه و کلام الهی باقیدرکه
کن امری وانک متعلقایتدر واصلنده نفس رحانی
جمع مقدوراته روح ذاتی بخش اولمشدر ولکن
هر نسنه نک ظهوری وقت مخصوصنه مرهون اولمغله
بری برندن تأخره باعث اولور و نظر ایله که اعمال جنت
تجدد ایتدیکه وقتاً فوقتاً درجات دخی تکثر ایتمکده در
ودرکات اهل جهنم دخی حدوث اعمال ایله بویله در
وکل انسانی دخی تدریجی اولمغله اسماء حسنی نک
احکامی دخی تدریجیه ظهور ایتمکده در وهر عملدن
بر ملک مخلوق اولمقده در و آخرتده عمل یوق ولکن
نفخ و نفس وارددرکه لایزال ظهوراتی اقتضا ایتمشدر
حتی اهل جنتک حور عینه و امثالنه قربان و وقاعدن
نسمه روحانیه خلق اولنسه کر کدر تفکر ایله ایمدی
مخلوقات و مکونات و کلمات الهیه نهایت بوقدر
(سؤال) اولنورسه که کرچه آخرتده بطریق

التكليف عمل ومقابله سنده مشروبات يوقدر فاما
ذكر وتحميد وامثالندن ارواح خالق اولنق مقتضای
حکمت کورینور (جواب بودر که نه شبهه زیرا دنیاده
دخی اهل ذکر انفسندن ملائکه خالق اولنقده در
جنتده ایسه بطریق الاولیدر شول معنادنکه جنت
محل لطافتدر ملائکه لطیفه کبی واورادوز کروامثالی
بطریق التلذذدر بطریق التكلف دکل یعنی نعمت
لذیذ جسمانی بی تناولده تکلف اولدیغی کبی اوراده
ذکرده دخی تکلف یوقدر بلکه جمیع افعال وحرکات
دخی بویله در دنیاده انسان کامله کوره اکر روحانی
واکر جسمانی تکلف اولدیغی کبی اصلی بودر که
آخرتده انسان قالب صورتده تمثل ایتسه کرکدر
پس قلب وقالب براولیحق قلبه تکلف اولدیغی کبی
قالبه دخی اولماز زیرا جسم لطیف کثافت کوتورمن
جنت وآنک مشتمل اولدیغی امور ایسه لطافت
قبیلندندر جهنم آنک خلافتده در زیرا اسم غضبدن
خلق اولنشددر غضب ایسه سبب ضیق وکثافتدر
نسال الله السلامة

﴿ مبحث عاشر ﴾

ظهور اشیاء حب ذاتی به منوطدر که اندن
توجهات اسمائیه ظهور ایدوب ظهور اشیاء دخی

اول توجهاته مربوطدر وبوندن حیات ذاتیه وسائر
کالات الهیه نک فوقی نه مرتبه ده اولدیغی باهر اولور
مثلا برکیمه مریض وضعیف اولسه تأهل ایتکه
واولاد کتورمکه هوس ایتز یعنی قلبنده او مقوله نسنه به
تعلق قوی یوقدر شول جهتدن که اعضای قواسنک
مساعده سی مفقوددر خصوصاً که بعض اشخاص که
قواسی یا مفقود ویا خود عقیدر بو صورتده تسلسله
چاره یوقدر انکچون حدیثده کلور (سوداء ولودخیر
من حسناء عقیم) یعنی سوداء ولودک حسناء عقیم
اوزرینه سیادتور جحانی وارددر زیرا اهل سلسله در
بوجهتدندر که قرآنده عقیم تأخیر اولندی تنکیم
کلور (ویجعل من یشاء عقیما) بومعنادن قلم اعلی ایچون
نفس کلیه خالق اولنوب سرانوثت مبدأ اشیاء قلندی
وقرآنده انائی تقدیمه وجه بودر تنکیم کلور (یهب
لمن یشاء اناثا) ایشته مظاهر اسماء ذکورت وانوثت
سری اوزرینه جاری ونیچه لری دخی ایکیسندن بیله
خالی در عقم اسماده دکل بلکه بحسب الحکمة تعیناتده در
وتعیناتده عقم اولدیغی کبی استعدادده دخی وارددر
انکچون مرشد کامل یوزندن هر کس رحم استعدادینه
فیض الوب رجال کبی تصرف صاحبی اولماز
بلکه کیمی کامل وکیمی ناقص وکیمی عقیم قالور (ذلک

تقدیر العزیز العظیم (وقرآنده کاورکه) الله اعلم حيث
 يجعل رسالته (یعنی ارسال اولمغه وذریت صوریه
 و معنویه اهلی اولمغه کیم لایق اولدیغنی الله بیلور
 و محلنه کوره معامله قیلار ایشته بو مقامندرکه
 کاور (فمن وجد خيرا فليحمد الله ومن وجد خلافه
 فلا يلو من الانفسه) عجب سر الهیدر فهم ایدنه
 و عجب محل شکر در قابل و مقبل اولانه ﴿ نظم ﴾
 کنز مخفیدر وجودک ایتدی حق آندن ظهور *
 جمله اشیایه تجلی قیلدی اندن اسم نور * دانه وش کتم
 عدمدن اولدی هر سر آشکار * هر جسد بتدی ترو
 و تازہ صان اولدی نفخ صور * آن غیر منقسمده بسط
 او اوب کرسی و عرش * ظاهر اولدی بر نفسمده جنت
 و غلمان و حور * رقصه کیردی بوفلکار دور دنیا ایلدی *
 جلاوه قیلدی شمس عالمتابه بدر البدور * بر دل اولدی
 هر گیاه تازہ توحید حقیله * غلغله و یردی جهان کلزارینه
 اسم شکور * حقیقا چون معرفتدر بونده کل بکدن غرض *
 سعی ایدوب انسان کامل اولماده ایتمه قصور
 ﴿ نظم ﴾ نقطه بادن کورندی چهره نور سیاه * رمز وار
 تحتندہ آنک دقتله قیل بر نکاء * عارف اولن والقلم دن
 سر نقطه نیدوکن * کیم اودر دعوای حقدہ اهل
 عرفانه کواه * کمالک انفا سیدر اشبوس پهری دوندیرن

غنجہ بی کیمدر جدا ایدن دل بلبلدن آه * فی الحقیقه
 قلمسیدک سن سکا کر سرفرو * یانه دن خاک سیبایه
 سجدہ ایلردی جباه * حق سکا بولداش ایکن بویونده
 بو وحشت ندر * یا حقه حقدن سفر ایدوب نندرعزم
 راه * اوستونه صبح قیامت طوغدی غفلت نیجه بر * دیده
 جان و دله کلزمی ایا انتباه * حقیقا اعدایه مغلوب اوله
 بودنیاده کیم * حق سکا و یردی ملائکدن نیجه یوز بیک سپاه
 ﴿ لیلۃ الجمعة ﴾ بو مصراع وارد اولدی که (کل
 ایمدی کل شمعی نازدمیدر) حقله مقام مباسطه
 و ملاطفه به اشارتدرکه مقام انسدر وانک نقیضی
 قبضدرکه عتاب و تأدیبی مشتملدر و مبتدی به کوره خوف
 ورجانیجه ایسه عارفه کوره دخی قبض و بسط بویله در
 شوقدر وارددرکه خوف ورجا امر مستقبلده مکروه
 ویا محبوبه تعاق ایدر قبض و بسط ایسه وقت حاضره
 کوره در پس چن قوام امر اوله جق نسنه قلب
 عارفدن اخذ و منع اولنوب ایرسال اولنسه اکا قبض
 دیرلر و خلاقی بسطدر مثلاً ماء و هوا که قوام شجره
 انکله در اجزاء شجره به ایرسال اولنسه قبض و بیوست
 حاصل او اور و ایرسال اولنسه بسط و رطوبت ظهور
 بو اور پس قلب عارف دخی منع و عطا و اخذ

فیضله بویله در بوجهتدن بسط صوری و معنوی
سبب انبساط و انشراح و قبض مطلق باعث انقباض
و ضیقدر انکچون عوام فقراء ظاهرده ضیق اوزره
اوادقاری کبی باطنده دخی غم و المدن ضیق اوزرینه در
زیرا غمدن روح منقبض اولور بوجهتدن درکه
اهل غوم و همومه شیب تسارع ایدر زیرا الم باطن
تأثیرده ایام مدیده کیدر یعنی معمر اولان کیمسه پیر
اولدوغی کبی اهل غم دخی مدت قلیله ده پیر صورته
کیررلر انکچون بی غم اولنلر زنده و قوی اولور اگرچه
مشهور درکه بی غم اولان آدم اولز زیرا ارضه
هبوط ابتلای عشق ایچونددرکه جبال راسیاتک تحمل
ایتمدیکبار کران بلایی عاشق کوتورر و ناز دیدکاری
که نیازک مقابلدر ایکی وجهله در بری اهلی یاننده ناز
اهلی اولمقدرکه بحسب الغالب کشی زاده لکدن و غنای
ظاهردن ناشیدر بوناز معتبر دکدر زیرا امور ظاهره
اوزرینه مبیدر و بری دخی عندالله نازدرکه حقله
حسن معامله راجعدر بوناز مقبوا در زیرا امور باطنه
حسیله در اگرچه عبد حقیقده ناز اولماز بلکه نیاز
اولور ولیکن باطنه تعلق ایدن نازک بحسب المقام
ضرری یوقدرکه عبودیتنی منافی دکدر زیرا حقله
مستأنس اولان کیمسه مقامک حکمنه رعایت ایدوب

طریقدن چیقمز و مراعات ادب ایدر و بها لیل تعبیر
ایتمدکاری که مجاذیب اولیا مقوله لریدر بونلر حقله دائما
ناز معامله سی ایدرلر و بعض کلمات سهوی لرلر که
انلرک غیریدن صادر اولسه کفر اولور عجب بارگاه
واو او درگاهدر که هر کسک اورایه انتسابی
بر یوزدندر زیرا عددانفاس قدر حقه طریق وارددر
ولکن قبول وردحقه راجعدر زیرا اعتقاد و عمل تفاوت
اوزرینه در و اهل انکشاف و اهل استتار آره لرنده
تفاوت اولدیغی کبی انکشاف و استتار میانلر نده دخی
تفاوت وارددر بوجهتدن درکه بعضی لری اکمل
و بعضی لری کامل و نیچه لری ناقصدر و هیچ انسان
پایه سنده اولمیانلر دخی وارددر که انلر انسان حیوانیدر
نتکیم بالاده مرور ایتشددر پس اکمل اولمق جمله طبقاتک
فوقنده در و انک باطنده علامتی معرفه الله ده غلبه و قوت
وظاهرده حکم شریعت و عبودیت درکه طریق
صدیقدر رضی الله عنه زیرا صدیقدن کرامت کونیه
مأثور دکدر بلکه منقول اولان معرفت
الهی و عبودیت تامه درکه بو صفتلرک اهلی
حقله جمله دن اقریدر و کامل اطلاق اولنسان
کیمسه نک کرچه ما تحتنه کوره قصوری یوقدر
اما فوقنه کوره ناقص عد اولنور پس سعی

ایدوب کمال اضافیدن کمال حقیقی به واصل اولوق
 کرکدر ﴿نظم﴾ دم ناز اولدی همچون فصل نوروز*
 کل ایمدی ایده لم کل هرشی روز * کله کل کبی
 یوزلره نور حقدن * تجلیدن اولا خوش پرتوافروز*
 می فیض ایج جکرلر تازه انسون * غمی ترک ایت که اولدر
 نار دلسوز * نیجه ام الکتابی ایده ادراک * شوکیم
 اولا بو کون طفل نو آموز * یوری حق بوفیضه بوق
 نهایت * آلور می هفت بحری هیچ بر کوز ﴿یوم الجمعة﴾
 تربه حضرت هدایی قدس سره زیارتنده ایکن
 پرده قبر منیف اوزرنده رسم (د) مرسوم اولوب بعده
 (منهاد) لفظی یازمش ظاهر اولدی کویا مرسوم
 اولان دال مهاده دالنه اشارت واندن اختصار اوله
 ووجه ارض طامه ناسه مهاده و فراش اولدیغی کبی
 ارض وجود خواص دخی مهاده فیوض وحقائق در که
 روح الروح در زیرا بدن انسان روحله قائم اولدیغی
 کبی روح انسان دخی فیضله قائم و کذلک دال دلیل
 حقدر یعنی ارباب ارشاد در که سلوک طریق حق انلرله
 تمهید اولنور اگرچه دلالت تفاوت اوزرینه در که
 دیادن دلیل فرق واردر مهتدین مهتدی به فرق
 اولدوغی کبی یعنی هر دلیل کلیت اوزرینه دلالت
 ایده مدیکی کبی هر مرشد ترشد دخی هر مدهو اولدیغی بوله

مهتدی اولماز زیرا کاه اولور که طریق توحید
 افعاله مهتدی اولان طریق توحید صفاته اهتدایه
 مستعد اولماز واهل صفات اولان دخی اهل ذات
 اولمغه لیاقت بولماز بو جهتند که اکثر منارات
 جوامع برر شرفه اوزرینه مبیدر زیرا صورت
 دعوت عامه در عامه ده ایسه استعداد اقل در
 و بو معنادن اخذ اولنور که ملوک و سلاطینک
 منارات جوامعی متعدده و برر وایکیش و اوچر
 شریفه بی مشتمل اولوق جمیع مراتبه دعوتی اشارتدر
 زیرا سلاطین و ملوک اسماری اسماء ذاتیه کلیه بی
 جامعه در پس مقتضای کلیت و جمعیت خالق اوج
 شریفه دن دعوت و اوج مرتبه به ارشاد و دلالتدر
 بورادن فهم اولنور شول حدیثک معنایی که
 کلور (المؤذنون اطول الناس اعناقاً) یعنی
 روز قیامتده مؤذنلر شرف زائد اهل اولدقلری
 مشار الیه بالبنان اواسهلر کرکدر و بوندن مقصود
 اهل دعوتک علو درجه سنی بیانددر حتی بو جهتدن
 اذان امامت اوزرینه تفصیل اولنور و رسول اکرم
 صلی الله تعالی علیه وسلم بر دفعه اذان ویردیلر
 دیو منقولدر و حضرت عمر رضی الله عنه بیور مشدر که
 (اولا الخلیفی لا اذنت) یعنی مشغله خلافت اولسه

بندخی اذان ویردم بوندن مقصود اذانك شرف
وفضيلتني اظهاردر * بعده پرده قبر اوزره
مرسوم اولمش كوردم بو مباره بي كه (صاحب
الفضيلة العظمى) بوندن هدایي افدينك مقصودی
بقا بالله مرتبه سنه و صواني اشعاردر زیرا فنا
فی الله مرتبه جعفر رتبه عایا وبقا بالله كه
مرتبه فرق ثانیدر فضیلت عظمی ومرتبه جمع
الجمع كه جمع و فرق مرتبه لرینك مجموعه
جعدر جمعیت كبرادر كه مقام تبلیغ وارشاددر
بومقامك اصحابه كل اولیا دیرلر كه جمیع برازخ
و قیوددن خلاص اولمشلر وحدت و كثرتی بری برندن
بولمشلر و كل اوزره انشراح صدر و انبساط
دل و جانه سبب اولان نور نبجلی ايله طولشلردر
بونلره من بعد حجاب یوقدر زیرا اوصاف
نفسانیه دن بالكلیه پاك اولمشلر بلكه بونلر
شهود دائم واستغراق تام اهلیدر كه اكامل
ناسك محل استقراری بو مقامدر و بو مقامده
بعضیلر قطب وجود اولورلر و بعضیلر كا تنزل ایتزلر
زیرا مقصود بالذات اولان عین الیقین مرتبه لرینك
حصولیدر كرك اوراده رتبه اخیری اولسون
و كرك اولسون مثلاً بر كیمسه علم كیمیا به مالك و بو

یوزدن اغنی الاغنیاء اولسه میل ریاست و ده
ایلز بلكه كندی غناسی اكافیدر زیرا اغنیادن
بعضیلری انك غنا و حسن حاله رشك ایدرلر شوقدر
واردر كه (آخر ما یخرج من رؤس الصديقين
حب الجاه) موجبجه یعنی یخرج بظهر معانیه
اولدیغی صورتده اسم ظاهرله دخی ظهور
مراد ایتدكلى مناصب معهوده ايله تقلد انتضا
ایمز بلكه مطلقا عند الاعیان والاكار نافذ الكلم
وشهرت شایعه لری اولق كافیدر تكیم نیجه اولیا به
بوجاه اعطا اولمشلر * نظم * ایلز كونه نظر سیرغ
عنقادر كوكل * دانه به سوداسی یوق اوزكه سوبدادر
كوكل * منصب وجاه جهانی نلسون درویش اولان *
تحت استغنا ده خوش سلطان معنادر كوكل * صورتی
هین زر اولمشدر ریاضتدن انك * نقش سر حقه لوح
سیم آسادر كوكل * دواتی نلر بولان اكسیر اعظمدن
نشان * حالت تأثیرده بی مثل و همتادر كوكل * عرش
اعظمدن معظم اولدیغنده شبهه یوق * کیم سریر پادشاه
عالم آرادر كوكل * بو كوكلدر حامل سرامانت حقیا *
خادم باب خدا مخدوم اسمادر كوكل (قیل لی لیله
الجمعة بعد الانتباه انزل حیث يأمرک الله بذلك) بعض
اهالی اسكدار بوفقیق ایچون بعض بقاع توجیه

اولمقی مراد ابتدکارنده اول کچه کلام مذکور جانب
غیبدن صدور ایلدی پس یا مریک کله سنک صیغه
مضارع ایله ورودی دلالت ایلدی که اهالی مذکورک
مراد ابتدکاری معنی حاصل اولماز زیرا مراد الهی دکلدر
بو جهندن منفهم اولدیکه سن حق تعالینک شمدنصکره
سکا امر ایده جکی یره نزول ایله خلقک مراد ابتدکاری
محل سنک نزول وسکون ایده جک محل ومنزلک
دکلدر بلکه سنک مکاتک بعد ازین حقک امر ایده جکی
یردرکه وقتی کلدکه امر ایدر وسن دخی اطاعت
ایدوب مأمور اولدیغک موضعه قرار ایله کرک
اسکدار و کرک غیری و بو محله قلبی سکون و اطمینان
اوزرینه بولدیغمن دن تکرار وارد اولدیکه (و قلبه مطمئن
بالایمان) زیرا بو محل منالقی اقدامدندرکه حق تعالینک
امتحاننه دائردر انکچون قرآنده کلور (ان الدین
عندالله الاسلام) دین حق تسلیم و رضاء مطلقدر
ملت ابراهیمدن مراد بودر وشوایکه عارف
محققدر مجاری قضاده اطمینان دل اوزره اولور
وآخر (یا ایته النفس المطمئنة) خطابه لیاقت
بولور زیرا قلب دنیاده مطمئن بالایمان اولوب
محبوب و مکروهده صفوتی برابر اولدجه کمال بولماز
ونفس مطمئنه عدادندن اولماز پس خطاب مذکوره

بو وجهله سزا اولور (ومنقولدرکه ابن عباس رضی الله
عنهما طائفده قبرینه وضع اولور ایکن اوراده حاضر
اولنلر (یا ایته النفس المطمئنة ارجعی الی ربک) صداسنی
کوش ابتدیلر اشته بومعنی عبدک حقه اقبال وحقک
دخی عبدی اجلالندن ناشیدر ومرتبه اطمینان نهاییه
المراتبدر یعنی غایتی اعتباریله دالا اوائل مطمئنه دن
مرتد اولمشلر چوقدر (وبعده) تذکیر نعمت ایچون
وارد اولدیکه (الم تر و ان الله سخر لکم مافی السموات
ومافی الارض واسبع علیکم نعمه ظاهرة وباطنة) یعنی
بعض نسنه نک فوتی سکا مضر دکلدر بلکه ظاهراً
وباطناً منعم علیه اولدیغنه شکر ایله وما سوایه
التفات ایله خصوصاً که کلور (لکیلا تحزنوا علی
ما فاتکم الا تفرحوا بما آتاکم) یعنی فرح و حزن امور
نسبیه دن عبارت سنه لردرکه اول اضافتلردن خلاص
اولوب شجره سروکی بهار و خزان برابری اولق کرکدر
والاعالم نسبتده قالوب ذات مجردیه وصول حاصل
اولماز ﴿نظم﴾ یا الهی بکابندن اولور * در کهکدن مراد
دل اولور * مطمئنه ایدوب بو نفسی سن * نور انس
و خضوره طولدر * نیجه بر بو کدورت و بوالم * بو غم
وغصه بی غیری قالدر * بنی ارشاد ایله بر بوله کیم * بو غم
واصل اولنلره یولدر * کیده لم طوغری مقام ذاته * نیده لم

انی که صاغ و صولدر * سن او سلطان جهان آراسن *
 شیخ حق قیو کده بر قولدر * بعدالانتباه وارد اولدیکه
 (مطلوب عظیم سبب عظیم ظهور ایتدکده اولور)
 ای مؤمن طارفلر یاننده بوجب هولناک ادا وقتی مخوف
 معنادر زیرا مراد دیمکدر که برکسنه نک دنیاده برکار
 جزئیسی اولسه سبب جزئی ایله و کار کلیسی اولسه
 سبب کلی ایله حاصل اولدیغی کبی سالک دخی مطلوب
 عظیمی و اصل الهی اولدیغندن سبب عظیمه موقوفدر که
 ریاضات شاقه و مجاهدات قویه در زیرا مؤثر
 الله تعالی در فائزیه محل ایچون اسباب قویه دخی
 لازم در نظر ایله که ژنکار آینه محکم اولسه قوتلو صیقله
 محتاجدر پس بوندن فهم اولدیکه (امانی) ایله ایش
 بمنز زیرا طریق تحصیلدر یوقسه طریق تعطیل دکادر
 و امانی غروردر نتکیم کلور (وغرتکم الامانی) بناء
 علی هذا اسبابه تشبث لازمدر نتکیم کار مهمی اولان
 طریقندن اخذ ایدر و شفاعته محتاج ایسه اکابر ناسدن
 شفاعت جو اولور و بو جهتدندر که اهل کبائر
 شفاعت اولور اهل صغائر دکل زیر اصغائر کبائر نسبتله
 امور جزئیه اولغله کبائر دن اجتناب ایتک اکا کفارت
 اولور نتکیم قرآنده کلور (ان تجتنبوا کبائر مائنهون
 عنه نکفر عنکم سیئاتکم) فاما کبائر اول امرده

عفوہ مقارن او ازسه شفاعته موقوف اولور نتکیم
 کلور (شفاعتی لاهل الکبائر من امتی) پس بونده فهم
 اولندی که دنیا و آخرتده شفاعت امر عظیم ایچوندن
 وشول مجاهدات که سالک اکاتمسک ایتشدن ذیل نبوی
 و دامن اکابر کبیدر و مثل مشهور در که (من طلب
 الحناء لم یغله المهر) یعنی امراء شریفه طلب و خطبه ایدن
 کمسنه مهرندن و خرجندن قاجز واکا کوره
 بذل اموال ایدر یا مقاصد دنیویه بویله اولیحق مقاصد
 اخرویه حالی نیجه در قیاس اولنه خصوصاً کم الله تعالی
 اعلی الاعالی و مولی الموالیدر و مجاهده ایله دخی
 امر ایلشدر یعنی امر ایتسه بیلنه عزت مطلوبه کوره
 مجاهده لازمدر فکیف که امر ایلشدر و امری مطاع
 اولدیغی جهتدن اطاعتی لازمدر و مرشد کاملک
 الزماتنه دخی اطاعت وانکله عل ایتک همان
 شارع اعظمه اطاعت و امرینه امتثالدر نتکیم
 قرآنده کلور (من یطع الرسول فقد اطاع الله)
 یعنی ارباب ارشاد ورثه قبیلندن اولغله انلره
 اطاعت ایتک رسوله اطاعت ایتک کبیدر انکچون
 امیره اطاعتله امر اولندی کر کسه عبد حبشی اولسون
 زیرا عقل و تدبیر و کشف بصیرت اولیحق صورته
 نظر اولماز انکچون رسول الله صلی علیه وسلم

بعض امورده شبان اصحابدن عتاب بن اسیدی
 واسامة بن زیدی شیوخ مهاجرین اوزرینه تقدیم
 ایتدی و حضرت عمر رضی الله عنه ایام خلافتده
 ابن عباسی تقدیم ایدوب وانکله امور عظیمده استشاره
 ایلردی مع هذا سائر صحابهیه کوره حادث سنی
 وار ایدی و امیر ظاهرده بویله اولیحق امیر باطن دخی
 بویله در اگرچه اربعینه واصل اولدقچه تکمیل
 نشئه حاصل اولماز فاما اسان ترکیده مشهوردرکه
 دیرلر کون طغوشندن بلودر یعنی برکیمسه ده امارت
 خیر او اوب علم و حکمتدن حصه مند اولسه (الحکمة
 ضالة المؤمن ایما وجدها اخذها) دینشدر و بعض شیوخ
 عرب و عجم و رومک ایام صباوتنده مجذوب اولدقلری
 کمال استعداده راجعدر سهل بن عبدالله التستری
 و شیخ عبدالقادر الجیلانی و امثالی کبی ایام شباننده
 امثالی ایسه چوق واقع اولمشدر و بومقوله لر مشرب عیسی
 و یحیی و یوسف علیهم السلام اوزره کلشدر و بونلرک
 کلماتدن اوائل و او اخرده انتقاع اولنش و سیرتلهینه
 سلو کرده چوق فائده لر بولمشدر پس سوز کمالده در
 یوقسه عمرده دکدر و لکن بعضیلرینه طول عمرله
 لاکت زائده اعطا اولور و بومرتبهیه اشارت ایدوب
 حدیثده کورکه (طوبی لمن طال عمره و حسن عمله) یعنی

(طول)

طول عمرده حسن عمل سعادت زائده مقوله سندندر
 و حسن عمل مورت علم الهی اولغله انک اوزرینه
 اقتصار اولندی تکیم حدیثده کور (من عمل بما علم
 ورثه الله علم ما لم یعلم) و درجات جنانبیه کور مقصود
 بالذات اعمال شرعییه اولدیغی کبی مراتب قربت
 و وصلته کوره دخی مقصود اصلی علوم الهیه در
 پس طالب مراتب عالییه اولان کاری بویله طوتارکه
 عمل صالحدر (وانک معارفی که صلاح شرعی اوزره
 دکدر عند القوم معارف شیطانییه در وار ایمدی
 دامن شرعه تمسک و عروة وثقیای تقوایه تشبث
 ایله و شاعر و حرمانی تعظیمه مقامات عالییه نائل
 اول و اشق طائفه سندن اولوب الحاد و تأویلاته دوشمه
 و الاساقط اولوسن و نسنه بولمازسن و حرمان اوزده
 قالورسن تفکر ایله که سمن و زبده نک مایه می این در
 صو دکدر * و هم اوایا استمدادن خالی اولمه زیرا
 وصول مرامه اسباب مؤثره دندر و نظر و نفیسه بشقه
 حالت وارددر (و دیمشدر که طریقت ایکی نسنه در که
 خدمت و نفیسه در یعنی مریددن خدمت و شیخدن
 نفس اولیحق مقصود حاصل اولور زیرا خدمت
 منبت باک و حسن اعتقاد تخم و فیض نفس باران باد صبا
 کبیدر الحاصل رحم مادرده جنین مستکمل اولدقده نفخ

روح اولادینگی کبی شریعت و طریقت مرتبه لری
 دخی مستکمل اولدقدہ فیض معرفت و حقیقت وجود
 بولور و بوندن فہم اولنورکہ شیخ پاک نفس
 جبریل مرتبہ سندنہ درکہ جبریل روح
 القدس اولمغلہ درع مریمہ نفخ ایدوب
 اندن عیسی تولد ایتدیکی کبی شیخ دخی رحم قلب
 مستعدہ نفخ نفس ایدیجک اندن طفل قلب
 تولد ایدر و خلیفہ وجود اولور و بونفسک
 اثری ظہور اتمدیکہ ظاہرہ دخی خلافت
 تامہ بولماز و نفخ خضر علیہ السلام دخی بویله در
 فاعلم ذلک ﴿نظم﴾ مرشد کا ملدن ایرسہ
 برنفس * برنفس یوز بیک مرادہ اولدی پس *
 صدقلہ خدمت کرکدر طالبہ * منکسر اولنجہ
 بوخاککی قفس * نیچہ سی ایرر کشی مطلوبنہ *
 وار ایکن قلبندہ بیک دراو ہوس * فیض حقہ
 قطرہ کلز چون بحار * قندہ قالدی نیل و جیحون
 ورس * صربدر آسان دکل اشبو طریق *
 قالدی بو بولده نیچہ یوزبیک فرس * پند حق
 کوشکہ کیردیسہ کر * یاری کور اغیار حقدن
 میلی کس فی الحدیث (انتم اعلم بامور دنیا کم) سوال
 اولنورسہ کہ دنیایی مخاطبہ نندن اضافت ایلدی

مع هذا جناب نبوت دخی صلی اللہ علیہ وسلم حیات
 دنیادہ اولدقہ دنیایہ مضافدر خصوصاً کہ
 عناصر بشریتہ برابر در ا کرچہ بعضیلر انلرک
 ترابی جنتدن مأخوذ در دیمشدر جواب بودرکہ
 اهل دنیا ایکی وجہلہ درکہ بری لغوی در اهل
 عموم و خصوصہ شاملدر زیرا مدت عمر تمام
 اولنجہ حیات دنیا ایلہ حی اولمشلر و سلاک بشریتہ
 انتظام بولمشلر در واولکہ عرفیدر عموم اہلنہ
 کورہ در زیرا اهل دنیا اودرکہ تعلق ماسوی
 ایلیہ و امور و دنیا اوزرینہ خلقلہ منازعہ و مخاصمہ
 ایلیہ و توحیددن غافل اولہ پس بو مقولہ یہ اهل دنیا
 دیدیلرکہ آخرتدن بالکلیہ ویا فی الجملہ منقطعلر در
 اهل آخرت دنیادن منقطع اولدینگی کبی زیرا بونلرہ
 کورہ ظواہرلہ دنیادہ اولمق بواطئلہ آخرتدہ اولمغی
 منافی دکلدر نتیجہ اهل اللہک دنیا و آخرتدہ
 اولدقلری حقلہ اولالرینہ مانع دکلدر یعنی بو مقولہ لر
 ہر نہ موطندہ اولسہلر حقلہ اولورلر شویلہ کہ
 صورتلریلہ صورتک حکمنی ویرلر و معنالریلہ
 مقام حق کوزلرلر و تکمیل نشئہ ایدنہ جمع اضداد
 ایتک ممکندر زیرا اسمی و ذاتی و جامعدر خصوصاً
 مبتدیلرہ کورہ ظواہرک فائدہ کلیہ سی وارد در حق

دیشلردر که اعضا و قوای سیر الی الله و سائر
پس ظواهر اولیجق بواطنه انتقال ایتک میسر
اولماز و مشهور در که دیرلز (من فقد حسا فقد علما)
یعنی انسانک هر حسی بر علمه وسیله در و شواهد
توحید اولسه حقه نره دن انتقال اولنوردی
و افعال مختلفه و احوال متنوعه ظهور ایتسه اسماء
الهیة نوجهله بیلنوردی پس دنیا کیمنه متاع بلاغ
و کیمنه متاع غروردر و بو مقامندر که بعض
اکا بر محققین عالم حسی معنی اوزرینه ترجیح ایتشدر
زیرا وسیله مقصوددر مثلاً قشر میوه اولسه میوه
حاصل اولماز و بلکه اوراقک بیله تربیه ده دخل
عظیمی وارددر و بوندن فهم اولنور که شریعت
اولمیان یرده حقیقت اولماز و علم حال تعالیم اولنمیان یرده
علم باطن بولنماز زیرا علم باطن شریعت اوزرینه
مبیدر حاصلی احکام الیه حکم و حقایقک قشری
کبیدر و بلکه مرآتیی در زیر امور وجودیه حسیه
اولسه امور شهودیه معنویه یوز کویستر من پس
هر نسنه آینه سندن کورینور بوجهتدن عالم آدمک
و آدم دخی حقک صنعک مرآتیدر اشته بو عالم صورتی
بالکلیه رد ایتک جائز دکدر بلکه مردود اولان اکا
تعلقدر و تعلق دخی دل حالیدر و اول دخی ایکی

وجهله در که بری تعلق شهوانی و بری دخی تعلق
حقانیدر و اولکه تعلق شهوانی در که محجوبلر
صفتیدر و اولکه تعلق حقانیدر مکاشفهلر حالیدر
و مکاشفهلرک احوالی دخی مختلفه در زیر اشیا صنع
حق اولقی اوزره مشاهده اولنقدن ظل حق اولقی
مشاهده سی اعلا در و ظل حق اولدوغی صورته
نوجهله اولدیغنی اکامل اولیا بیلورلر زیرا
دنیا ده امور مستقیمه وارددر بو جهتدن طرف
حق محافظه لازمدر یعنی جلال و عظمتنه مناسب
اولان و جهله وصف ایتکدر شول یرده که
(سبحان خالق اوکلاب) دیمک ممنوع و ترک ادبدر
مع هذا فی نفس الامر جله بی خالق اودر پس
عین مخلوق عین حقدر دیمک دخی بلاتأویل ممنوعدر
و تأویل ایکی و جهله در بری بودر که عینیت هذا
الموجوده کوره دکدر بلکه نفس وجوده کوره
الله تعالی قیوم عوالمدر یعنی صنعی اولان هر موجودک
قوای انکله در که تجلی ساری حسیله هر برندن
روح ذاتی وارددر و بر وجهه دخی بودر که عینیت
هذا الموجوده ناظر اولدیغنی صورته حقله مراد باطل
مقابلیدر زیرا موجود حقدر هر کیم اولورسه و معدوم
باطلدر بوجهتدن اشیا حقدر باطل دکدر فافهم جدا

و بوندن غیری دخی تحقیق وارد در ولکن
 عقول ضعیفه تحمل ایلز نظر ایله که نوات یعنی
 چکر دک شجره کاصلی و شجره اولدقده نوات صورتند
 چیقر مع هذا شجره عین نواتدر فاعرف جدا (سؤال
 اولنورسه که عنوان مجتده ذکر اولنان حدیثه
 مخاطب اولانلر صحابه کرامدر رضی الله تعالی عنهم
 انلر ایسه اهل آخرت بلکه اهل الله در پس
 نوجهله اهل دنیا او اولرلر و اولق لازم کلورسه
 سائرله مساواتلری ممنوعدر جواب بودرکه اضافت
 مذکوردهن مراد کندی رتبه لریله ما عداپی
 تمیزدر بوقسه خصوص صحابه دکلدر زیرا
 کندی شان طایفرینه اشارت ایدوب (مالی
 ولادینا) پیور مشلدردر پس انلر بالکلیه (وتبتل
 الیه بتیلا) موجبجه حقّه متبتل و متقطعلدردر
 شان صحابه ایسه فی الجملة اشتغالدهدر تنکیم مخاطبلرک
 اهل حدائق اولدقلری اکا دالدر بویله ایکن
 سائرلرله برابر دکلدردر زیرا ظاهرلریله کسب
 معاشده اولدقلری باطنلریله تقید معادده اولدقلرینی
 منافی دکل ابدی (نظم) نیجه بر علاقه نیجه
 بر سوی * کل سنکله اهل تجرید اولالم * نیجه بر
 شهوت و نیجه بر هوا * کل سنکله اهل تجرید اولالم *

ذکر و فکر ایت دائم رب اکرمی * معاش ایچون
 یمه غصه و غمی * کور مدکی ابراهیم ادهمی * کل
 سنکله اهل تجرید اولالم * بودنیاده بر مرشد ایرهلم *
 صوینالیم حق بولنه کیرهلم * علاقه بی کوکلزده
 سورهم * کل سنکله اهل تجرید اولالم * پریشان
 و خراب اولوب بوقفس * عندلیب دلن کسبله
 نفس * قبای قوعباکی ای بوالهوس * کل سنکله
 اهل تجرید اولالم * حقیقه او یارسک اگر بویولده *
 طوغری پوری قالمه صاغله صولده * نیر اولواق
 برادنی قولده * کل سنکله اهل تجرید اولالم
 (بعده صلوٰۃ العصر) هوا اوزرنده مرسمه
 بومصرع ترکی ظاهر اولدی (حقی یارمدر بنم)
 یعنی حقی قول بنم فیضدن حصه مندردر زیرا
 مقام تعظیمده وارد اولان تمامه محمول اولور
 تنکیم حدیثده کلور (فاطمه بضعة منی) یعنی
 قطعه کامله مدرکه تعظیمده بنم حکیمده در اما فرق
 بودرکه فاطمه اجزاء بدنیه دندر نطفه اعتباریله
 فاما فیض الهی اجزادن دکلدر بلکه اکا حصه
 دینلور زیرا حصه عوارض مشخصه بی منکشفه
 اولان تمام حقیقتدن عبارتد یعنی حقیقت
 یوزندن آنده تمامیت ملحوظدر جزؤ ایسه بویله

دکدر حق تعالی ونوری ایسه متجزی دکدر
بلکه تجلی نوری بحسب الحال المختلفه تخصص
ایتمش یعنی حصه حصه اولشدر اضواء شمس
خانه لک روزنه لرینه منقسم اولدیغی کبی مع هذا
فی الاصل نور واحددر انکیچون دیرلر که (کل شیء
فیه کل شیء) الحاصل نور حق متبعض و متجزی
دکدر باینکه حقیقت نوری هر آینه علی التمام در
ولکن ظهوری تفاوت اوزرینه اولغله اندن حصه
ایله تعبیر اولندی * قریب نورنده اولان تفاوت کبی
مثلا هلال دیدکری ظه-ورک قاتنه ناظر در
بودخی عکس شمسده مقابله تامه بولندیغنه دائر در
پس نور شمس بر در و لکن جرم قرده قرب و بعد
اعتباریله ظهوری تفاوت اوزره در و ظاهرده
قرب و بعد نیجه ایسه باطنده دخی بوبله در
شوقدر وارد در که قرب مفرطدر عکس تجلی اعتبار
اولنیز زیرا محل ومظهر متلاشی وفانیدر بوجهتدن اثر
تجلی فی الجملة بعده موقوفدر بومقامدندر که دیرلر (انک
یعنی حقک قریبده بعد و بعدنده قرب وارد) یعنی
عبدک حالت فنا سنده تجلی بعد مفرط کبیدر که
ظهوری حدامکانده دکدر فاما حالت بقاده و مرتبه
ربوبیتده قرب معتدل کبیدر که مشاهده مداردر

بوجهتدن فناء ذاتیدن بقاء صفاتی افضلدر
انکیچون مطلوب انبیاء و اولیاءر تکمیل حدیثده کلور
(واسألك اذة النظر الى وجهك الکریم ابدا دائما
سرمددا) یعنی لذت نظریتی فی الجملة بقاء رسیده در که
عبدک حق و کندیته شعوری اولغله در بوقسه عبدک
رسمی بالکلیه فانی اولیحق شعوری دخی مضمحل
اولوب رؤیتدن فائده اولماز اشته بومقامه دائر در که کلور
* انکم سترون ربکم * یعنی حق مرتبه ربوبیتده ظاهر
اولور بوقسه مرتبه احدیتده دکل زیر احدیت مرتبه
استهلا کدر که اوراده غیری یوقدر * پس تجلی نوجهله
منور اولور بورادندر که رؤیه الله رؤیت قره تشبیه
اولنور زیرا نور غیر شعشعانی اولدیغی جهتدن
مشاهده بی قابلدر وشول یرده رؤیت شمسده تشبیه
اولنشددر کمال وضوح اعتباریله در والا نور شمس
شعشعانی در که اختطاف ابصار ابتدایی جهتدن
قابل مشاهده دکدر الحاصل نور الهی نور قر و نور
شمس کبی واضح وجلی در و لکن رؤیت نور قر
مرتبه سی اولان تجلی ربوبیتده میسر در بوقسه
نور شمس مرتبه سی اولان تجلی ذات احدیتده دکدر
وبوندن مذهب معتزله معلوم اولور یعنی اگر امتناع
رؤیتدن مراد لری ذات احدیت مرتبه سنده کوره ایسه

اهل سنت ايله نزاعلى نزع لفظى اولمش اولور واکر
 مرتبه ربوبيته کوره ايسه نزع حقيقى اولور بوضو رتده
 خطا ايتمش اولور لک زير تيجليات مثالیه داکر احاديث
 کثيره وارد در پس هر برينى تاويل صد دنده اواق تکلف
 محض در که اتقياء امت بومقوله تکلفلردن بريلردر
 وبوندن لازم کلدی که عقلی شرعه تابع قلمق کر کدر
 يوقسه عکس يعنى شرعى عقله دکل وقرآنده کلور
 (وجوه بومئذ ناضرة الى ربها ناظرة) نضارت وجوه دن
 صکره نظر باری ذکر اولنديغی دلالت ایدر که نظرك
 متعاقی نعمت دکدر معتزله ذاهب اولنديغی کبی بلکه
 رب تعالی در زير کلام الهی ترقی بایندن در که نضارت
 وجوهی مستلزم اولان نعمته نظر دن صکره نضارت
 ارواحی مقتضى اولان خالق نعیمه نظری افاده در
 (سؤال اول نورسه که مقصود نظر حسیدر که بصر
 ظاهرله حاصل اولور يوقسه نظر روحانی دکدر که
 بصیرت باطنه ايله وجود بولور پس نضارت ارواح
 نه معنایه در) (جواب بودر که نضارت ارواح نظر
 بصری منافی دکدر زير انعمیم ایکی نوعدر بری نعیم
 جسمانی در که نضارت اجسام اندن حاصل اولور
 وبری نعیم روحانی در که نضارت ارواح اندن
 وجوده کلور و نعیم اول ثمرات اعمال صالحه در و نعیم

ثانی نتایج معارف و علوم حقیقیه در پس نعیم اجسام
 رؤیت بایندن دکدر بلکه آثار اعمال بدنیه در فاما
 نعیم ارواح رؤیت بایندن زير انوار احوال
 روحانیه در و دنیا ده تجلی امر باطنه در که هر عارفک
 معرفتی قدر در آخرتده ايسه امر ظاهر در زير اقلوب
 و ارواح قوالب و اجسام صور تیله تمثیل ایتسه کر کدر
 بناء علی هذا نضارت ارواح عین رؤیتدن کلور که
 رؤیت حسیه در و بر رؤیت دنیا ده ممنوع اولنديغی
 حسك تقیید و حصر ننددر الله تعالی ايسه محصور
 و مقید دکدر حس آخرت ايسه تجلی روحه مغلوبدر
 (سؤال اول نورسه که دنیا ده نیچون مغلوب اولدی که
 روح و جسد بر او اوب رؤیه الله مطلقه و غیر
 محصوره اوله) (جواب بودر که دنیا عالم کثافتدندر
 انکچون حسك مغلوبیتی اطلاق اقتضا ایتز
 فاما آخرت عالم لطافتدندر و حس و معنی اوراده
 برابر در خصوصاً که عناصر تبدیل ایتشددر یعنی
 آخرتك فی نفس الامر لطافتدن ماعد اهل آخرتك دخی
 بشقه بر لطافتی وارد در که اول لطافت زائده قوتیله رؤیت
 الهیه میسر اولور و اول لطافت عناصرك تبدیلدن
 کلور زير انشئه اخراده عناصر کثیفه نک کثافتی
 تزکیه و جسد مطهر اولوب حقیقت نحاس کبی قالسه

کر کدر که قابل طرح ا کسیر در و بونک اثری اهل سعادتک
بول و غائط و مخاط کبی مستقذر اتدن طهارت لریدر زیر ا
بو مقوله نسنه لر اجسام و عناصر کشفه نتایجندندر
تکیم قرآنده کلور (کانا یا کلان الطعام) یعنی عیسی
و والده سی مریم اکل طعام وانک نتیجه سی اولان قاذور الله
مبتلی ایکن نصاری طائفه سی زعم ایتدیکی کبی
نوجهله اله اولور لر پس بوندن معلوم اولور که انسان
دنیا ده نقدر روحانی اولسه دخی محل کیا نیسی اعتبار یله
فی الجملة کثافتدن خالی دکدر و بو کثافتدر که انسان اکل
و شرب و امثالی امور طبیعی بشریه ایلله ابتلایه باعث
اولدیغی کی اکلیت و جویی اوزرینه تجلی به دخی
مانعدر انکی چون هر کسک روح مدبری بدنندن مفارقت
ایتمدیکه علی معلومه کایندیغی متصل اولماز فافهم جدا
نظم شو چشم دل که کور من وجه یاری انی نیلر لر
چو یوقدر انده یوسف بردخی کنعانی نیلر لر * اکر بوی
اولماز ایسه کلشن وصل الهیدن * دل بلبل نوایی و مشام
جانی نیلر لر * بو صحبتدن غرض ارواح قدسه ملحق اولمقدرد
بو مرعای عناصر ده قلان حیوانی نیلر لر * بو بزم عشقه
کلمکدن مراد اول جامر ایچمکدر * کوکلدن فیض
اولماز سه بدنده قانی نیلر لر * جهالت آده جهنده ده
برنار کبرادر * چو ذوق معرفت یوق حوری و غلانی

نیلر لر * جهان آینه حق صورت رحاندر ر مطلق *
او یوزدن حقیا اعی اولان انسانی نیلر لر * قال سبحانه
(ان تکفروا فان الله غنی عنکم ولا یرضی لعباده الکفر)
ای ان تکفروا بالکفر الجلی و تشرکوا بالشرك الخفی
فان الله تعالی لا یتضرر بکفرکم او شرککم فان ذلك
من مقتضیات تعیناتکم و حقائق استعداداتکم الذاتية
الغیر المجعولة فضرره عائد الیکم و ذلك وان کان
بارادته التابعة لاحوال الشؤون الذاتية المتعينة فی غیب
الذات لکنه لیس برضاء فالكافر مغضوب لکونه
فی دائرة الاسم المضل لکنه مراد کفره لان الکافر
اراده واستعداداه بلسان استعدادده کما ان المؤمن
مرضی لکونه فی دائرة الاسم الهادی و مراد ایمانه
لان المؤمن طلبه بلسان استعدادده ایضا فالکافر
یقتضی الارادة دون الرضی والایمان یقتضی کلیمها
(وفیه معنی آخر من طریق الاشارة و هو ان المراد بالکفر
هو الکفر الحقیقی و هو ان یکون ظلمة الوجود و المجازی
مستورة بنور الوجود الحقیقی والله غنی عن فناء العبد
فیه و کذا عن بقاءه لانه خلقه لیرج علیه لا یرج
الحق علیه فهو غنی عن صفاته الکوئیة فی مرتبة
ذاته الاحدیة وان کان مرتبة العماء الکوئی
تقتضی الاتصاف بتلك النعوت فذلك راجع الی

مرتبة الألوهية التي تستدعي الارتباط بين الاله
والمألوه أي الرب والمربوب لآلى مرتبة الذات البحت
وكان الصفات الكمالية راجعة الى الله تعالى وإنما
تظهر في العبد بحسب التجلي الراجع الى مقدار
الاستعداد فكذا النعوت الكونية راجعة الى العبد
وانما يتصف الله بها في مرتبة العماء المذكور جسميا
يقتضيه المواطن الكوني لا فيما فوقها فالله فيما
فوقها غنى عن العبد والعبد فقير الى الله أي ليس له
اتصاف بصفات الربوبية في الحقيقة لانه محل كياني
ليس له الاالفقر والعجز والضعف والذل وامثالها
ثم ان الله تعالى لا يرضى لعباده الكفر بان يروا وجوداتهم
المجازية بالوجود الحقيقي ويقعوا في الدعوى بانهم
الحق فان الحق هو الله الواجب الوجود الغنى الازلى
المنزه عن النقائص المحيط بكل شيء والعبد هو ممكن
الوجود الفقير الحادث الموصوف بالنقائص الجاهل
العاجز عن الاحاطة والادراك فلم يكن له ادعاء الحقيقة
والاختل نظام التكليف واوهم الدعوى خلاف
المقصود وقد قال تعالى (مرج البحرين يلتقيان
بينهما برزخ لا يبغيان) أي مرج بحرى الوجود والامكان
مع امتياز بينهما في الحقيقة وهو ان الله متصف باحكام
الوجوب فله الاسماء المتبوعة الذاتية المؤثرة وان العبد

متصف باحكام الامكان فله الاحوال التابعة العارضة
المتأثرة لكمال انما هو في التحقيق بمقام التشكيك
الجامع بين مرتبتى التوحيد والعبودية لا الانفراد
بالوجوب بخلع احكام الامكان عن نفسه والوقوع
في الدعوى الهائلة ولا الانفراد بالامكان بالاحتجاب
عن حقايق الوجوب فاهل المقام المذكور خلق في الظاهر
ولى حق في الباطن واهل الوجوب ولى حق في الظاهر
والباطن واهل الامكان خلق في الظاهر والباطن فاهل
المقام الاول عابد لمعبود حق واهل الثانى اولياء معبود بلا
عابد واهل الثالث عابد بمعبود والمقبول من هؤلاء
هو الاول لجمعيةه وكونه دائرا بين الشريعة والحقيقة
والجسد والروح والصورة والسيرة والجمع والفرق
والوصل والفصل والاصل والفرع كما افاده قوله تعالى
(وما رميت اذ رميت ولكن الله رمى) ومن لم يمش
على هذا الطريق السوى فقد ضل عن الهدى واساء
الادب مع الله في صورة الدعوى واحتجب عن الحق
ووقع في برز الردى فاين الفهم عن الله حتى ينظر
في حاله فرفع وخفض وعدل الميزان فافهم ما قلت لك
واجتهد ما دمت تحت هذا الفلك فما اغفلك والله
المنبه عن سنة الغفلة ونوم الوهم والخيال وهو الحفيظ
لكل شيء الى ان يدركه القضاء والحكم المقدر في ازل
الا زال ﴿ نظم ﴾ عاشقه وصل خدادر ظاهرا

باطن مرام * انکچون ماسوایی کندینه ایلر حرام *
 یوزیره قور عاشق مسکین کوکه قیلز نظر * باشی عرشه
 ارسدهده چون سرو باغ ایتمز خرام * وار ایکن
 حق غیره اثبات وجود ایتک ندن * کفر اولور
 هر کیمکه امر سجدهیه اولمایه رام * ما رمیت
 اذ رمیت سرفی فهم ایلوب * قیل عبودیتله
 ذات پاک حقه احترام * حقیاسن منزل وصله ایرم درسک
 اکر * کوزله آداب طریقی باق ندر اثر کرام (قیل لی
 وقت الضحی منفعتک تزید علی خراج العالم)
 ای لان خراج العالم وان کثر فهو لمنفعة الاجسام
 فاما هذه العلوم الالهية فهو لمنفعة الارواح ولا شک
 ان المقاصد اصل فله الفضل وايضا ان الدنيا وما فيها
 فانية وهذه العلوم والحکم باقية والباقي خير من الفانی
 وايضاً انه لانفساد للعلم بخلاف المال ونعيم
 الدنيا قال تعالى (ما عندکم ینفد وما عند الله باق)
 وايضاً ان التفاوت بین الخواص والعوام انما هو
 بالعلم الالهی لا بالمال والجاه وايضاً ان الخراج
 من هذا العلم انما ینخرج ويتولد من ام الكتاب واما الخراج
 فمن الارض ونحوها وايضاً العلم صفة القلب الشریف
 والمال دخیر الکيس الحسیس * بو محله * بواياتک بعضیسی
 غیبدن وارد و بعضیسی اکا الحاق اولمشدر ﴿ نظم ﴾

نزول ابتدی فیض رحان سماندن * بوکون عاشقلره
 درگاه کونیدر * اسم اعظم الای ابتدی اسمادن *
 بوکون عاشقلره درگاه کونیدر * درگاهده هودیو
 اخوان دیرلسون * نعتلر او قونسون خلقه قورلسون *
 درویشان دور ایتسون سورلسون * بوکون
 عاشقلره درگاه کونیدر * نیچه برخرقه ونیچه
 برعبا * حضرتک النذن کیهلم قبا * نه مبارک دمدر
 بودم مرحبا * بوکون عاشقلره درگاه کونیدر *
 کنز مخفی ایدی ظهوره کادی * اسما وصفاتک
 یوزلری کولدی * جوهر اولدی شوقم عشقه
 کادی * بوکون عاشقلره درگاه کونیدر *
 الحمد لله الکرم المحسان * حق قول اولدی شاهد
 احسان * درویشلکده بواور نه بولسه انسان
 بوکون عاشقلره درگاه کونیدر (قیل لی وقت الضحی
 اصله يرجع الی العربی الالیف) یعنی ان اسمعیل بن مصطفی
 بن بیرام بن شاه خدا بنده (وبن کریمه بنت احمد القاضي
 بن عبد الرحمن افندی ابن محمد افندی ابن الشیخ داود
 افندی رحیم الله رحمة واسعة من اولاد العرب
 فی الاصل والعرب اشرف الامم والقبائل لقوله
 علیه الصلوة والسلام) احبوا العرب لانی عربی والقرآن
 عربی ولسان اهل الجنة عربی) وهذا لم یکن لی معلوما

الى هذا الآن وكنت مترددا في ان نسبي الى اين ينتهي
وان الله قد بشرني مرارا بانى من اهل البيت
(والحمد لله على القرابة النبوية ظاهرا وباطنا)
والايف يحتمل ان يكون اشارة الى اهل الحضر خلاف
اهل البادية لانهم يألفون لكونهم اهل القرى
والمدائن بخلاف الاعراب اهل البوادي فانهم
لا يتألفون باهل الحضر وسكان الامصار (ويحتمل ان يكون
اشارة الى اهل الايلاف في سورة قريش وهم هاشم
وعبد المطلب ونوفل ونحوهم فهم اخص من سائر
العرب لان المصطفى صلى الله تعالى عليه وسلم مبعوث
من المصطفى وهو هاشم وآله كما ورد في بعض الاحاديث
(ثم الممدوح انما هو العربي الاصيل لا الدخيل واكثر
العرب في الامصار في هذا الزمان دخلاء لا عرق لهم
في العربية فلا يطعم في الشرف الاصيل) ثم قوله
عليه الصلات والسلام (ولسان اهل الجنة عربي يلتحق به
اللسان الفارسي الندرى) كما وقع في بعض الاحاديث
ايضاً وقد حققناه في غير هذا الكتاب بما لا مزيد عليه
او يلتحق بالفارسي التركي وغير هذا نزل ﴿نظم﴾ يا رسول
الله اولئك چون شفاعتگاه خلق ﴿هپ سكا عرض نیاز
ایلر کدا وشاه خلق﴾ در کهک عالی و ذاتک ذو المعالی در
سنتک ﴿نسبت جاء وجلال کد منه شد رجاه خلق﴾ رشک

زنجیر زرا و اوسه نوله نظم سلسله ک ﴿بسته در اول خلقه به
عالمده هپ اشباه خالق﴾ سالکانه پرتونورک منارا و اوسه
نوله ﴿مرشد حق سن سنکله حقه ایرر راه خالق﴾
سینه عالمده بر مجموعه در حق بوکون ﴿اولدی تعلیمک ايله
عراف حق اکاه خالق﴾ در وقت الاشراق قول الملك
الخالق (واقیموا وجوهکم عند کل مسجد) ای فی کل
این من الاینیات فان الله تعالى جعل الارض طهورا
ومسجد الهذه الامة وفيه اشارة الى قوله تعالى (فانما
تواو اقم وجهه الله) ای عینه وحقیقته من غیر حلول
فی شیء من الاین بل بطریق النجلی والظهور بصورة
الاین وما فی الاین لانه محیط بكل شیء وایس بمحاط
(وفیه تنبیه ایضا علی تعظیم الاینیات وان کان بینهما
تفاوت عظیم فکة اعلى البلاد وکعبة اشرف البیوت
الارضیه کما ان البیت المعمور افضل الاماکن السماویة
وهذا التعمیم انما جاء من النجلی العام فان العارف
المکاشف بنظر الى الاشیاء بنظر واحد وذلك لا یقدح
فی التفاوت بین شیء وشیء فمجد صلی الله تعالى علیه وسلم
افضل الکائنات واکمل الموجودات وانور کل منیر
واخطر کل خطیر لان الله تعالى خصه بتجلیات ذاتیه
لم یعطها لغيره من الاصفیاء فکان الظهور فیه فوق
الظهور فی غیره فهو المشهد الاکبر الاجلی والمرصد

الاعظم الاملا وقد قال (لی مع الله وقت لا یسعی فیہ
 ملك مقرب ولا نبی مرسل) ای لی معاملة عظيمة مع الله
 من الوجه الخاص ایست لغیری من المصطفیین
 الاختیار وان کان الكل لا یخلو عن وجه خاص من حیث
 الارتباط بینه وبين الله ففرق بین وجه وجه من حیث
 ضیق الاستعداد وسعته ولا شک ان حضرت النبوة
 اوسع استعدادا من غیره لانه المظهر التام یعنی ان الله
 تجلی له باسمائه وصفاته وذاته علی التفصیل فکان
 ظاهرا به ظهور الشمس ما النسبته الی سائر الاجسام
 المنيرة او ان جناب النبوة ظهر بالله وبانواره ظهور القمر
 بنور الشمس فانه لا اضواء منه من النیرات فکان المظهر
 واحدا لاثنویة فیہ ولهذا جعل صلی الله علیه وسلم
 بحیث رفع لواء الحمد واجتمع آدم ومن دونه تحت لوائه
 وخص بالتکلم فی يوم یغضب الله فیہ غضبا شديدا
 لم یغضب فیہ قبله ومنه رد جهنم حین تهجم علی اهل
 المحشر وتنجثوا الانبیاء علی رکبهم ونحو ذلك والکل
 من عطاء الله الاختصاصی واثار المقام المحمود فانه
 لا یحمد الا من یدیه الامر فیفعل افعالا جمیلة مرضیة
 * نظم * الهی باب روز محشری بردوسلام ایله * قومه
 تاریک غده نورکی اول دمه تام ایله * حرارتدن
 چکرلر جوش ایدنجه عرصه غده * حبیبک کوثرندن

تشنکانه فیض جام ایله * صراطی برق خاطفوش کذر
 قلیق میسرایت * اودملرده قدم ویرجنت اهلنه امام
 ایله * ایرشدر پایمزا پایه فردوس اعلایه * قومه غریبتده
 عشاقی وطنده شاد کام ایله * جالکدن نقابی کشف
 ایدوب بی پرده یوز کویستر * سخطدن صقله یارب
 رضاکی بردوام ایله * ایکی عالمده حق دردمندک دستگیری
 اول * یتر دست المدن قدنی چون نون ولام ایله *
 (نیم شب) ظاهر اولدی که بر بازرکان بر قفس ایچنده
 بر مرغ خوش الحان عرض ایتد کده بومرغک اسمی ندر
 دیؤسؤال اولندقدده (بابل فریاد کهر در دیدی) فریاد
 کهر قاعده فرس اوزره صفت مشبهه در کمان ابرو
 کبی که کهر فریادک فاعلیدر لسان عربیده حسن
 الوجهده وجه حسنک فاعلی اولدیخی کبی یعنی
 بوبر بابل در که انک کهر و مایه سی دائما فریاد و فغان در
 زیرا عاشق کلدر و بوندن مراد عندلیب دلدر که
 قفس تنده محبوس او اوب ابتلائی عشقله آه وناله دن
 خالی دکلدر زیرا اکر مبتلائی هجران ایسه حالی شو قدر
 واکر نائل دولت وصال ایسه حالی اشتیاقدر و علی
 کلا الحالین اندن های وهوی وصیت و صداا کسیک اولماز
 تشکیم نقد الحال نام اثریمزده مفصلدر (سؤال اول نورسه
 که حالت فرقتده سبب آه وناله وار فاما وصلنده مفقوددر

پس ندن فریاد ایدر (جواب بودر که عشاقه لذت هجر
یعنی لذت درد که هجر اندن حاصل او اور لذت وصلدن
اقوادر زیرا هجرانده امید وصال و وصلته ایسه
نیم فراق وارد و بردخی کرچه سیلک دریاه و صولی
سبب خاموشیدر فامادریا ایله بر بشقه جوشی دخی
وارد عاشق دخی معشوقده محاسن جالی مطالعه
ایتد که لطائف حسنی ادراک و احاطه سی متزاید او اب
هر مزیدده بر شکر نقیس ایفا ایدر و اشتیاقیله آه و زاری بولنه
کیدر آشته بورا دندر که بعض عاشق دیمشردر *
ع (بی وجودم عشق اودی بیاسم بنم نم یاندر) یعنی
عاشق بی وجود اولدقدن صکره ینه تابش عشقندن
خلاص اولماز زیرا اصل محبت باقیدر که میل روحانی
و انجذاب معنوی اقتضایدر بوجهتدن سکونده
حرکت و سکوتده کلام و وصولده آه بردوام بوانور
خصوصا که نفس انسانی هر نقدر تزکیه و بدن
تلطیف اوانسه ینه نفس وجود برزخ عظیمدر بوندن
ایچون موت طبیعی ایله بو عالم کشیفدن مفارقت
ایتد که حرارت منقطعه اولماز و قلب عاشق سکون
و اطمینان بولماز و شولکه (من عرف کل لسانه) دیرلر
بومعنی فناء مطلقه کوره در که اوراسی کعبه کبیر
یعنی مقام خاموشیدر مکر که کلام بالا اضطرار

واقع اوله بعض موتی سویلدیکی کبی شکیم بالاده ذکر
اولندیغی اوزره بدر حبشی قدس سره حضرتلرینه
واقع اولدی فافهم جدا (فان مقام العشق
لا یسمع القیل والقال وعند الحال ینقطع المقال *
(نظم) عاشق شوریده یم بی آه ارام ایلم *
کرچه کم هرگز جزعله کندیمه نام ایلم
نیجه آرام ایلم که دور ایدر دل چرخ وش *
وارمیدر کون کیم انی بن آه ایله شام ایلم *
دل طیانمز اخگر سوزان عشقه ینه وار * کرچه
اول بی تابه بومعنیده ابرام ایلم * تاب عشقی
کور که تأثیر ایدر روی عقیق * کرچه کم ظاهرده
نوش جام کفام ایلم * کعبه دید اراچون لبیک
بسدر حقیا * ماسوایی حقه هرگز بند احرام ایلم *
(نظم) بر قفسده آه ایدر بر * بلبل فریاد کهر *
صوردم انک ادی نه در * بلبل فریاد کهر *
بوقفسده حبس اولورسن * تاکی بویله قالورسن
آه ایده ایده نولورسن * بلبل فریاد کهر * دوشمه
زاهدلر الینه * اوچه کور * عاشق الینه * باقیه
بو باغک کلینه * بلبل فریاد کهر * بو گلشن فانی بی قو *
باقی قالز بورنک و بو * ایله حقی وش آهی هو *
بلبل فریاد کهر (محمد) اسمی هوا اوزرنده

مرسوماً ظاهر اولدقدن صکره محبی صورته
 تمثل ایلدی یعنی میمک تختدن یالله تنکیم
 رسم اولندی و بوانه کلجه محمدن محبی اسمی
 حاصل اولدیغی معلوم دکل ایدی پس
 اسم مذکور اشارت ایلدیکه مظهر سر محمد
 اولان صورت سربله محبی در یعنی اسم محبی به
 مظهر در حضرت خضر علیه السلام مظهر اولدیغی
 کبی یعنی حضرت خضر آب حیات نوش اتمکله
 صورتی یوزندن قیامتهدک منحل اولما یوب
 حیات جاودان بولدیغی کبی جام فیض الهی بی
 شربله دخی حیات ابدیه بولدی و غیر یلریدخی
 احیا قیلدی زیرا بعض اولیا انک نفس و نفخی ایلله
 زنده اولمشلر و فیض معنوی بولمشلر در حضرت عیسی
 علیه الصلاة والسلام نفخ جبریلدن فیض وجود
 بولدیغی کبی پس بومقوله لر حی و محبی اسملرینه
 مظهرلر در و بوندن حاصل اولدی که بر کیمسه فیض
 معنوی ایلله حی اولسه محبی دخی اولماز انکچون حی دن
 حی و میتدن میت ظهور ایدر بوسیدن ابو یزید بسطامی
 قدس سره بیور پرکه بز علمزی حیا معنویا حی معنوی اخذ
 ایتمشلر در که علماء بالله در علماء رسوم ایسه حیا ظاهر ا عن حی
 ظاهر اخذ ایتمشلر در که علماء باحکام الله در بوندن معلوم

(ولدیکه)

اولدیکه رسول الله صلی الله علیه وسلم اسمی
 وسماسی جمیع اسمایی مشتملدر زیرا انسان اکمل
 و مظهر تام مکملدر و نقدر ورثه وار ایسه انلر
 دخی بقدر الاستعداد اسماء الهیه ایلله ظاهر اولمشلر در
 و تأثیرات فی الحقیقه اسمادن و امداد اسماء دخی مسماندنر
 و مظاهر تامه اولنلر تأثیره آلتدر عرش اعظم کبی یعنی
 هر نقدر که وجه ارضده تأثیرات و تأثرات وارد در عرش
 محیطک دورندندر و صورت تأثیرات عرشدن حاصل
 اولدیغی کبی معنای تأثیرات دخی انسان کاملدن حاصل
 اولور انکچون بر کیمسه خوابده سرادقات عرشه
 تشبث ایتسه اول کیمسه انسان کامل دامننه تشبث
 ایتشدن زیرا زیرا عرش قلم اعلانک یعنی سرادقاتک
 صورتیدر پس سر الهی قلم اعلی یعنی انسان کامل ایلله دور
 ایدر پس بایزید حضرت علی کرم الله تعالی وجهه د نصکره
 اکمل مظاهر و ختم الاولیادر قدس سره و اسمی محمد بن
 علی اولدیغی دلالت ایدر که فی الحقیقه علینک اولاد معنویه
 سندندر و علی سیرت محمدی اوزره اولدیغی کبی محمد بن
 علی دخی سیرت علی و بلکه سیرت محمدی اوزره درا کرچه
 بو صورت و سیرتی محجوبلر مکاشفه ایتزلر و بو ظاهر و باطن
 نه معنادر جاهلار ادراک ایتزلر و جناب نبوة علیه الصلاة
 والسلامه ابتداء فیض حیات اسرافیلدنر زیرا قبل

النبوة اوج سنه قدر مقارنت ايتش وکلامنی اکا استماع
 قيلش ونيجه معنای غيبه بي تعليم ايتشدر پس جبريلك
 وحيله نزولي اندنصكره در اكرچه مقدما شرح صدر
 ايچون نزول ايتش ايدى يعنى جناب رسالت بش ياشنه
 بالغ اواقدده جبريل امين انك صدرنى شق و مغمز شيطان
 اولان حلقه بي طرح ايتشدر بوجهتدن وجودلرنده
 دخى اوائلدن هوس فاني قالماش ايدى وشرح
 صدرك انواعى واردر اكلى رسول الله واقع اولان
 مرتبه در كه امر حسي در اكرچه بوامر حسي
 بعضيلرده قى دم ايله دخى حاصل اولور وشرح
 صدرك اثرى بودر كه عبادات و طاعات ايچون
 وجودده كسل قالماز و درونه نشاط تام حاصل اولوب
 معارج قرب اولان اسبابه تشبث ايتك اهون كلور
 كر كسه فى نفس الامر امور صعبه اولسون مكر كه
 پيرلك حسييله بدنده بعض آثار ضعف حاصل اوله اكايسه
 كسل ديمزلر تشكيم رسول الله دخى اواخر عمرلرنده
 ضعف پيرى عارض اولديغندن بعض نوافلى قعودا ادا
 ايدرلردى وشول موضعه كه فى الجملة كسل اداء خدمته
 مانع اولمازا كاجاهده ديرلر و نفسيله مجاهده دخى مقبولدر
 اكرچه نشاط ايله اداء اعلا در و اهل اللهك بو مقامده
 تفاوتلرى واردر و هر كسك حقله معامله ده حالى الله تعالى

بيلور ديمشدر در كه فرض عبادت عند الشروع حقله
 حضوردر و سنت عبادت مكلف اولديغى جهتدن
 حضوردر و امر مرغوب بودر كه فنا ايله حاضر اوله
 يعنى كندى نفسندن و مكلف اولديغندن و مكلف
 اولديغى نسنه دن غائب اولوب جميع افعاله حق تعالى به
 متولى اولمق كر كدر كه اك حقله ادا ديرلر اشته عمل صالحك
 الكاعلاسى بودر بوندن اشاغيصى نفسله عملدر رفع طلب
 شرطيله والا باطلدر مثلاً بر نمازى حضور نفسله قلوب
 جميع افعالنده كندندن غائب اولديغى صورته باري
 (طلباء رضاء الله) اداء ايتك كر كدر و الا صورت صلوتدن
 نسه حاصل اولماز شول جهتدن كه انده بيت حق
 و غرض صحيح بو قدر و قصد صحيح ايسه روح عملدر پس
 بر عملده روح اوليچق اعلاى عليه حر كت ايدمه من بلكه
 بواب و كل يعنى اسفل سائلده قالور بوجهتدن اصلاح
 قصد و نيات صحيحه ايتك لازمدر ﴿نظام﴾ صورت و سر
 محمددن كلور فيض حيات * عقل كلدر كيم اودر اصل
 وجود كائنات * اسم محيى صور تيدر باق محمد رسمنه *
 دالى طول و جامدر ايج شربت قند و نبات * حى باقيدن
 شو كيم فيض حيات الور بو كون * عمر باق ايله بولسه
 نوله عالمده ثبات * نعت پا كن ايدمه كور ورد زبان قال
 و حال * و پر سلامى جان و دلدن قيل اكاهردم صلات *

ظاهر و باطن کوزت و ار آستان حضرت * حقیقاً حق
سورسک قیلہ غیرہ التفاوت ﴿ ورد عن اسان الحال
هذا المقال والينا الانتهاء في سلسلة الطريق ﴾ یعنی
طریقت جلاوتیہ در (جملہ) سلسلہ سی نزہیہ منتهی اوالدی
بوندن مقصود حضرت مرتضی کرم الله وجهہ دن سلسلہ
طریقت جلاوتیہ اوتوز ایکنجی ده منتهی اولدیغن
افاده و اخبار در وتفصیل سلسلہ تمام الفیض و کتاب
السلسله نام اثر لریمزده در و بو انتہادن مراد فیض
ونفس یوزندن انتہادر بوقسہ مجرد عدد جہتندن
دکل زیرا زنجیرک حلقہ لری ضعیف اولیحق اکا
فی الحقیقہ زنجیر دیملر هر نقدر صورتده زنجیر ایسه ده
(و بو مقام محمودک بعض تفصیل و حقائق حق صریح
نام اثریمزده و غیر تألیفاتمزده در و بو مقام محمودیت
ایله وصف اولندی زیرا سلسلہ درست اولق نکاح
صحیحندن ناشیدر پس شرعده نکاح صحیح اولسه حاصل
اولان ولد ولدزنا اولوب مذموم اولدیغی کی طریقده
دخی بویله در زیر اسلسلہ طریقت نکاح معنوی به
موقوفدر تا کہ محمود و ممدوح اوله واکا بر شیو خدن
وارد در که دیمشدر (من لم یکن له شیخ فشیخه شیطان)
یعنی بر کیمسه نک استاذ حاذق و مرشد کامل اولسه شیطان
زنجیرنده در یعنی دائرہ اسم مضلده در پس طریق حق

نبحہ هادی اولور و بو اعصارده شیخلاق و مریدک
ومبايعه و انابت برقوری نام اولمشدر انکیچون ضلال
وبدعت زمان سابقده اولاندن اکثر و فسق و فجور
وهوی اولکیدن اوفر در و لکن بوسلسله حق زمان
مهدی و عیسایه دک متصذر زیرا ارتباط دنیا اکا
مربوط و قیام ظاهر و باطن اکا منوطدر شول
جهتندن که اهل حق روح عالمدر تکیم نبحہ کره
تقریر اولمش و مراراً بیلنمشدر (فعليک بطریق لاغوج
فيه وایاک ومتابعة الضال السفیه ﴿ نظم ﴾
اولسه بر بنده به توفیق اله ﴿ منزل و صلی نیز بولور
ای شاه * مرشد کامله پیرو اوله کور ﴿ اویمه کمر اهه
اولور سن کمر اه ﴿ استناد ایتمه ماسوایه صاقن ﴿ پس دکی
سکا الله پناه نبحہ دعا قبول اوله درست ﴿
اولسه سنت و کتاب و کواه ﴿ بر عجب ذنبدر بو ذنب
وجود ﴿ یوقدر انک کی عظیم کناه ﴿ حقیقاً قویمه
قیامت تا ﴿ دیمیه اهل حق الله الله ﴿ قال الله تعالی
(انا اعطیناک الکوثر) اعلم ان الخطایات الواقعة فی مثل
هذا المقام کلها للنبي صلی الله علیه وسلم من طریق العبارة
والورثة من طریق الاشارة لان الاشارة من العبارة
بمنزلة الجزؤ من الكل كما ان الورثة كذلك بالنسبة
الی جناب النبوة کادل علیه قوله (انا من الله والمؤمنون

من فيض نوري) اى كل واحد من المؤمنين فيض جزئى
نورى من فيض نوري الكلى وانما كان نوره كلياً لانه
المظهر التام كالقمر فانه مظهر تام للشمس واما غيره
من الاجرام النيرة فمن عكوس نوره فكانت كالأجزاء
بالنسبة الى القمر وان لم يكن هنالك جزئية ولا كلية
بل الحصص المتفاوتة كما بيناه سابقا والجزؤ غير الحصة
فكما ان كلامنا من الاجرام يشير الى القمر وهو الى الشمس فكذا
كل من الورثة يشير الى جناب النبوة وهو الى الله تعالى
ولاشك ان الخطاب الالهى خطاب واحد لا يتجزى
وانما ينقسم انقساماً بالنسبة الى افراد المخاطبين ولما كان
حضرت النبوة اكل الافراد كان الخطاب بكليته وعبارته
متوجها اليه ولما كان غيره حصصاً منه عليه السلام كان
الخطاب بجزئته واسارته متوجها اليهم ولذا اعطى له
صلى الله عليه وسلم الكوثر المطلق وغيره الكوثر المقيد
فكان علم غيره بالنسبة الى علمه كقطرة بالاضافة الى سبعة
ابحرو ومن ثمه فكان اعلم الخلق فقوله تعالى (وما اوتيتهم من العلم
الا قليلاً) لا يدل على قلة علم النبي بل على كثرة فان الاقلال
رفع الشئ من الارض فالكل لا يرفع من العلم الا بقدر
قابليته ولاشك ان حضرت النبوة ازيد قابلية من غيره
فعلمه او قردل عليه انه اعطى له القرآن الجامع لجميع
الحقايق دون غيره ومن هنا قال (اوتيت علوم الاولين

(والآخريين)

(والآخريين) على جامع لعلومهم وامامهم فلا يحيطون
من على الا بما شاء الله كالصحف الالهية والتوراة
والانجيل والزبور فهم اقطاب الانبياء واما من
يتبعهم في شرايعهم بدون نزول الصحف والكتب
فدونهم ومن ثمه رجح من له الكتاب دلى غيره يعنى
ان الذى اوتى العلم من الورثة وجعل موافقا للتصنيف
في هذا العلم فهو اقوى ممن لم يوفق له فانه بمنزلة الرسول
من غيره وقد حققناه في غير هذا الكتاب وانما لم
يكتب اهل الصدر الاول لانهم اهل القرآن اى بمنزلة
من انزل عليه القرآن غصاً طرياً لقربهم من عهد النبوة
فلا حاجة لهم الى الكتابة بخلاف القرون الآخر
فالكل من العلماء بالله في الصدور الاول بمنزلة الرسول
كتبوا ولم يكتبوا (واما القرون الاخر فليس منهم
بمنزلة الرسول الا الكتاب وحصل من هذا التقرير الفرق
بين الرسول والنبي وانه لا يقدح في قوله (العلماء ورثة
الانبياء) والحاصل ان وارث النبي العرفى نبي بالمعنى اللغوى
وكذا وارث الرسول العرفى رسول بالمعنى اللغوى
وله الفضل على وارث النبي فحضرت ختم الاولياء
قدس سره اكل الورثة دل عليه كثرة تصانيفه وكتبه
كما يخفى ﴿نظم﴾ ﴿كوكل برجام زردر آندة﴾

فيض پاکدر کوثر * بوفیضک نشووه یانی زنده
 دادر تادم محشر * نبوت صورتا سرا ولا بتدر
 حقیقتده * بوسری بلین اولماز نبی وارث
 اکبر * بوآدم ظاهر و باطن عجب صورت
 عجب سردر * زهی آینه کیم اولمشدرر غایت ضیا
 کستر * دیدیلر اهل عرفانکم بوآدم روح
 عالمدر * تن بی روحده اولماز بیلورسن ذره
 نورو فر * کورندی جسمه بی پرده بوأشیا ده رخ
 اسماء * حقک هر یوزدن اولدی حقیقا الطافده
 مظهر * عند الصبح قیل لی بهذه العبارة
 لیأخذ العارف من هذا وهذا * ای من الجمع
 والفرق ان الجمع فهو مقتضى التوحيد واما الفرق
 فهو موجب العبودية فلا بد للعارف من کل منهما
 علی ان اولاً واجب له ان ينظر الى العالم بنظر الجمع
 والى نفسه بنظر الفرق وبذلك انتظام الامور
 كلها ومن مشى على هذا الصراط امن من الزلل
 ونظيره صلى الله تعالى علیه وسلم امر بان يأخذ المؤمن
 من هذه وهذه ای من الدنيا والاخرة وذلك لان
 الاشتغال بامور الدنيا واستيعاب الاوقات بها
 عدول عن الحق بالكلية وشغل بالفانی عن الباقي
 وان التجرد بالكلية فكلار هبانية فلا بد من

التعديل بان يصرف بعض الاوقات الى المعاش
 وبعضها الى المعاد وبه ينتظم الملك والملاکوت
 وامر الجسد والروح والصورة والمعنى علی ان
 الکامل لا یحتاج بالكثرة عن الوحدة ولا بالوحدة
 عن الکثرة فالدنیا اذا كانت متاع البلاغ
 لا تضر السالك بخلافها اذا كانت متاع الغرور
 فکن فی الدنيا بالصورة واما جانباً بالمعنى واعلم
 ان الدنيا حجاب ظلمانی والاخرة حجاب نورانی
 وكاشف هذين الحجابین عارف ربانى وواقف
 رحمانی ومحقق وجدانى سبحانى لتزده سره
 عن التعلق بما سوى الله تعالى * ولذا جعل
 التسبیح اقدم من التحمید لان الاول يتعلق بالذات
 والثانى بالصفات فمن تقدس فی ذاته تقدس فی صفاته وكل
 من تقدست صفاته تقدست ذاته ولذا جعل الصديقية
 فی النخاص عن شوب الغيرية ومن هنا يقال لا موجود
 الا هو وسر هذه الوحدة لا ينكشف الا بعد التخليص
 عن ذنب الوجود وهو توهم التعدد فی الوجود
 فقوله لا اله الا الله لازالة الاوهام اذ ليس فی الوجود
 الا معبود واحد بل مقصود واحد بل موجود واحد
 فلا نفی ولا اثبات فی الحقيقة وکم من متورط فی وحل
 الاثنية ومتحیر فی الادراك الوحدة مع علمه الوافر

بجسب زعمه لكنه ليس بعلم بل شعور والفرق ان الشعور
هو ما كان من وراء الحجاب دون العلم لانه قطع ولا قطع
الابازالة الحجاب فمن ليس له هذا العلم كان من اهل الشعور
ولذا خرج اكثر علماء الرسوم عن حد الادب فوقوا
في اولياء الله وزعموا انهم من اهل الانحراف في ذات
الله واسماؤه وصفاته كاهل الكتاب وليس الانحراف
والاحاد الا فيهم لانهم احول العين ومن ثمة
ابصروا الواحد اثنين وعوا عن الحقائق ولم يروا
الا العوارض والنسب (فاولئك الذين اصمهم الله واعى
ابصارهم افلا يتدبرون القرآن ام على قلوب اقفالها)
فاعرف ﴿ نظم ﴾ ندر سرى عجب فهم ايلدكمى
ايكى دريانك * كه يبرى بحر امكن وبرى بحر وجودانك
يايلدكمى ندر برزخ ميانده او بحر ينك * يونوب آرندى
امكان او شدن دل و جانك * غريق بحر جمع اولوب خبر
بيلز سك عالم دن * كوز كدن غائب او اور رسمى هپ
ديانك عقبانك * وياخود برفرق ايچره كز رسين لا ابالى
سن * چون بربرده قرارك بوق كچر حيرتله دورانك *
كل ايمدى جمع و فرقى جمع ايدى كور عالم داده * كالى
اهل شهر و قريه اولمقدر بوانسانك * ديمه اضدادى جمع
ايتك ميسر اولمز انسانه * نظر قيل حقيا اسماسنه مولاي
رحمانك (عرضت بعض الجوارى على البيع لفسادها

وحيث سيرتها رأيت مرسوما على الهواء قوله (يارافع
البلاء) يعنى انها ان بقيت في البيت كان من شأنها
ان يظهر الابتلاء العظيم من جانبها فقد رفعها الله
من البين رحمة على من اهل البيت قرب حسنة مستورة
تظهر واول بعد حين وكذا السيئة المستورة ولا يعلم
السرائر الا الله العليم الخبير لانه المحيط بكل شىء وضع
وخطر وفيه اشارة الى اصلاح الطبيعة المفسدة في بيت
الوجود وبيعها من الله تعالى (كما قال تعالى ان الله
اشترى من المؤمنين انفسهم واموالهم) فبيع الانفس
بافنائها في الله وبيع الاموال بصرفها فالفناء بالسيف
الصورى في الجهاد الاصغر فناء جسمانى لكنه مقبول
لكونه في طريق الشريعة والفناء بالسيف المعنوى
في الجهاد الاكبر فناء روحانى لكنه اشد قبولا من الاول
لكونه في طريق الحقيقة فان هاتى الطريقة اقرب الى الله
من الطريقة الاولى وان كانت الاولى وسيلة الى الثانى
فمن لم يكن له شريعة لم يكن له حقيقة وكل حقيقة ردتها
الشريعة فهى رد لانه قال تعالى (وأتوا البيوت
من ابوابها) وباب الكمالات كلها باب الشريعة كما ان
السعادات كلها باب ايمان بالله فان العلوم والمعارف
انما هى للدرجات المعنوية كما ان الاعمال الشرعية
انما هى للدرجات الصورية فطوبى للمؤمن اول للموقن

المكاشف المشاهد المعاني في الدنيا والآخرة والسعادات
 لمن جدوا اجتهد حتى كان محققا في الامور الباطنة والظاهرة
 ﴿نظم﴾ كل فنا بحرينه غواص او امك جوه
 آنددر * خاك عنصردن طلب قيل معدن زرا آنددر *
 صورتا ارض مقدسدر باقلسه بووجود * شبهه سر
 معنیده اما سرا كسير آنددر * آج كوزك انسان
 كامل وجهنه ايله نظر * كيم كوزي اچيقلره نور پير
 آنددر * جاء نفسه دوشمه كيم بو قدر اچيند
 آب فيض * جان ودادن قيل طلب كيم حوض كوثر
 آنددر * بووجودي بوغه وير وارق ديله الاهدن
 بر تجارت قيل كه سود بخرله بر آنددر * وارايسه دل
 بخرنده اخكر عشق خدا * بيش اول اي شيخ حقى هو
 وغير آنددر ﴿ايلة الجمعة﴾ رأيت مرسوا
 على الهواء قوله (انا نحن المظهرون) وقد اعرفت
 بقلم القدرة على ثلثة اعرابات الاول بضم الميم وكسر
 الهاء وفتحها وهو الثانى واما الثالث فبفتح الميم
 والهاء على انه جمع مظهر كمسكن والاول كمقر
 من الاقرار والثانى كالمضمر وجه الضم والكسر
 ان الله تعالى هو الذى اظهر من شاء بما شاء من العلو
 الذوقيه الحكيمه فالظاهر هو الله وانما جمع بطريق
 الاجلال والتعظيم كما دل عليه قوله نحن فيكون

(بمنزلة)

بمنزلة انزاله او الجمعية راجعة الى الاسماء والصفات
 ان كانت الذات متصفة بالاحدية (ووجه الضم والفتح
 يفهم ماسبق من التقرير وهو ان المظهر هو هذا الفقير
 قد اظهر الله في هذا الزمان بما شاء من حقائق اسمائه
 ووجه الفتح في الميم والهاء راجع الى الوجه
 الثانى وذلك ان الله تعالى هو الظاهر في عبده بصفاته
 الكمالية بقدر استعداده لان تجليات الله لا يسعها شئ
 الا بمقدار حاله وقابليته ولذا منع من الدعوى لان
 الكمال المطلق انما هو الله تعالى لا غيره فقد عرفت
 من هذا معنى المظاهر المحال ومعنى الظاهر فالظاهر
 كالمرآت والظاهر كالصورة ومن هذا قالوا ان من قال
 ان الله تعالى يمكن ان يدرك بغير المظاهر فقد غلط
 اذ لا بد اولاً من الاثر حتى يستدل به على المؤثر ثم الامر
 على ما يعرفه الكمال والله قد جعل نفسه كنز مخفيا
 فظهر باسمائه وصفاته كما كان ظاهرا بذاته لذاته
 وقد عرفت ما عرفت فلانعبده ثم ان الدنيا لا تخلو
 من المظاهر الكلية والجزئية الى آخر الزمان ثم يظهر
 امر آخر على غير هذا النهج والله يعلم الادوار وحقائقها
 ﴿نظم﴾ مظهر حقدر بو آدم صورتندن بلودر * اهل
 سر اولديغي انك سيرتندن بلودر * هر كمال اهلينه
 واردر چشم حق بينه نشان * هر كسك فقر وغناسى

كسوتندن بالودر * كاسه زهرين دهرى اغزينه اله
صاقن * قانه قصد ايلديكى شدندن بالودر * حال
عاشق هر كچه آهندن اولور آشكار * صورمه
حان زاهدك كيم غفائندن بالودر * عارف
بالله سوز يوقدر بلور ارباب دل * رتبه
تأثيرى زيرا صحبتندن بالودر * يوقلدن ظاهر
اولدى كنز مخفى حقيقا * اهل قدره جوهر
وزر قيمندن بالودر * برزقون فيها * اى
فى جنة القلب من اغدية المعارف والعلوم
الالهية ولا حاجة لمثل هؤلاء من الاغدية
الصورية الاقدر القوت وقد قال (من قال
اذا حصلت قوت * هان على الدر يا قوت)
يعنى لا قدر عند اهل القوت للدر والياقوت
وغيرهما من الجواهر التى لها قيم عظيمة
عند الصرافين القوت قدر مايقوم به
النفس وبه اخذ اهل الآخرة واهل الله فاقنوا
بالقليل من الدنيا لا بالقليل من الحقائق والحكم لان
الله تعالى امر بطلب زيادة العلم الالهى كما قال (وقل
رب زدنى علما) وما جده بشئ من الحدود لان الله
واسع عليم فالفيض لانه لا نهاية له والوسع استعدادا و
الازيد عطشا لازال له الى ابد الآباد فوجب طلب

المزيد الى انتهاء القمر كما ورد (اطلبوا العلم من المهد
الى اللحد) ثم لا يزال الفيض قابضا وآثار الجود حاصلة
لكن بقدر حال المستفيض وقد صح ان اهل الجنة
يجتمعون تحت شجرة مسماة بالمونسة فيتذاكرون
ثم لا يرجعون الى منازلهم الا بالمزيد من العلم وهذا حال
مقام الكشيب والعود منه والتفاوت انما هو بالسلوك
وعدمه فى الدنيا فطوبى لاهل اليقظة وويل لاهل
الغفلة فسيروا اليها الاخوان (ع) وعند الصباح بحمد
القوم السرى * نظم * ايده لم جان وكوكلدن توحيد *
بوله لم فيض خدادن تأيد * عمل شرع شريف اواسه
قوى * علم وعرفان اوله غايته مزيد * دله تخم خلوص
افشان اول * به سنبيل اوله بسيار حصيد * شوايكه تن
پرور اوله عالمه * ايتسون شول غدا جانى اميد * ديدى
حضرت من استوى يوما * اولدى مغبون كل يوم
جديد * حقيا روز به اول دنيا ده * ايده سن هر نفسده
تا ايكي عيد (بعد الانتباه بو بيت تركى وارد وسمع جانه
واصل اولديكه * بيت * اون سكزبك طالمك اولدى
وجودى بر خيال * بو خيال ابجره قومه كندك
عيانه بول مجال * بو بيت حقيقت شيخك
وقت بيدارى ده واقع اولديغى منام عالم خيال دن
اولغله در يعنى منام نجه خيال ايسه عالم يقظه

دخی اویله خیالدر تنکیم حدیثه کلور (الناس
نیارم فاذا ماتوا تیفظوا) یعنی ناس غفلتدن خلاص
اولزلر مکرکه موت طبیعی ایله برزخه انتقال
ایده لر ویا موت ارادی فنا ایله حقه فناء
بوله لر وعالم تعیندن لا تعینه کیده لر اشته بو
ایکی صورتک بریله آگاه اولورلر بومقامدن درکه
حضرت مرتضی کرم الله وجهه دن منقولدر
(لو کشف الغطاء ما ازدت یقیناً) مقصود
فی الحقیقه مکشفوف الغطاء اولدوغنه رمزدر
زیرا غطاء صورینک عدم انکشافدن یعنی موت
طبیعی نک هنوز عدم وقوعدن غطاء معنوی نک
عدم انکشافی لازم کلز بایککه موت ارادی
اهلی اولنلر غیریلرک موت طبیعی ایله مماینه
قیلدرلرین بالفعل دنیاده مماینه قیلورلر
زیرا انلرک باطنلری بی پرده در محجوبلر ایسه
بویله دکلددر تنکیم قرآنده کلور ﴿ فکشفنا
عنک غطاءک فبصرک الیوم حدید ﴾ وکشف
غطادن مراد حصول یقین والطمئناندر بوایه
نفس مطمئنه اهلنه موطن دنیاده حاصلدر واکا
رؤیت قابیه دیر تنکیم قصه ابراهیم علیه
لسلامده کلور ﴿ رب ارنی کیف ننجی الموتی

(قال)

قال اولم تؤمن قال بلی ولكن لیطمئن قلبی ﴿ یعنی
حق تعالی طیور اربعه بی حضرت ابراهیم کوزینه
قارشو احیا قیلدی ابراهیم قصدی مشاهده بصریه دن
رؤیت قلبیه به نقل وترقی ایچون ایدی انکیچون اراءت
ایلله تعبیر اولندی زیرا مشاهده رؤیت قیلندن دکلددر
بلکه مشاهده اعم ورؤیت برنسنه بی هر نه مقوله صورتده
کوررسه کما ینبغی ادرا کدر مکاشفیلرک حالی کبیکه
حق تعالی بی هر بوزدن مشاهده ایدرلر ومشاهده لرنده
شبهه ایتمزلر زیرا رؤیت یقینیه اهلی اولمشلردر وبوندن
فهم اولندیکه دنیاده رؤیت بصردن مراد رؤیت قلبیه
انتقالدر وبو طالع صـورتی وصورتنی مشاهده
ایتمک تحصیل معانی اسماء وصفات ایچوندر بوقسه مجرد
طالع سیه التذاذ واحتفاظ ایچون دکلددر تنکیم ارباب
غرور حالیدرکه باغ وبانجه وشکوفه وازهار وحیاض
وریاضله اکلورلر وعمرلرینی صورته صرف ایدرلر
وکورمزلر وعبرت المزلرکه قرآنده مسطوردر (یعلمون
ظاهر من الحیوة الدنیا وهم عن الآخرة هم غافلون)
یعنی عمارت دنیا واشتغال قالب کفره وفخره صفتیدر
وعمارت آخرت واصلاح قلب مؤمن حالیدر چونکه
دنیا وآخرت بربرده مجتمع اولماز زیرا بری برینه ضدددر
بوسیددن اهل آخرت دنیایی ترک ایتمک ضروری واقع

اولشدر اهل الله مجموع داربندن واجر و معاوضه
ملاحظه سندن فراغ واعراض لازم اولدیغی کبی
اشته بوندن فهم اولدیکه مباح دیدکاری نسنه خواصی
امتحان ایچوندرا نکیچون دنیا به فتنه دیندی ودخی
(خلق لکم مافی الارض جیعا) آیتنده لام امتحانه حل
اولندی (خلق لاجل امتحانکم) معناسنه پس شول
متاع دنیا که مباح اولدیغی صورتده امتحان
ایچوندرا که اندن احتراز لازمدر یا مکروه و حرام و مفسد
اولسه حال نیچه اولور کل ایمدی شهوت طبیعی
وهوای نفسک آرزوسنه جریانی قوه سنده و جته صالح
اولیان نسنه لرله مدعای باطلک اوزرینه استدلالی براق
وا کواندن کوزیوم و عالم وجوبه طوغری آچیل کیت که
عالم تقدس و تنزه در یوقسه عالم تدنس و تعلق
دکدر (تابکی نسنه ونوم و وهم و خیال) قال الله تعالی
(ومن آیاته منامکم باللیل والنهار) یعنی کیجه منامله
غفلتده اولدقلری کبی کوندز بقظه ده دخی غفلتده
قالمشدر در زیرا بصیرت که چشم دادر کشاده اولمدیجه
دیدنک ظاهر اینا اولدیغی فائده ایتمز بوسیدن الله تعالی
انلره اعا دیشدر تکیم بیورر (ومن کان فی هذه
اعمی فهو فی الآخرة اعمی) وینه کلور (فانها لاتعمی
الابصار ولكن تعمی القلوب الی فی الصدور) وقلوبک

عاسی تعلق ماسوا ایله احتیاجیدر که جت ظلمانیه
و نورانیه به شاملدر و لکن حجب ظلمانیه نک زیاده کثافتی
جهتندن حجب نورانیه دن اضردر و ژنکار آینه قلب
دیدکاری بومقوله نسنه لر در زیرا قلبک بر بوزی حقه و بر
یوزی خلفه در پس حقه ناظر اولان یوز خلقله محتجب
اولیحق اول حاله عاء معنوی دینلور مثلا انسان بر ظلمانی
چاه ایچنده او تور سه روی شمسی قنده کورر کر کسه کوزی
اولسون بوسیدن اعمی حکمنده اولور و اون سکز بیک
حالمک وجودینه خیال یعنی قرالتی دیندی زیرا وجود
محقی یوقدر بلکه وجود محقق الله تعالی نکر که وجود
ماسوی مخیل و مو هو مدر شو و یله که ذره بی اظهار
ایدن پرتو شمس اولدیغی کبی عالمه صورت و یرن
دخی نور حقدرا که نور مرشوشی شامل اولمق حسبیه
افاضه وجود ایدوب انک فیضی ایله صورتلری
ظهور بولشدر نسبت و اضافات وجود بولشدر
پس اگر حق افاضه فیض وجود ایتیدی ممکنات
رایحه وجودی نرمدن شم ایدرلردی بلکه عالم
عدمده قالورلر کیدرلردی بوجهتدندر که ممکناته
حالت اصلیهلری اوزرینه حالا کتم عدمده در
دینلور بو قرالتی در که عین خلقده عین حقه
حجاب اولشدر زیرا صورت معنایه جابدر شجره

نواته حجاب اولدیغی کبی ا کرچه عند المکاشف
حجاب یوقدر زیر ا عروسه کندی برقی حجاب
اولماز بلکه غیری به کوره حجاب اولور بوراده
ایسه غیری یوقدر بلکه غیری اولدیغی اعتباریدر
وانسان رداء الکبری وعالم بوردانک جزئیاتیدر
بوجهتدن انسان مکاشفه رده یوقدر بلکه اجمال
یوزندن تفصیلی هر یوزدن کورر زیرا اجمالی
اودرکه تفصیلدن عبارت اوله پس آدم وعالم
برمعنادرکه صورت حقدر یعنی حق عالم و آدم
یوزندن اسماء وصفاتیه تجلی ایلشدر وشولکه
مکاشفدر قرالتی به نظر ایلز بلکه اشیاده حقایق
اسماء وصفاتی مشاهده ایدر واسیر صورت
اولمقدن قورتلور و صورتی تعلقی بومشاهده دن
ایچون اولور غیری ملاحظه ایله دکل بوسیدرن
عالم اکا حجاب اولز بلکه آینه اولور ایسه
صورت مرئییه رده دکلر والا اکا آینه دیمزلر
(کل ایلدی ای عارف نظر ایله که هر کسده کوز
بر ایکن بری بروبری ایکی کورمک ندندر وبری
یار وبری اغیار سیر ایلک نه معنادندر هیچ دکلر
الا احولتیدن و پرده دندر ایشته بو معنادن دیرلرکه
بوخیال وقرالتی ایچره قومه کندیکی و پرده بی

کشف ایله وعین بصیرت مشاهده سیله هیانه ایر
وآینه ده برکور بومعنایه مجال و قدرت بول
والا ظلمده قالورسک واعمالقدن نه بولورسک
ایشته صبح قیامت کلدی نه زمان اویانورسک
وقرالتی به نیجه برطیانورسک که بیت عنکبوت کبی
ضعیفدر والله القوی المتین ومنه اعطاء القوة
والتمکین ﴿نظم﴾ اونسکر بیک عالمک
اولدی وجودی برخیال ﴿بوخیال ایچره قومه
کندک هیانه بول مجال﴾ کل سرابی قوشرا به
ایرتا قانه سک کیم ﴿سراب ایچره صو بولق
طالبه اولدی محال﴾ صورت آینه در عالم
ولکن کوز کرک ﴿تا محقق کوره اول یوزدن
یوزی بی احتمال﴾ صورت عالم سکا سعی ایت که
پرده اولسون ﴿باقه دیوار و پرده به کل دیده کی
دیاره صال﴾ کلشنه حولی چکمشدر اکر چه
خاردن ﴿قبلی کذرخاری وکشنده کل رعنا بی آل﴾
درس او قورلر اشبو حکمتخانه ده تحقیقندن ﴿قیل و قاله
بقیمزای حق بو کون ارباب حال﴾ عند الصبح وردهذا
المصراع العربی عظمک الله بتعظیمه ﴿یعنی الله تعالی
سنی کندی تعظیمی ایله تعظیم ایلدی و سنی تعظیم
ایدن حق تعظیم ایتش اولدی زیرا سن صورت حق

وسر مطلق سك بورا دندركه نعت نبوی ده كلور (كان
فحماً مفحماً) ای كان عظیمی فی نفسه معظماً فی الصدور *
اشته بومعنی شان نبوت جلیله دندر آداب و حرمت ایله
اندن تهیب ایدر لر دی مکر که نادر اوله ابو جهل
وامثالی کبی و شان ولایت بورتبه معنادن پسدر بلکه
اهل ولايتك تستری وارد در بوجهتدن انلر اقل ناس عندند
معظمدر که انلر ذاتقلر و عارفلر در و شیخ عبدالقادر
الجلیلانی نك قدس سره حقدن هبیت طلب ایتدیکی
خلقه افاده و افاضه یه وسیله اولمغیچون در زیر اخلاق
خوار و هین کور دکری یردن منتفع اولمازلر انکچون
شدید الشکیه اولان کفار قریش قرآنله منتفع اولمایلر
زیرا جناب نبوت طرفنه اقباللری یوغیدی و کوزلری
وار ایکن کور ایدیلر نیکیم قرآنده کلور (و تراهم
ینظرون الیک وهم لا یبصرون) وینه کلور (افانت
تهدی العمی) یعنی قلبی اعی اولان کسنه یی هدایت
وارشاد ممکن دکدر مکر که کوزی آچلمغه مستعد اوله
اکه اولانک غیری کبی یعنی اکه که کور مادر زاده در
علاج پذیر اولماز غیریسی ایسه قابل علاجدر اگرچه
معجزه طریقله اکه اولنلر دخی بصیر اولمشلر در نیکیم
حضرت عیسی علیه الصلوة والسلامدن واقع اولمشدر
وبورا دندر که دیرلر اولیاده شولقدر قوت وارد در که

آتش اوقی کیری دوندیر لر و مرمری جوهر ایدر لر
ولکن بومعنی دخی استعداده دائر در پس نك بسته اولان
آینه صیقل قبول ایدر فاما سنك خار صیقل قبول ایتز فافهم
جدا (بعدذا فقیر ایکیدر که بری صوری و بری معنویدر
وشولکه فقیر صورت و عامی در خاطر منکسری عطا
وتعظیم وامثالی ایله مجبور اولور و شولکه فقیر
معنوی و حقیقی در انك جبر خاطری حقله در یوقسه
خلفله و معاملات ناسله دکدر یعنی خلق اکا اعتبار
وتعظیم ایتدکاری و ایتدکاری برابر در زیر مقام
عندیتده اولانك خاطری ماسو الله منجبر اولماز نیکیم
کلور (انا عند المنکسرة قلوبهم لاجلی) ای لاغیری * پس
فی الحقیقه فقیر حقیقی یه تعظیم معاملات الهیه ایله در
یوقسه خلق ایله دکل فاما قلوب ناسه دخی محبت
وتعظیم القا اولنوب اعزاز و احترام وتعظیم دل خالی
دکدر * نظم * فیض حقدن پر اولوب بحر فراوان
اول یوری * طالب قیمت شناسه جوهر افشان اول
یوری * بوفنا دنیا جهان فانی نك کرک * صورتا
درویش اولوب معنیده سلطان اول یوری * سجده دن
قالدرمه سر خاک ایله یکسان اول یوری * باغ عدن
ایچره همان سرو خرامان اول همان * منزل و صله
سلوک ایله طریق راستدن * کل جوانا پیر و پیران ره روانه

اول پوری * طعن جاهلین نه غم تشنیع منکر کردن
چه باک * جدلله حق الکره حق شادان اول پوری

﴿ فوق ﴾

﴿ امام ﴾

﴿ یسار ﴾

﴿ نقطه وحدت ﴾

﴿ عین ﴾

﴿ خلف ﴾

﴿ تحت ﴾

معلوم اوله که شش جهت دیدگری عرش
محیطک تعیندن حادث اولمشدر آنکچون مقام
ارواحده نیز اولماز و عرش محیطنک تعینی زمانک تعیننه
دخی باعث اولمشدر یعنی تعین عرش تعین مکانه سبب
اولدیغی کبی تعین زمانه دخی سببدر زیرا کندی
تعینندن نیز و حرکتندن زمان حادث اولمشدر
وجهاات احیاز مقوله سببدر یعنی مخلوقه کوره زیرا
خالقه کوره نیز اولماز و شولکه فوقه دلالت ایدر
نتکیم قرآنده کلور (وهو القاهر فوق عباده) بوندن
فوقیت حسیه لازم کز بلکه لفظ قاهر دن فهم اولندیغی
اوزره غلبه و استیلا معناسنه محمول اولور بعد ذاعر شله
متعین اولان مکان حسی عقل اولک تعین روحانیسنک
صورتیدر نتکیم انکله متعین اولان زمان اسم دهرک
صورتیدر کم اکا آن غیر منقسم دیرلر وجود حقیقی

دیدگری در و بومقامده صفت موصوفک عینی
اعتبار اولنور و آندن غیریسی معدومدر کرک ماضی
و کرک مستقبل زیرا بونلر اول زمن فرد غیر
منقسمک نسبت و اضافتلیدر نسب و اضافات ایسه
امور عدمیه در پس بوندن ظاهر و باهر اولدیکه
وجود حقیقی نقطه مرکز کبیدرکه چوره سنده
اولان ادوار تعینات اکانا ظره و انکله قائمه در کرک
زمان و کرک مکان بو ایکیسی بربرینی مستلزمدر زیرا
عرشک تعین و حرکتیه در و مرتبه عرشیه به دک
اولان سلوک و سیر تحت زمان و مکانده در و دور
صوفیه دخی بوراده در و بونک فوقنده اولان سیر کرچه
عقل اوله دک ا کواندن عد اولنور و لکن اوراده
زمان و مکان و دور اعتبار اولنماز عالم وجوبده خودلیل
ونهار اعتباریدر پس شول سالک که سری عالم
وجوبده سیر ایلیه لایل و لانهار عالمه داخل اولمش
اولور زیرا اورانک لیلی ذات احدیه درکه مقتضاسی
نور سیاه اولمقدر و نهاری ذات واحدیه درکه
حکمی نور بیاض اولمقدر و سلوک و سیر ذات احدیه به
منتهی اولدجه اطوار تمام اولماز و بو مرتبه نک
اربابی دریایه منتهی اولان سیل کبی درکه خاموشدر
واکر حرکت اقتضا ایدر سه حرکتی دریا ایله اولور

وا کا حکم بقادیر لر فافهم جدا (و حق تعالی ایچون شش
جهت انکله طلودر دیدگری انک فیض نوری و سریله
قائمدر دیمکدر زیرا الله تعالی قیومدر و بوندن اثینیت
لازم کلز و بونک تفصیلی بالاده در فتنن انلاک فانه
عمیق و الباحت عن ذلك فی بحر الحیره غریق والله اعلم
بما به حقیق ❖ نظم ❖ ای که اسم علا و ذاتی غنی ❖ عظیم
شانی دهر ایچنده جلی ❖ بیلدی کنه ذاتکی هرکز ❖ عالم
ایچره نه نبی و نه ولی ❖ و ارمی وصف جیلکک مثلی ❖
یوقدر ذات پاکک بدلی ❖ کورینور سینا اگر چه
هر یوزدن ❖ اولدی بیلک سنی محال ولی ❖ شو یله در کبریا
ذاتک کیم ❖ کیسه نک اول مقامه ایر منالی ❖ طو تیلور عالم
ایچره فرمانک ❖ دیر چو حق فقیر جله بلی ❖ بعد الایناه
نفس مطمئنیه ایره بعده جلال حق کوره ❖ یعنی عارفک
جبال حق مطالعه سی نفس مطمئنیه به و صوالدن
صکره در زیرا نفسک الطمئنان و سکوتی جلاء آینه دندر
و آینه مجلی و مصیقل اولدجه صورت نما اولماز
و بوندن مراد حقیقت تجلیدر که دائمدر بوقسه
عاری دکلدر زیرا مرتبه عقلده اولان تجلی کوکی
و مرتبه قلبده اولان تجلی قری و مرتبه روحده
اولان تجلی شمسی بونلرک جله سی آفل و غاریدر پس
سالک بو مرتبه لرده اوان لوایح و اوامع و طوالمه

مغرور اولیه بلکه تجلی سری به مظهر اولغه سعی
ایلیه که تجلیات مذکور نک باطنی در تشکیم حضرت
ابراهیم علیه السلامدن بطریق الحکایه کلور (انی
وجهت وجهی للذی فطر السموات و الارض حنیفا
وما انا من المشرکین) یعنی وجهه که بر نسنه نک
حقیقتی و عینیدر مرتبه سردر انکیچون ارض و سمانک
فاطرینه توجیه اولندی زیرا شمس و قمر و نجوم سمانک
مشتمل اولدیغی اجرامدر که حادثدر روح و قلب
و عقل کی پس انلره توجیه وجه ایتک واجبدن ممکنه
و قدیمدن حادثه عدوادر بناء علی هذا شرکدن خالی
دکلدر زیرا بو صورتده عبادتده خالق و مخلوقی تسویه
لازم کلور بو صورتده واجب اولان بودر که وجه
مؤمن مخلوقات انفسیه و آفاقیه دن فاطر و خالقده متوجه
اولوب عبادت و توجه اکا تخصیص قلنه اشته بورادن
کفسارک عبادت اصنام و نجوم ایتکده خطالری
و سالتارک وجودلرنده اولان مراتب غطالری
معلوم اولدی یعنی هر کیمده کم ظاهر و باطنده حنیفیت
سری اولیه اول کیسه مشرکدر یعنی اگر ظاهرده حنیف
دکل ایسه شرک جلی ایله مشرکدر و اگر باطنده
حنیف دکل ایسه شرک خفی ایله مشرکدر الحاصل
اگر چه جمیع اشیادن نور حق مشاهده ممکندر زیرا

مشاهد و مرآت حقدر و لکن نور مقیدی مشاهده در
مع هذا اول نور مقیدی مشاهده به قصرله مأمور در اما
ا کاسجده ايله مأذون دکدر پس لازم کلدی که عالم
اطلاقه یوز طوته و حقه وجه مطابقدن توجه ایلله که
توحید محضدر نظر ایلله که کشی روزه ایرشد کده نظری
مطابق نور شمسدر یوقسه بعینه بر خانه ده بر پنجره دن
مکس ایدن نوره دکل زیرا بونوره منعکس شمسک نور
مطابقندن حصه مخصوصه در و شبده اولان نور قر
دخی بویله در تأمل ایلله که شمس و قر غروب ایتد کده جمیع
انوار انلرله غروب ایدرو بورا دندر که دیرلر (کل شی
یر جمع الی اصله) و قر آنده کلور (والیه ترجعون) و بواصل
اصیلدر که جمیع فروع ا کاسبتنی در و حقیقت تجلی
واحوال حقایق و اعیان بورادن مفهومدر زیرا
حقائق ممکنه ظلت ایلده مستور اولان اشیا کبیدر که
انلری ابراز ایدن نور شمس اولدیغی کبی ظلمت عدهده
اولان ماهیات و حقایق اظهار ایدن دخی نور
تجلیدر و بوابراز و اظهاردن قطع نظر اشیا و حقایق
حالا مستورلر در قر آنده کلور (و آیه لهم اللیل نسخ
منه النهار) یعنی نهار کبری حالا لیلدر انک اوزرندن نهار
مسلوخ اوله اصل اولان لیل بی پرده ظهور ایدر لجم
غنم بعد سلخ الجلد ظاهر اولدیغی کبی بو صورته

نور نهار اصله رجوع ایدر که قرص شمسدر پس نور
نهار اشیا بی ظلمتدن و اختفادن تخیص ابتدکی حالد
ینه فی الحقیقه مستوره در تکیم ذهنکده تصور
ایتدیگک نسنه بی اظهار ایدن لسانک و یا خود قلمکدر
بویله ایکن ینه اول متصور اولان نسنه ذهنکده
مستوردر ایمدی حقائق ممکنه ایلله تجلی الهی بی دخی
بوندن ادراک ایلله و سن سکا اصلا وجود و برمه زیرا
سنک ظهورک نور حقه در و الاسن ینه اولکی معدومسک
واصلکه اختیار که رجوع ایلله وفانی باقیده
افنا ایلله و الا بالاضطرار رجوع ایدرسک و زجت
چکرسک الحاصل انسان بونورله منور اولق کر کدر که
بردخی ظلمتی اولیه واکا نور الانوار دیرلر زیرا سائر
انوار آنک سایه سیدر و حقه غروب و طلوع متصور
دکدر و کنز مخفی اولدیغی اسماء و صفاتی اعتبار ایلله در که
مراتب اقتضا ایتشد در والا کندی ذاته ذاته
ظاهر و باهر در (و شونلر که اسماده قالدیلر قیوددن
خلاص اولمدیلر و چشم خیاله بقانلر مطالعه جمال
حق بولمدیلر قنی بر عالی همت که کشف و کراماته
نظر ایتیه و توجه وجهی قویوب جیب و راستنه
کیتیه و قنی بر مرد میدان که هیکل طوب کبی اوینیه
و عقل و قلب و روحی قزغان فناء کلیده قاینیه و آنده

حادثن اثر قائمه و حقدن غیری ندر ذره قدر بیلیم
 و حقله حق اوله و الحاد دن خلاص بوله (اللهم
 بحرمة اسمك الرفيع و بجاه حبيبك الشفيع ارفعنا
 من خفيض الاین و البین و اوصلنا الی اوج العیان
 و العین) ﴿ نظم ﴾ وجه مطلقدن توجه ایدلم درگاهه
 کل * سرله بی پرده و اصل اوله لم الله کل * جان و دل
 اولسه تجایسندن انک غرق نور * اولم رونق نما چرخ
 اوزره مهر و ماهه کل * هر نه دکو خانه دل
 جلوگاه حق اوله * انتسابی بنده لکله ایدلم اول
 شاهه کل * جانب حقدن خبردار اولمغه مشتاق
 ایسک * غفلتی قو برکون اول بر دل آگاهه
 کل * منزل مقصوده حق و ش دیلر سک کروصول *
 سنده بر مرشد یوزندن طور مه طوغری راهه کل *
 ﴿ رقم رتم ربم ﴾ بواوچ کله قلم الهی ایله
 مرسوم اولمش ظاهر اولدی ظاهر اولان بودر که
 بو عالم اسماء و صفات رقم مقوله سیدر که نقش
 الهیدر (و رتمه که تذکیر ایچون اصبعه عقد ابتدکاری
 خبطدر عالم مذکور دخی تذکیر بایندندرا کار تیمه
 دخی دیرلر انکچون) ﴿ یا ایها الناس ﴾ دیو خطاب
 الهی وارد اولدی زیرا عالم کثرته نزول و میانده
 برازخ کثیره اولق حسبله و وحدت منسی اولوب

عبده کوره حقدن بعد ظهور ابتد بو جهتدن
 دیرلر که کوزدن ابراق اولان کوکلدن دخی ابراغ
 اولور زیرا بین الحیبین واقع اولان مسافات جابدن
 خالی دکدر و حجاب مورت نسیاندر اشته بومعنی
 محجوبلر حالیدر فالما اکامل مکاشفین مقام
 عندیتده قرار داده در و کلام جرح و تعدیل
 انلرک ما عدا سینه کوره در و کلمات مذکورده
 حقله خلقتک ارتباطنه رمن وارد در زیرا (رقم) که
 کتابتدر کتب بر حرفی بر حرفه ضم ایتمکدر
 تا که کله وجود بوله پس بوندن ضم و جمع
 معناسی ظاهر اولدی که بین الشیئین ملحوظدر
 (رتم) ده دخی معنای ضم وارد که معقود و معقودیه
 ایله حاصل در بوجهتدن غایت اشارت (ربم) اولدی
 یعنی اندن ربله مربوب ارسنده اولان ارتباط
 ظهور بولدی مع هذا رتم ایله ربم کله لری
 تجنیس خطی اوزرینه وارد اولدیغندن لطافتدن
 خالی دکدر (الحاصل عالم اسماء صفات نسب
 و اضافات قبیلندندر که رب العالمین مرتبه سینه
 دالدر و اول مرتبه نک تفصیلی عالم و اختصاری
 آدم در و عالم آینده اسماء و آدم مرآت مسمادر
 بوجهتدن وارد اولدی (ان الله خلق آدم

(علی صورته) ای علی صورته الحقیقه فلا صورة له
 فی عالم الجمع بل فی عالم الفرق فالامر مجاز و حقیقه
 فافهم جدا (وسر ربوبیت دیدگری اضافه
 مذکور در که پس بو عالمه ربم دینلور باء
 موحدہ نك ضمیمه یعنی الله تعالی ربم ربمدر و بن
 انك مربوبیم و میانمزدہ نسبت اسماء و اضافه
 صفات وارد در سلطان اعظمك و کلاسی ایلہ
 اوہلرندہ بحسب المراتب نسبت و اضافه اولدیغی
 کبی و عالم حقیقتہ ربم دینلور باء موحدہ نك
 قحیلہ منصور (انا الحق) دیدیکی کبی و لکن بوسر
 سری عند الکمل مستور و محفوظ اولمغله تکمیل نشئه
 ایدنلر او مقوله دعوایی لسانہ کتور منزل و دعوی
 ایدنلرک حالنی ترک ادبہ نسبت ایدرلر زیرا کامل
 اودرکہ جمع و فرقک ایکسینی دخی مراعات
 و محافظہ ایلہ تا کہ باطنی توحید حقیقی و ظاہری
 عبودیت محض اوزرینہ اولمغله نظام انفس
 و آفاق خلل پذیر اولماز و جمع و فرق یرینی بولہ
 و دریا و صحرا سری ظهورہ کلسہ بوجہتدن ربم
 اللہ در دیمک اصح اولدی نہ کیم اکل الموجودات
 علیہ افضل الصلوٰۃ والتسلیمات (انا) دیمدی یعنی
 جامع الحضرتین ایکن حاضرده حضرت کونہ بہ

ناظر اولدی و حضرت الہیہ بی ستر ایلدی و انک
 (و اناسید الناس يوم القيمة) بیوردیغی دعوای مذکور دن
 خارجدر زیرا بوسیادتق کہ کندی نفسیچون اثبات
 ایتدی سیادت کونہ در مع هذا انکله دخی افتخار
 ایتدی بلکه اخباری مجرد امتنہ تنبیہ ایچون ایدی
 تا کہ یوم قیامتہ برای شفاعت دور ابواب ایتہلر
 و غیری درکاه محمدی بہ کلهلر مع هذا انبیادن
 دعوی صادر اولسه عہدہ سندن کلمہ کہ قادرلر در
 اولیا ایسہ انلر کبی دکلر در ا کرچہ اصحاب کرامندر
 و کرامات معجزاتدن معدود در زیرا معجزہ ایلہ
 کرامتک میانندہ فرق وارد در و افراد امتدن هر کیمکہ
 دعوی صد دندہ اولدی آخر محجوج و ملزم اولوب
 عہدہ دعوادن خروج میسر اولدی فاما ترک
 دعوی ایدنلر آسودہ حال اولدیلر نتکیم ختم الاولیانک
 قدس سرہ قتلی خصوصہ اندہ ارباب انکار نیچہ کرہ
 تجمع ایتدیلر و آخر کندیلری مفتون اولدیلر (سؤال
 اولنورسہ کہ چونکہ دعوی یوغیدی یا تجمع مذکور
 نہ ایچون ایدی (جواب بودر کہ دعوی ربوبیتہ کورہ
 ختم مذکورده ایسہ بومقوله دعوی یوغیدی بلکه
 حقیقت اوزرہ ذائق عبودیت اولنلر دن ایدی فاما
 ربوبیتک رحمت واسعہ سندن و سر قضا و قدرندن

و وحدتدن تصدیقاتنده چوق بحث ایتدی و عقول قاصره
انی ادرا کردن عاجز اولدیندن ظاهر احوال شریعت کوره
حقننده حکم ایتدیلر (والله متم نوره) سؤال اولور سه که
برسوز که اختلال طالع باعث اوله آنی لسانه و یا قلمه
کتور مک ممنوع و منهیدر انبیاء و اولیاء ایسه نظام
عالم ایچون مرسل و مبعوثلردر (جواب بودر که ختم
مذکور ختمتی جهتیه جمیع مقالاتنده مأمور و مأذون
ایدی شویله که مقدم و مؤخر اولنلرک هیچ برینه
بوقوله باب اذن مفتوح اولدی انکچون سلامت
بولدی و غیریلر کیمی مسموم و کیمی غیری وجهله
مقتول و مذبذوب اولدیلر (سؤال اولور سه که رسول الله
صلی الله علیه وسلم جامع الحقایق و حامل الدقایق ایکن
نیچون انلردن او مقوله الفاظ صادر اولدی (جواب
بودر که لسان نبوت عقول عامه اوزرینه وارد اولمشدر
والا اختلال لازم کلور لسان ولایت ایسه بویله
دکادر پس هر نه معنی که لسان ولایتدن صادر او اور
حقائق قرآندندر که لسان نبوت انک جمله سینه رمز
ایتمشدر و ایکن فهمی خواص ناسه مفوضدر و هر سرک
کمل ظهوری و تنه مرهون اولغله حقایق دقیقه نک

ظهوری دخی وقت ختمه مرهون ایدی تشکیم بعض
شرایع حضرت عیسی علیه السلامک نزولندن صکره
ظهور ایتسه کر کدر مع هذا شرایع نبویه دندر
پس بونی تسلیم ایدن حقایق نبویه بی دخی تسلیم
ایدروالامر دود اولور زیرا اوله حقایق انکار ایتک الحاد
مخضدر زیر اقرآن امر دیندن ظواهر و بواطنک مجموعنی
مشمئل و ذوالجناحین بولندیغی جهتله بر طرفله اکتفا
ایتک حقیقتدن عدولدر و ثانیاهر حقیقت هر عصرده
ظهور اقتضا ایتز بلکه ظهوری ایچون وقت معین
وارددر تشکیم انبیاء علیهم السلام جمیع مراتبه کاملر
ایکن هر بری امتنی بر مرتبه دعوت ایتدی یعنی کیمی
توحید افعاله و کیمی توحید صفاته و کیمی توحید ذاته
دلالت ایلدی و هر بری امتنی جمله مراتبه دعوت ایلدی
و ایتدکلری صورتده دخی بالفعل اثری ظهور ایتدی
بلکه مرتبه فعل جناب نبوته مخصوص اولدی انکچون
ختمیت ایله ختم بولدی و بوندن امت مرحومه نک
امت وسط اولدیغی سری ظهوره کلدی زیرا امت
وسط اولدر که جامع الجمال و الجلال اوله که بوجعیت
کمال زائددر عبارتدر و بومعنادندر که هر عصرده
اولان انسان کامل پیغمبر مقامنه قائم اولمشدر و ختم
ولایتک نفخ نفسیدر کرک خلق انی قبول ایتسون

و كرك ايتسون زيرا نبی جمله ياننده مسلم اولمچق ولی
 نجه مسلم اولور مع هذا اوليانك اكثرى مستورد
 و ظاهر اولان دخی فی الجملة خفی در زیر اخلاق نظری
 کرامات کونیه در کرامات علییه دکل شول جهندنکه
 حمله الفتلی غالبدر (اولئك كالانعام) ❖ نظم ❖ هر قنده
 ظهور ایلر ایسه سر حقائق ❖ کویا که چمنده آچیلور تازہ
 شقایق ❖ بر دم کلور البته اودم مسکه دو زردم ❖ آدم دم
 فیضله اولور جلوه فایق ❖ عقلک وار ایسه روضه
 عرفانه دخول ایت ❖ کیم اهل دل و دیده هر وجهله
 لایق ❖ زاهدلره یول ویرمدی حق منزل و صله ❖
 عاشقلمی خوش لطفله سوق ایلدی سائق ❖ حق ایچه
 کور کوثری وار حوض نبیدن ❖ شول کونده که داتشنه
 اوله جلا خلایق ❖ بوراده کون مالک یوم الدین کی یوم
 دنیا و یوم آخرته شاملدر و بوم وطنده کوثر فیض نوش
 ایتمیان موطن آخرتده ایتمز کر کسه صورت حوضدن
 نوش ایلسون زیرا بومعنی حکم شریعتی قبول ایدنه در
 بزم سوزمن ایسه فیض حقایقده در که (انا اعطیناک
 الکوثر) رمز اکادر ❖ نظم ❖ ای عقلی اولان منزل
 عرفانه شتاب ایت ❖ قوسر پنداری بویولده ابشی
 تاب ایت ❖ مغفور اولور ذنب شفاعت ایده کر عشق ❖
 سن استرایسک عاشقه بیک کره عتاب ایت ❖ باق قنغمزه

آچیله فالک یوزی آخر ❖ آل مصحف مولایی اله فتح کتاب
 ایت ❖ دل فیض پذیر اولمچق مرده بیل انی ❖ کردر
 قولاغی کرا کا صدار خطاب ایت ❖ زنجیر اجل چکمدن
 اول سنی قبره ❖ دوش عشقه حق یوله وار حقه متاب
 ایت (قيل لی بهذه العبارة التركیة) (هر کس از لده
 استعدادی اولدوغن بیلز) یعنی اگر مستعد فیض و قابل کمال
 اولدوغن بیلدی اسبابنه تشبث ایدر و دیله دیکی یوله دو ز
 کیدردی و لکن جهلندن کندونی مهمل بر ایش و مقتضای
 طبع و نفس اوزرینه آتش در مطلوب عظیم ایسه سبب
 عظیمه موقوفدر تنکیم بالاده شرح اولنمشدر (سؤال
 اولنورسه نفس استعدادینی بیلک کفایت ایلز
 زیرا قوت دید کلمی معنی فعله کلمک دخی مقدر
 اولمق کر کردر (جواب بودر که نفس قابلیت سبب
 حر کتدر کرك اوراده بالفعل اثر بوانسون و كرك
 بوانسون چونکه غایت مجهولدر (اعمالو افکل
 میسر لما خلق له) موجبجه اسباب وسائله تمسک
 کر کردر قضاء ازلی اثری ظهوره کلجه یعنی کر چه
 حقه کوره عجز بودر و لکن هر کسک بالفعل کماله
 قدرت تعلق ایتمز زیرا محلنده مانع وارد ریس اول
 مانعک زوالی متمنع قبیلندن اولمچق کاه اولور که
 اسباب عدم تشبث ایله مطلوب وجود پذیر اولدیغی

کبی بعد التثبت دخی نتیجه ظهور ایتمز و لکن تشبث
مقدر اولغله خارجده حصوله کلور کفاری ایمانه
دعوت ایتک کبی مع هذا اخبار الهی ایله خارجده
عدم ایمانی مقطوعدر ابوجهل و امثالی کبی برنسنه نک
نتیجه سی مجهول اولیحق مقدرنه ایسه اولور دیمک
خیر ایتمز بلکه مریضه طیب کر کدر کر کسه غایتی
انتقال و وفاته منجر اولسون و کاه اولور که بومعنی
تعریف الهی ایله معلوم اولور خضر علیه السلامک
قتل ایلدیکی غلام کبی که بعد البلوغ کفری مقدر
ایدی انکچون علاجی کوریلوب قبل البلوغ قتل
اولندی (سؤال اولنورسه که غلام مذکورک حقنده
کفر اوزرینه مطبوع ایدی دیو خبر وارد اولمشدر
پس هر کسده استعداد ربی اولق منوعدر (جواب
بودر که مطبوع اولدیغی اخبار شارعله معلوم اولدی
و کیمک دخی بالفعل کفری وانک اوزرینه ختمیله
فوتی معلوم اوور فاما مطلق قابلیت منافی دکلدر مثلاً
برسنک سیاه اولسه عادتده آینه اولماز و لکن
قدرته کوره عجز بقدر تکیم عناصرک صورت
آدمیه ایله مناسنتی یوغیکن نفخ روحله صورت
عنصریه دن خروج ابتدی و ضلع آدمک دخی صورت
حواییه ایله عدم مناسبتی و ارایکن ید قدرت انی

فاخوری یعنی برداقچی طینی تصویر ایلدیکی کبی تصویر
ابتدی و حواء صورته قودی و بورادن فهم اولنور
(وما خلقت الجن والانس الا ليعبدون) یعنی انس و جن
قابلیت عبادت و معرفت اوزرینه خلق اولمشدر زیرا اکر
بو قابلیت اولسه مأمور و مکلف اولزلردی و لکن هر قابلیت
قوه دن فعله خروج ایتک مقتضای شئون ازلیه و تعینات
غیبیه اولدیغندن اکثر انس و جن ضلال اوزرینه
قالدیلر و فی الجملة عبادت و معرفت حصوله کیمک
(ایعبدون) مضمونی ^{مصحح} اولدی زیرا ایجاد عالمن
مقصود اصل انسان کاملک وجودی درکه (واحد
کالف) حکمنده در پس صورته مظاهر (اسم مضمحل)
زیاده و معناده مظاهر (اسم هادی) افزوندر تکیم کلور
(سبقت رحمتی غضبی) یعنی رحمت سابقه و اسعه
مرحومک مغضوبدن زیاده لکنی اقتضا ایدر و لکن
هر رعیت درگاه سلطانه داخل و مجاس خاصه
مستأهل اولماغله اکثر انس و جن خارج بابده
قالدیلر مع هذا (والیه ترجعون) موجب نتیجه آخر
مبدأ اوله و اصل اولوب کشف نقاب حاصل
اولسه کر کدر زیرا بالآخره شمس ضوئی و قمر نورینی
کندیلرینه ضم ایتسه لر کر کدر قال تعالی حکایه عن
هود علیه السلام (ان ربی علی صراط مستقیم) فظن

خبر اولاتسل عن الخبر (والله هو العليم الخبير) (نظم)
 كاله اير مکه انسانه استعداد لازمدر * طريقه کبر مکه اول
 کشيده زاد لازمدر * بونقش معرفت هر او حده صورت
 پذير اولماز * اونقشه معنیده برخاؤه بهزاد لازمدر *
 خايغه اولغه بومکتب عالمه طفل دل * اکاعلم حقايق
 او کردر استاد لازمدر * سياستگاه دهر ايجره کسلز
 عرق اماره * سرنده ضرب توحيديله ابرجلاد لازمدر *
 اکرستان عالمه سرسروک ابره عرشه * عبوديت
 مقامنده ديمه آزاد لازمدر * بوکون اهل فتابه عالم
 فاني ده اي حق * نه شان وشهرت ونه خاق ايچنده
 آدلانمدر * خدا جدا * قلم الهی ايله بو وجهله
 مرسوم اولاش (ظاهري اولدر که اولکيسي خاء معجمه ايله
 زبان فارسیده اسماء الهیه دن واجب الوجود
 معناسنه وایکنجیسی جیمه فراق ودور ديمکدر که ترک
 آبرودير و بوايکی کله نك میانده تجنیس خطی اولديغی
 ظاهر در وایکی نقطه خلوتی و جاوتی نقطه لری
 کبیدر پس اصل خلوت و فرع جلوت اولديغی کبیکه
 اولکی خاء معجمه وایکنجیسی جیمه در خدا دخی معجمه
 ايله مقام خلوت وجدان مقام جلوت و بونک شرح
 و بیانی بودر که (فوقتا یکون العبد مربوطا) مقتضا سنجه
 فناء کلی واستهلاك محضه که عیدک حقله حق

اولديغی مقامدر خلوت مع الله ومقام خدایي ظهور
 ایدر و بو مرتبه کنز مخفی دیرلر که انده عبد ایچون
 ظهور بوقدر و بوراده معیت تفهیم ایچوندر بوقسه
 خلوت مع الله ظاهرندن اثینیت کورینور او مقام
 ایسه مقدم و حدندر که عیدک تعین محو اولوب کالاول
 وجود حق قائمدر زیر وجود ممکن واجبه مزاجه
 ایده مر پس فی نفس الامر معدوم ایکن ساوک حسیه
 دخی معدومیتی مشهود اولور واعتبار زائل اولوب
 انجق صورت قالور که معتدبه دکلدر و خدایي دیدیکمز
 دخی بو معنایه در که فنای عبد و بقای حقدر
 والا صیوروت واستحاله محالدر بو جهتدن (یکون
 العبد عبدا) جله سنده اولان کان محضا تحقق و فناء
 عیدتی افاده در اشته بو مقام فنا که ذکر اولندی
 خلوت و خدایي مقامی در بوند نصکره مقام بقا ظهور
 ایدر که اوصاف حقله جلوت و بروزدر و بو مقامه
 جیمه جلوت وجدایي دیرلر که مقام مشاهده ومقام
 قاب قوسین اودنادر زیرا جدادن مراد بعد مفرط
 دکلدر که مانع رؤیتدر بلکه بعد معتدلدر زیرا بعد
 مفرط مانع رؤیت اولديغی کبی که محجوبلر حالیدر
 قرب مفرط دخی مانع رؤیتدر که اهل خلوت اولنلرک
 حالیدر زیرا مقام خلوت و فناء ظاهر اولان

بذاته لذاته حقدركه اوراده عبدك خلقندن اثر بوقدر
 پس رانی مرئیه مستهلك اولیحق شهود میسر
 اولماز بوجهتدن جدایق جمیله یعنی قرب متوسط وبعد
 معتدل لازم کلدی تا که مشاهده میسر اوله وبوجهتدن
 جلوتی جمیله اول خلوتی او اوب دائره سن تکمیلدن صکره
 جلوتی اولور که مقام اکلیت در پس هر خلوتی به
 لازمدر که مقام بقایه رجوعله جلوتی صورته دخول
 ایلیه اشته خدا و خاوتده نقطه لرك فوقانی و جدا
 و جلوتده تختانی اولدیغی تقریر مذکور دن مفهوم
 اولدی یعنی خلوتی مقام اعلایه عروج ایدر که مبتدا
 اولدر و بومرتبه اسم آخره ناظر در که سیر عروجینک
 ختمیدر تکیم اول سیر نزولینک بدئی اعتباریله و ظاهر
 وجود حقه نظرله و باطن وجود خاق حسبیه اطلاق
 اولور و جلوتی جمیله اسفله نزول ایدر که مقام
 قاب قوسین در و بو مقامده کلور (فانی قریب) یعنی
 بو مقامه مقام قرب و مناجات و مشاهده دیرلر که لذت
 بو مقامده در یوقسه مقام فساد دکلدر تکیم بالاده
 (واسئلک لذة النظر) حدیثنده مرور ایتشدر (سؤال
 اولنور سه که خلوت و جلوت و جدایی و جدایی دن
 قنغیسی افضلدر) جواب بودر که جلوت و جدایی مقام
 اهل دعود و ارشاد در که مقام انبیا و کل اولیادر

(اگرچه)

اگر چه بعضیلری خلوت و جدایی مقام اختیار ایتشدر در
 ابو یزید بسطامی کبی قدس سره زیرا مقام دعوت
 مقام بلا و محنت و مقام خلوت مقام سکون
 و راحتدر نظر ایله که خلقله اختلاط و صحبت ایدنلر
 نه اذیتلر چکرلر و نه شدتلر کوررلر و بو مقامدن جناب
 نبوت علیه الصلوة والسلام بیورر که (ما اودنی بی
 مثل ما اودیت) فلما مقصود نبوی نتایج اذیت و جفا
 اولان تجلیات الهیه بی بانددر زیرا ابتلا آینه قلبک
 سبب مزید انجلا سیدر تکیم بو ذوقدن ذائق اولنلر بیلور
 واکا کوره قضایه راضی و بلایه صابر اولورلر
 و بلکه جمیع اضافات نسبتدن فنا بولوب هر حالده حقه
 اجلالا و اعظاماً تعبد ایدرلر و عبودیتده لذت حقیقیه
 بولورلر بو مقامک فوایدنددر که بعض کبرا
 بیورمشلر در که فلك معارف دور ایتد کده حروف
 منقوطة فوقانیه حادث اولور زیرا علوم و معارف
 درجات قرب و وصاله سببدر که درجات جناندن
 اعلادر پس فلك معارف اخلاق و احوال و کرامات
 مقامیدر و چن فلك اعمال دور ایتسه حروف منقوطة
 تحتانیه ظهور ایدر که حقائق و مقامات و منازل
 مرتبه سیدر زیرا اعمال صالحه کرچه اجساد سفلیه
 آثاریدر و لکن وسیله حقائقدر و چن فلك مشاهده

دور ایسه حروف یابسه یعنی غیر منقوطة حادثه
اولور و فلک مشاهده ذکر اولان احوال
و حقائق و امثالی نسندلر مفقود اولور و بو فلک
جمله اعتبارندن میرادر زیرا جمله دن اعلادر
فلک عرش مجید کی اگرچه ارباب مشاهده دخی
اهل حق بقدر زیرا مشاهده و تجلی نک حکمی ایراث
علوم الهیه در خصوصاً که تجلی برقی جمله یه غالبدر
(سؤال اولور سه که بسمله تحتند اولان باء موحدنددر
(جواب بودر که رمز نقطه احدیتدر که بحسب التجلی
مظاهره نزول ایشدر و بونزول اعتباریله تحتانی در
زیرا (بالفدن صکره در تعین ذاتی اولدر انکیچون
نقطه سی موحددر (و ثاء مشات) تعین ثانی صفاتی در
انکیچون ابکی نقطه ایله معلدر (و ثاء مثله) تعین افعالی در
انکیچون اوج نقطه ایله مرسوم در الحاصل الف که
یدی عدد نقطه دن عبارتدر که تعینات اسماء سبعة در
نقطه احدیه بی مشتملدر که (ن) دیدکری بودر و آنک
حقیقتده تعینی بو قدر فی الحقیقه تعین عقل اولدر که
اول عالم ابداع در و بو تعین بحسب الاطوار مرتبه
انسانه کلمه تنزل ایش و مرتبه انسانده تعینات
ذات و صفات و افعال غایت و نهایت ایشدر و حروف
تهجی مشتمل اولدیغی یکر می سکر حرف مرتبه انسانه

کلمه یکر می سکر منزلدن عبارت و آنک اسرارینه
اشارتدر و جمله سی اگر حرف و اگر تعین کونی نقطه
واحدیه راجعدر که صورت مختلفه ده شکل ایشدر
(فسبحان الله الظاهر الباطن) (فی الظامن والباطن)
(نظم) نقطه دن فهم اولور جمله اسرار حروف *
بانور صورت اسمای ایله رب رؤف * ماعرفناک دیدی
حضرت سلطان رسل * نیجه ممکن که او کنهی ایله
حق معروف * ذاتی استر ایسک پرده غیبه نظرایت
بو شهادتده اودر در لو صفتله موصوف * علمی
بر نقطه دیدی طرف اولدر اما * قیلدی جاهلرانی بو نیجه
فونیله صنوف * کشفه ایر تا که تجلی ایله انی بیله سن *
عقل قاصرله نیجه ممکن اولاکه وقوف * حبه القلب
ایله بیل نقطه ذاتی حق * تک اولور علمه زیرا که آنک
غیری ظروف * تنم بنم * قلم الهی بو و جمله مرسوم
اولمش ظاهر اولدی فاما معناسی زیاده خفی نسنددر که
دکه مکاشفه بیله مشتهدر تفصیل کلام بو در که
انسانک معناسی عرف طامده اوج نسنددر عبارتدر که
بری هیکل جسمانی و بری روح حیوانی و بری روح
مدبر انسانی در پس بر کیمسه بن دیسه فی الحقیقه
بو اوج نسند مراد اولور که نفس ناقصه یه ناظر اولان
انا که محل خطاب الهی و ضبط تکلیف رحانیدر جسد

حيوانيك مخدوميدرا حاصل بواوچ نسنه مساعده سيله
 تكايف تام او اور زيرا روح انسانی ده تدبير و روح
 حیوانی مبدأ حس و حرکت و جسد مرادله اعماله
 آلت اولسه مقصوده شروع حاصل اولماز بومعنادن
 (انا) ديان بالا صاله روح مدبره نسبتله و باتبعيه روح
 حیوانی و جسده اضافتله (انا) ديريعنی بالکز روح
 حیوانی و بالکز جسده کوره انا ديمک کرچه تام
 دکدر فاما في الجملة اطلاق صحیحدر زيرا
 بو ايکيتمک روح روانه زياده اتصالی وارد شول
 جهتدنگه روح حیوانی روح مدبرک ثمره می
 و جسد دخی روح حیوانی نک نتیجه سیدر بومعنايه
 تن جهتيله (بنم) ديمک جائز اودی (ونتم و بنم) اطلاق
 صورت اوزرينه کلدی بورادندرکه عالم جمع
 کوره حقه صورت اطلاق اولتماز زيرا ذات
 احديه صورتدن مبرادر فاما عالم فرقه کوره
 اطلاق اولنور زيرا عالم فرق صور اسماء
 و صفاتدرکه اشياء و کائنات و موجوداتله تعبير
 اولنور بونلر صوردر صورتلری دخی حقیقیدر
 مجاز دکدر و هر اطلاق کندی عالیه مناسب
 اولان وجه اوزرينه اولیحق خطا لازم کلز تأمل ايله
 الله تعالی اسان امامدن (سمع الله لمن حده) دیرمع هذا

(امامک)

امامک کلامی لفظ مقوله سندندر پس کلام لفظی به
 بومساغ اولیحق کلام روحانی حقه سوز قالااز
 تکیم ﴿ واذ قال ربك الملائكة ﴾ آتی مشتمل
 اولدیغی مقاوله روحله اولغیه قول وارد
 پس بحسب المراتب بو اضافات في الحقيقة حفاک
 تنزهنی منافی دکدر واطلاقاته نص قرآن
 اوزرينه جاری اولما نلری رد ایتشلردر زيرا شرع
 قیاسات عقليه بی ویا تأویلات سخیفه بی رد
 ایچونددر بو مقامدندرکه خلق ماسوایی اثبات
 و نفیده درت قسم اولشلردر اولکیسی علماء
 شریعت درکه ماسوایی وجود حقه مغایر بشقه
 وجودله موجوددر دیمشلردر پس بونلر اعتباراً
 و حقیقه اثبات ماسوی ایدرلر ایکنجیسی عارفون
 مکاشفوندر ماسوی اصلاً موجود دکدر
 لا حقیقه ولا اعتباراً دیمشلردر اوچنجیسی
 مشاهدون معاینوندرکه ماسوی ظل حقدر دیرلر یعنی
 حقیقه نفی ایدوب اعتباراً اثبات ایدرلر و دردنجیسی
 محققون واجدون درکه مشاهدون کبی کرچه حقیقه
 نفی و اعتباراً اثبات ایدرلر فاما عین حق اواق
 اوزرينه ذاهب اولورلر بوقسه حق اولق

اوزرینه دکل قاما بو مقام مزالقی اقدامندرکه
حق تعالی اشیانک صورت جهتندن عینی اولق
لازم کلور بونک ایسه محذورات کثیره سی واردر
پس نه یوزدن ظلی دکلدر عینی در کشف تام
وادراک مالا کلامه محتاجدر تا که الحاد لازم کلیه
نظر ایله شول نواته که تحت الارضده مدفون
ایکن خروج ایدوب تدریجیه شجره اولور پس
شجره اولان ندر ونوات نیجه اوانی ونه صورته
کیردی واسمنی تب دیل ایلدی زیرا نوات دینلورکن
شجره دینلدی مع هذا شجره اولان عین نواتدر
وبوندن انتقال ایله که حق تعالی کندینه
کنز مخفی دیدی بناء علی هذا بو عالم خلقه ظاهر
اولدی واسماء وصفاتی ظهور بولدی پس بو
ظهوراته حق دیمک لازم کلدی زیرا خلق دیمک
غلط وخطا در شول معنادن که مخفی اولان خالق
دکل بلکه حق ایدی بوجهتندن اکا خلق دیمک
شجره به صورت نوات دکلدر بلکه غیره نسته
در دیمک اولور بو ایسه خطا در اشته بورادن
وجود مغایر اثبات ایدنلرک سوء حالری ظاهر
اولدی بوقوله ذاهب اولنلرک توحیدلرینک ضعیفی

یلندی وبلکه مشرک اولدقلری فهم اولندی قال
تعالی ﴿وما یؤمن اکثرهم بالله الا وهم مشرکون﴾
زیرا وجود ممکن اثبات ایتک فی الحقیقه شرکدر
وملک وجود واحد قهارک تصرفنده در وجود
مجازی فی الاصل مقهوردر وکلام انی اعتباردن
اسقاطده درکه سلوک صحیحه منوطدر واکا
مجاز دیمک بالاعتباردر بوقسه بالاده تقریر
اولندیغی اوزره هر نه وار ایسه صورت حقدر واسم
ظاهر تحتنده داخلدر واکا باطن یعنی حقه باطن
اطلاق اولنق بالاعتبار وجود خالق سببیه در
بویه ایکن ینه اسم باطن اعتباری دکلدر بلکه
حقیقه یدر زیرا کنز مخفی اولدیغی جهتندنخی
باطندر فافهم جدا وامش علی المراتب ﴿نظم﴾
ماسوا قیدنی قو عالم اطلاقه ایرش * داری یاره دکیش
خانی قو خلاقه ایرش * سیر سیاره هفت ایله
ای دل برون * ایله معراج فلک سبعة طباقه
ایرش * عالم وادی بری برینه قیل سن تطبیق *
پای سرله حرم انفس وآفاقه ایرش * کذر ایت
بو طبقات ملکوتی طورمه * واردوبن کیده کیده ذروه
نه طاقه ایرش * حقیقا عالم وحدته کورش حقله

وار * مطلب عالی جان و دل مشتاقه ایرش *
 (ليله الثلاثاء قيل لي اياك وان تنفر) یعنی بین الناس
 منفور اولفدن حذر ایله شول جهتدن که تحریر
 ایندیک بعض معانی دقیقه بی عدم فهمدن ناشی
 انکاره دوشرلر و اول معناده سکا طعن و تشنیع جهله دن
 ایدرلر زیرا دیادن انتقال ایدنلر بیله طعن جهله دن
 خلاص اولدیلر فکیف احیا اولنلر زیرا حیاته
 اولنلر مؤاخذهیه اقریدر خصوصاً که بو اعصارک
 ارباب انکاری افراط اهلیدر که تواتر ایله ولایتی
 ثابت اولنلره سب ایدرلر و بوجهتدن روافض و شیعه
 حکمنده اولورلر زیرا دلائل قطعیه و نصوص
 ظاهره ایله عمل ایتمزلر مع هذا سلف صالحینی تعظیم
 ایتمزلر اعتباردن ساقطلردر شول معنادن که انلر
 اولاده اجداد کبیر و اجدادک حقوقی مضاعفه در
 پس ارباب حقایق انکار ایتک قرآنی انکار ایتک
 حکمنده در زیرا حقایق قرآنی انلرک الواح صافیه
 قلبیه لرنده مثبت و مکتوبدر و لوح ایکیدر بری
 لوح محفوظدر که لوح صوریدر و بری لوح دلدر که
 لوح معنویدر و صورت معنادن مستنبطدر یعنی
 برنسنه قوتده و منعاده اولسه فعله و صورته کلز

بورادندر که عقل اوله قلم اهل دیلیدی زیرا نفس
 کلیهیه منتقشه اولان علوم کونییه والهییه آنک
 سقاطه منقاریدر و اکا فیض مقدس دیرلر که فیض
 اقدسک نتیجه سیدر و بو فیضدن بی بهره اولنلر
 اوراق و قراطیسه نظر ایدرلر و علومی انجق بویازیلاندر
 صانورلر اطوار حقیقت ایسه قلم و لسانه کلز پس
 بومقوله حقایق انلره ابراز ایتک اذواق حیواناته تعلیق
 جواهر کبی اولور و بلکه فی المثل اویور یی لانک
 قویروغنه بصغفه بکزرکه اثاره فتنهیه و لسع
 لسان مار مثاله باعث اولور بوجهتدن (لایباع
 الابل فی سوق الدجاج) و فتنجه هر نسنه کندی
 بازارنده صاتیلور و نا اهله افشای حقایق اولنماز
 خصوصاً که تحریرا بیان لسانله تقریردن اهورندر زیرا
 تحریر اولنان معانی اوراقده محفوظدر که هر کس اکا
 مطاع اولماز خصوصاً که قرائت و کتابتدن بی بهره اوله
 فاما لسانه کلکده شیوع و عموم وارددر که تشکیم دیمشدر
 (کل سر جاوز الاثنین شاع) زیرا اثنین دن مراد
 لیلدر و جائزدر که ایکی شخص اوله پس دیمک
 اولور که انسان کندینه بر مصاحب و همراه ایدنمک
 کافیدر شویله که اکر هم مجلسی عدد قسمندن اولوب

ادنی الامر ایکی اولاجق اولورسه سری ضبط
ایده من آخر شیوعنه باعث اولور بوسیدندرکه کرچه
ارباب انفاسک خلفاسی بسیار اولور فاما ارالرنده
صاحب نفس بردرکه شیخک فی الحقیقه محل خطاب
ومظهر نفس ومهبط روح ومصب فیضی اودر قافیه
جدا (فانه لایهتدی الیه الخواص واهل الاختصاص)
ومشهوردر که بعض اسرار غلیان حالده تکلم
اولمق لازم کلسه صحرالره وقیولره سویلرلر واول
نفسک تأثیرندن بعض نباتات حاصل اولور تکلم
جناب نبوت صلی الله علیه وسلم حضرت علی
کرم الله وجهه به بعض اسرار الهیه افاضه ایدوب
کتمله توصیه بیوردقده حضرت علی بر وقتده زیاده
غلیانندن بی آرام اولوب واروب برچاهه سرفرو قیلدی
وآه ایلدی واول نفسدن برقش بتوب برچوبان انی
اورادن قطع ایلوب نفخ قیلدی واول قشیدن اسرار
ظهور ایلدی وبومعنی اسکندرله برندیمنه دخی بووجهله
واقع اولدی اشته بورادن (قل کل یعمل علی شاکلته)
سری ظهور بولدی یعنی اول آهک اسرار یله فی مذکور
تکلیف ایتک جائز اولیحق نفس رحانیدن تولد ایدن
اشیانک احوالی دخی اکا قیاس اولنه فاما غایت دقیق

نسنه درکه قوه مدرکه ایلله انتقال اولنماز بلیکه
کشف صریح والهام صحیحه موقوفدر واکا ساری دیلر
تفکر ایلله که نطفه انسان چله اجزاء بدیندن منعصره
اولوب علوق واقع اولدقده جنین دخی سرسریان
اوزرینه تکون ایدر انکیچون یایدر ویا مادر کیهیئتلی
اوزرینه تولد ایدر پس جهت مشابیهت جمیع اعضادن
ترشح اولدی بو معنادندرکه عالم و آدم صورت حق
اوزرینه در و بو جهتن معرفت حق معرفت نفس
اوزرینه موقوف اولدی زیرا نفس انسانله حقک
مناسبتی اولسه ضد اولورلر دی و ضده کرچه ضد متبیین
اولور ظل و ضح یعنی شمس کبی ولکن احدهما آخره
وسيله اولماز و بورادندرکه سید الطائفه جنید بغدادی
قدس سره بیورر (لا یعرف الله الا الله) یعنی حق انجق
حق بیلور خلق بیلز و حق تعالی دخی انسانله بیلنور زیرا
کندی صفات کمالیه سنک صور تیدر و بو مرتبه دندرکه
حدیثه کلور (من رآنی فقط رای الحق) یعنی جناب
نبوتی چشم بصیرتله ادراک ایدن و مشاهده قیلان وانی
بیان حق بیلش و کورمش اولور شویله که ادراک
بصر ظاهری بیلله مرتبه سنه کوره ادراک حقدن
معدودر و قرآنده کلور (سنبهم آیاتنا فی الآفاق)

وفي انفسهم) یعنی تقدیر آفاق و انفس و اریسه جمله سی
دلائل قدرت در آیات تنزیلیه نیجه اریسه آیات تنکوینیه
دخی برهان الهی در اشته بعض مغلوبلر بو مقامک
شهودندن متلاشی اولورلر فاما کمال انسان دعوادن
محفوظ اولمقدیر که جهت عبودیت راجحه کر کدر
پس شجره ظاهرده (انا الله) دیر آدم بیلسون که مظهر
تامدر فاما لسان مرتبه سی اول معنایه دال اولمق
کافیدر و مشهور در که دیرلر (لسان الحال انطق
من لسان المقال) الحاصل نطق لسان مرتبه حالده
سلامت و انتظام و نطق لسان ظاهر قالده ابتلا
واضلال وارد و حدیثه کلور (و هل یکتب الناس
علی مناخرهم الا حصیdale سنتهم) یعنی آدمی خوروبی
مقدار ایدن و حفرة ابتلایه القا و طرحه باعث اولان
کندی لسانیدر بوجهندن حفظ لسانده سلامت
وجود وارد در خصوصادیمشدر که (هذا زمان السکوت)
﴿نظم﴾ آج کوزک مرآت حق انساندر ﴿کورینان
انساندن رحاندر ﴿خلعت اسمائه ملبوس اولوب ﴿
صورت درویشیده سلطاندر ﴿چونکه نفخ روح فیض
اولدی اکا ﴿معنیده جسم جهانده جاندر ﴿منکره صورمه
بوسیرک لذتن ﴿بدوکی ایچدوکی انک قاندر ﴿دعوایی قو

(چون)

چون صدف خاموش اول ﴿کرچه بطنک پردر
و مر جاندر ﴿باطنه ایله بو ظاهر دن سفر ﴿حقیا حقه
رجوعه آندر (بعد الانبیا و ارداولان بیت ترکیدر
﴿بیت﴾ ایرشدی نامه لطف عظیمی رحانک ﴿سلامی
کلدی بو کون اولغنی سلطانک (مصراع) (اول فضائی
بیان و ثانی عدائی عیاندر) و نامه ایکی وجهله در بری
نامه قرآندر که درونی لطف عظیم الهی بی مشتملدر
وبری نامه بشری و مژده در که وجه خاصدن
بعض عباده رسیده در شکیم جنتده وجه عامدن
(من الملك الحی الباقی الی العبد الحی الباقی) و بونامه
الهی وارد اولسه کر کدر و نامه مطلقا اکر ظاهر
واکر باطن فضل بایندندر که تلطیف روح ایچوندر
انکچون دیرلر که (المکاتبة نصف المواصله) و عدل غالباً
نفسه تعلق ایدر که ابتلادر شکیم عبارت سلطان
انی مشعردر و عدل و فضل دارنده جاریدر و لکن
دنیاده مؤمنه و کافره کوره ایکیسی دخی جمع اولنور
زیرا دنیا دارالامتزاجدر فاما آخرتده مؤمن اهل فضل
و کافر اهل عدلدر فقط شول معنادن که جنت عقوبت
و جهنم مثبت اقتضا ایتمز و دنیاده مؤمنه عدل
کفارت و مغفرت بایندن در زیر ادنیاده هر وجهله

اهل فضل اولسه عقوبات ذبوب آخرته قالور بوجهتدن
 قرآنده کلور (رب اغفر لی خطیئتی یوم الدین) یعنی
 مغفرت یوم یعنی مطیع کامل تقیید اولندیغی یوم
 دنیاده مؤمن مسلم دین ایله اولدیغنددر کویا دیمکدرکه
 یارب کرچه دنیاده مسلم اولدق بلکه هر وجهله
 مبتلا اولدق ولکن آخرته بزی اهل عفو و معافات
 ایله زیرا مؤاخذه اخرویه مؤاخذه دنیویه دن اشددر
 شول جهتدنکه جهنم نار کبرادرکه نار دیتانک
 الشمس طفوز مرتبه مضاعفیدر و دنیاده اولدقچه
 معافات و معاقبه تعاقب اوزرینه درکه مقتضای
 نشئه عنصریه در زیر اطاعت و وصیان شان
 انساندر ولکن آخرت دار تکلیف دکدر پس
 اوراده بر کره مغفور اولان ابدی ابتلا یوزن
 کورمن انکیچوز مال حالده زیاده جوف اولنورا کرچه
 عارقلر یاننده یوم زمان مقید دکدر (مالک یوم الدین)
 کبی زیرادین مجازات دیمکدر دنیا ایسه فی الجمله دار
 مجازاتدر والافی المثل کیمسه نک بورنی قنامن وایاغی
 سورچمز و بونلرک امثالی او مور غیر ملایمه واقع اولمازدی
 وزمانی تقیید ایدن یعنی ماضی و مستقبل قیلان سنسن
 والابونسب و اضافات اسم دهرک مضمونده داخل

دکدر اشته هپ سنک قیدکدر چکیلان بوقسه حق
 ظاهر ونوری باهردر و بوطلمسم عالم و آدم نقددر
 مشکدر که آنک فتح و فسخنه عقول ناس ایرمدی
 و حیرتدن ناشی بوقدر تصرفات عقلیه واقع اولدی که
 قیل و قال ایله دنیایی طولدر دیلر و خیالایله کتابلر تألیف
 ایدوب بنم کبی ز عملر نیجه بیلدر دیلر اشته حق بو عالمک صورته
 خیالی مسلط و معناسنه قلبی حواله قیلدی چوبکه
 خیال شعور مرتبه سیدرکه وراء پرده دن ادراکدر
 انده خطا و غلط چوق واقع اولدی و چونکه قلب
 مقام علم قطعی و شهود غیبیدر متلعقنده اصابت
 بولدی و علماء رسومک اعقل واعلم و ازهدی مرتبه
 ملهمه بی تجاوز ایتدی زیرا الهام مشاهده اقتضا ایتز
 علماء حقیقت ایسه مرتبه مطمئنه ترقی قیلدیلر
 الطمئنان سکون ایسه بعد المشاهده اولور اهل نظرک
 حالی ایسه بویله دکدر (الحاصل تجلی علمی
 مرتبه سی نقدر قوتلو اولسه ینه مرتبه ارشاد
 دکدر پس صوفیه دن بو مرتبه ده اولنلر ارشادسنز
 اولمچق عوام علانک حالی نیجه در قیاس اولنه
 بوجهتدن فی الجمله علم وفی الجمله کشف کفایت
 ایتیموب مرتبه عینه وصول لازمدر و مرتبه علم مرتبه

عدل مرتبه عین مرتبه فضلدر انکچون هر کسه میسر
اولماز قال تعالی (ذلک فضل الله یؤتیه من یشاء) اگر چه
فیض حقه بخل یوقدر ولکن علت ایله معلل دکدر
حقیقتی اسرار قدره راجعدر که علی خواص ناسه
مفوضدر و بومقامدندر که اصفیاهر نعمتی عین منتدن
یلورلر و کسبه اضافت قیلزلر نیجه اضافت ایدرلر که
خالق مقتدر الله تعالی در و اقتدار اندندر و اسباب
و ادواتک منشأ و مبدئی دخی اودر زیرا تجلی عامنه
منوط در پس فاعل مطلق حق و عبد محل جریان فعلدر
و بوکشف اوزربنه یوریمک توحید حقیقیدر (والله
ذوالفضل العظیم و المن الجسیم) نظم (الهی فیض
لطفک جائمه مژده رسان ایله نسیم فضلکی باغ دله
دائم و زان ایله ابرشدر قاصدا حسانتک ایله نامه و صلاک
کیدر هجری بوزم کدر درونم شادمان ایله فقیر مفلسم
نقد حقائقده الم یوقدر بکاذات و صفاتکدن زر
و سیمک روان ایله او قوندی خطبه عدلک بیاندی رتبه
فضلک بوبولده پیر و چاک عنان فضلیان ایله درون
حق به لرزه دوشوره بیم قصر کردن دلی دار الامان
لطفک ایجره مهمان ایله (فی کل ظل راحة) فی کل ضح
منحه فی کل بلوی رحمة فی کل حی صحه) اولکیسی

دیمکدر که هر سایه ده بر راحت اولدیغی کی هر استنارده
دخی بر سکون وارددر یعنی شمس تجلی دائما برق ذاتی
مقوله سندن اولسه کونش صورتی یا قدیغی کبی
اولدخی قلبی احراق ایدر و انسان اکا طاقث کتور من
وجهه عالم سایه حقددر که اسماء و صفاتک حقایق
و ماهیاتی صوری اولغله اسماء و صفات دخی انکله
مستریح اولمشدر بورادندر که اکامل ناس عالمده
ظهور طلب ایدرلر و کندیلرینه آینه اولغله بر صالح
مستعد استرلر زیرا خلافت الهیه ایله متصفلر در زیرا
حق تعالی کنز خفی کبیدر که کندینک کندینه ظهور یله
اکتفا ایتیموب آینه ده دخی ظهور استدعاء ایتمشدر
و شول استادلر که دنیاده هنرلرینی غیریدن اخفا و کتم
ایدرلر سرمد کور دن بی خبرلر در ولکن سوز
مستعده کوره در و الانا قابله تعلیم ایتک شوره زاره
تخم افشان ایتک کبیدر فاعل بذلک و کلام مذکور دن
فهم اولنور که لیل ظل اولاق حسبیه محل راحت
اولدیغی کی تنکیم الله تعالی لیلی لباس و نومی سبات
قیلشدر لیل ذاته قرار دخی بویه در یعنی انده راحت
وارددر بوجهندن ابویزد بسطامی قدس سره عالم
بقایه دخی یعنی صفاته ردا و اندوده قبول ایتیموب

عالم فساد یعنی دانه قراری طلب ایلدی زیر االم
دانه راحت و عالم صفاتده محنت وارد شول
جهتدن که عالم ذات عالم تجرد و انقطاعدر لیل کبی
و عالم صفات عالم تلبس و تعلقدر نهار کبی (و ایکنجیسی
دیمکدر که هر نهارده عطا و لطف و رزق وارد
زیرا الله تعالی نهاری ابتغاء فضل ایچون قیلشدر
اگرچه حرکتده مشقت وارد ولکن فی الحركات
برکات موجبنجه برکات ملاحظه سیله اولان حرکاتک
مشقتی مغلوب و سهوات و خفت حکمنده درو عالم
صفات حکمی دخی بویه در زیر اصفیا و خواص
ناس ارشاد و دعوت و تبلیغ ایله مأمور لردر خامان
دهرله معالجه دین و معامله شرع ایتمکده ایسه
نقدر کلفت وارد معلومدر ولکن بوکلفت نتایج
جیده بی مستلزم و کرامات زائده بی مؤیددر
بوجهتدن فی الحقیقه کلفت دکدر خصوصاً که
انبیاء و اولیاء امره نظر ایدرلر مأمور به اولان
نسنه بی ادا و اجراده کلفت و عدم کلفتیه باقزلر
بلکه خطاب الهی لذتیه مستغرق الاوقات و مشغوع
الاحوال اولورلر زیرا بونلر بالطبع اولان عباد الله در
یعنی عبد خالص مشربنده یعنی اجرته خادم دکلردر

بوجهتدن زجت و عدم زجتدن بی شعور لردر
و حدیثده کلور (سید القوم خادمهم) یعنی انسانده
سر سیادت ظهور ایتمد بجه خدمت دینه تعیین اولماز
و سیادت اخلاق الهیه ایله تخلقد در حق ایسه
عباددن عوض طلبنده دکدر و هر نه مقوله احسانی
اولورسه عین منتدندر و انلردن قرض و عوض اخذ
ایته یه عبادک منفعتنه راجعدر و بالاده حدیث
قدسی مرور ایتدی که (خلقت الخلق لیر بحوا علی
لا لاریح علیهم) اشته بومقامدن فیم اولندیکه
هر کارگاه حریده حر تعیین ایلک عکس مقولدر بوجهتدن
هر انسان صورتنده اولان قالبیری امورنده استخدام
ایتمک جائز اولماز مکرکه محل امتحانده زر خاص العیار
کبی خلوص حالی و حسن سیرتی ظاهر اوله انکچون
دیمشدر درکه (استعمل خیر الناس) یعنی برکاره
خلقک اصلحن استعمال و استخدام ایله والا اهل خیانت
اولور سن و بوکلام کلی و قول جلی درکه نختنده
افراد کثیره و امثله و فیره سی واردر شکیم اولو
الابصاره روشندر و کذلک صنایع و حرف استاذلری

وقتی گلد که شاگردی مأذون ایلز لردی زیرا
دون مکتبه واران بوکون استاذ اولز و ملازمتی
مدید اولدیغی صورتده دخی احقه تعلیم کار ایتیه جک
طول مدت ایله قصر زمانک فرقی ندر وزاغ وزغن
تعلیم ایله طوطی اولماز و بیضه سنی تحت طاوسه
قوسک ظهور ایدنینه زاغدر وهر سنک سیاه لعل کبی
تریه قبول ایتز و برولی قرقیل بر قاتره رکوب ایله اول
قار انسان اولماز پس بن شوقدر سال فلان دائره ده
یعنی خانقاه شیخی سپوردم چاروبکش اوادم دیمک کلام
باطلدر مکر که دعواسنه بینه سی مطابق اوله بو صورتده
دعوی تحذیث نعمته محوادر قاعرف (کذاک مریده
اثر خلافت ظهور ایتدیکه نه وجهله استخلاف
اولنور والا اضلال ناس لازم کلور و خلیفه نک دخی
مرکز حقه قراری اولماز زیرا فی الاصل اهل تمکین
دکدر انکی چون بدی اسمائله طقوز فلکه چیقدن
صکره مرتبه طبیعت ساقط و آخر طریقده مرتد اولور
اشته فی الجملة عوامدن معدود اولنلرک حالاری بودر
وارقیاس ایله که امیلرک حالی نیجه اوله نتیجیم
تکثیر سوادا چون عالم وای دعوای مشیخته مبتلا
اولشلردر فاما بر سنک دخی حقیقه الحال دن خبری یوقدر

وبو مقامک مزید تفصیله احتیاجی وارددر ولکن
بشقه کتاب اولغه موقوفدر کتاب دخی بر جل بعیر
اولق کر کدرکه باعث انشراح اوله جق قدر تفصیل
اوله و آدمیتدن و اسماء و مسمان سوز تحریر قلنه
(نظر ایله که بر الله و بر مظهردر و فرد واحد اولان
اللهک جل جلاله بیک بر اسمی وارددر که حقائقنه
نهایت یوقدر و اوچیوز التمش بیک عالم سیرانی وارددر
پس بر مظهرکه حقائقدن بی خبر و سیرا کوان
و وجوبدن بی بهره اوله نوجهله خلیفه حق اولور
و ظلت نیجه نور مرتبه سن بولور و آینه قر مجلی اولسه
خلافت شمس ندن کلور (رحم الله امرا عرف قدره
ولم یعدطوره) و اوچنجیسی دیمکدرکه هر بلا بر رحمت
خاصه بی مشتملدر یعنی الله تعالی ذاتی رحن و رحیم
صفیله وصف ایلشدر و (سبقت رحمتی غضبی) دیو
اشارت قلمشدر بوسیدن بلا انک جانبدن بلا سبب دکلدر
بلکه مبتلانک استعدادی حسیه ابلا ایدر و بلا
هر چند طبعاً امر مکروه ایسه ده فی نفس الامر
محبوبدرکه صابر اولنلره اثر جلیله سی و طاقت حیده سی
وارددر بو جهندنرکه ابتلائی خواص سائرلردن

زیاده در زیر کمال رحمت استعداد لری زیاده و رجعتدن
مراد هر کسک حاله کوزه تجلی و حسن معامله در
پس رجعتدن قاجق اولیجق سیندن فرار ایتک دخی
اولماز اگرچه عافیت مطلوبدر یعنی الله تعالیدن
مطلوب اولان عافیتدر بلاء دکل زیرا بلا تحملی حقه
اولیجق آسان اولور والا طالب بلا اولان بار کران
التده قالور تنکیم سمنون محب مقام نازی ده طلبکار
بلا اولیجق عسر بوله مبتلا اولوب عدم طاقتندن
ناشی آه و فریاد ابتدی و حدنی بیلدی و حقندن ارتقاعنی
طلب ایلدی و بحباب اولدی (اللهم انا نسئلك العفو
والعافیه والمعافات فی الدین والدنیا والآخرة) نظر ایله
قصه سمنونه که طلب ابتلا منهی اولدیغی جهتدن
ارتکاب منهی ابتلا سمنه سبب اولدی تا که بردخی او مقوله
نسنه یه جرأت واقع اولیه پس قصور سمنون طرفندن
واقع اولدی و حق مبتلانک ابتلا سمنه رایحه ظلم
اولدی زیرا حق تعالی خلایقدر و ابتلا رفع درجات
ایچون اولدیغی صورتده عند الله وقت معینی وارد اول
وقت ایسه عبده کوره مجهولدر پس حکم وقت
اولان امری قویوب او مقوله مأمور اولدیغی نسنه لره

(اشتغال)

اشتغال ایتک اسراف وقت و نفس الامرده جهالتدر
بوجهتدن عبده لازم اولان مولایه عبودیت مخضه ده
اولمقدر تا که حق مرادی اولدیغی وقتده رجعتنی
تنزیل ایلیه شویله که اگر رجعتی صورت محبوبه ده
ایسه شکر ایلیه و اگر صورت مکروهده ایسه جد
ایلیه زیرا نعمت و بلانک هر بری متعلق جد اولور
فاما شکرک متعلق انجق نعمتدر بو معنادن ایچون
بلا و مصیبت حالنده یارب شکر سندن کله دیمک
خطادر تنکیم هوام ناس مبتلادر زیرا شکر بلا
مزید بلایه مستدعیدر کما قال تعالی (ان شکرتم
لازیدنکم) جد ایسه بویله دکلدر بلکه جد اظهار
کاله دائردر و هر نسنه که عالم عینده واقع اولور
کمال الهی دندر ظاهرده نقصان ایسه ده زیرا نقصان
اول نسنه نک عینده راجعدر وانی اول وجهله
خلق ایتک دخی حقک کمالنددر (فافهم جدا
(دردنجیسی دیمکدر که هر پر هیزده صحت
وجود وارددر تنکیم کلور (البطنیه رأس کل داء
والحمیه رأس کل دواء) بوجهتدن مرتبه طبیعتی
غداء معتدل ایله تعدیل ایتکدر زیرا اکثر و اقلالک

هر بری مضر در آنکچون تن پرور اولنر مشاهده
 غیوبدن محجوبلردر ورهبانیت طریقته بولنلر
 دخی خیالات و هذیانادن خالی دکلردر زیرایبوست
 دماغ او مقوله نسنه لره مؤیدر (و بر نسنه ده خواص
 مضره اولسه حلال ایسه دخی مضر تندن
 فرار ایتملیدر زیرا احتمالدرکه تغیر طبیعت ایده
 خصوصاً که احوال ایله طبیعت ثانیه تکون ایدوب
 یول قریب ایکن بعید اولغه سبب اولور طبیعت ایسه
 اول الباید که شرعه اورادن دخواستن صکره
 طریقته دخی نفسه و اخلاقه قلبه و معرفته روحه
 و قطع علاقه ماسوی قفله سره دخول میسر اولور
 پس اجتناب ظاهر اجتناب باطنه مؤدی اولوب مقصود
 حصوله کلور بو وجهدن اجتناب اکتساب اوزرینه
 تقدیم اولندی الحاصل دعوی عمل سلو کدن
 مقدمدر زیرا تخایه باینددر خاء معجمه ایله که انسانک
 قلبی ایسه اول امردن تعلقه ظرفدر اگر کشی ظرفنی
 بو تعلقدن تفریغ ایدرسه فیض حقله مشحون اولور
 زیرا حق و خاق بر یرده صغنز بوسیدن کلور که
 (ما جعل الله لرجل من قلبین فی جوفه) یعنی جوف

انسانده قلب بر در که انجق تعلق حقه صالحدر
 زیرا مسکن سر الهی اولق اوزره خلق اولنلشدر
 اگرچه اکثر ناس تغیر وضع ایدوب قلبی تعلق خلقه
 ظرف قلملردر و انلرک قلبری خلقه تعلق ایتمکدن
 فی نفس الامر قلب تعلق خلق ایچون اولماق اقتضایتمز
 تکیم انس و جن عبادت ایچون مخلوقدر فاما اکثری
 مابد کلدر بو صورتده ظالم اولمش اولورلر زیرا عبادت
 حق موضعه عبادت غیر وضع ایتملردر (بعد ذا
 حلال مضر دن پرهیز لازم کلچک مباح و مکروه دن
 بطریق الاولی در) و اکثر ناسک حجابی حجاب طبیعتدر
 و صدر اولده حجاب طبیعت رفیق ایدی زیرا اکثریا
 غدالری این و خرما و نباتات ایدی که لحوم و دسوم
 اکل ایتمک نادر اولوردی و مجی شرعه بو حجاب ارق
 اولدی زیرا اصحاب رضی الله تعالی عنهم غداء لطیف
 طیب ایله تلطیف طبیعت و تربیه مزاج ایلرلردی
 اغذیه مختلفه والوان نعمت صکره حادث اولدی
 و بو حده بالغ اولدی که محرمات بیه حلالاته الحاق
 اولندی و اختلال طبایع و فقدان اسبابدن سلوک دخی
 کیاب اولدی و خلق عالم تقلیده قالدیلر و اعتقادات

واعمال مشوش اولوب شمس مغربندن طلوع ایلدی
و حیوانیت انسانیت غلبه قیلدی و حال خیال ایله حال قلب
بیلندی قالدی و اسبان و خران بری برندن غیر ممتاز اوادی
اشته حکم آخر الزمان بودر ﴿ نظم ﴾ خارتن ایچره
کوکل بر کولدر * نم فیض ایله چهرسین کولدر *
بر نفس ال بر اهل داندنیم * ککشن فیض ایچنده
بلبلدر * اوله تن پرور اشبو طامده * کوله بقماز
شو کیم عقل کلدن * کرچه طبعک مطیه در بویوله *
همتک لیک اوزکه دلدنر * بزم خاص حقه
ایتد کسه دخول * جام فیض آل اله کیم خوش
ملدن * چهره معرفته هر نقطهک * حقیقا همچو
حب فلفدر * باقدم انک چوق روینه * آشفته
حال اولدم ینه * اولدم بکا بن آینه * بلدم
کونی و آبی نه * بودرت مصراع لیله اربعده بعد
العشاء لایح اولدی معناسی دیمکدر که چونکه
مشهد حسن ده جال حقه نظر ایلدم حسن بارع
و جال فائقندن آشفته حال و شوریده و شیدا
اولدم و اول هنگام مطالعه بن بکا آینه ایدم یعنی

جهت امکانم صورت وجوبه آینه وار اولدی
و بن فیض حق کوردن دیدیکم بن بنی کورمکدر تکیم
دیمشدر که (من رأی امر الحق فقد رأی نفسه) یعنی
نفسنی امر حق ایله بیلک حق بیلکدر پس نفسنی راه حقه
کورمک دخی حق کورمکدر زیرا نفس امر حقدن و کنز
مخفی بومنظرده ظاهر اولمشدر و اراده غیر اولمیش
رؤیتدن مراد کندی کندی رؤیت اولور و لکن
کندی کندی رؤیتک معناسی اولمیش ظاهر
و مظهر اعتبار اولدی که ظاهر کویا کونش
و مظهر آی در پس قمرک تعین مخصوصی اولمقدن انک
نوری نور شمس اولماق لازم کلز و لکن نور شمس
انک دائرة تعینی قدر متعین اولمشدر زیرا جرم
شمس فی الحقیقه جرم قردن اوسع و ازیده در
واصلنده جرم فردن اولان نور جرم شمسده اولان
نور قدر و لکن جناح جبریل علیه السلام ایله
مسح اولندی زیرا جبریل که ملک رحمان عالم
و معلوم اراسنده مجابدر و حجاب اثینیت اقتضایدر که
رؤیت و مشاهده اکا دائردن بوجهتدن بوعالم
حقه پرده کبی اولدی که کالی و رآء پرده دن مشاهده

اول نور زیرا که بری پرده ظهور ایتسه عالم محترق و آدم
عدم اصلی به ملحق اولوب خلقتدن مقصود حاصل
اول زدی پس حق من وجه ظاهر و من وجه محتجبر
و ظهوری اعتباریله اکمال ظهوری کنیدی ظهورینه
پرده او اشد در حوته بحر پر اولدیغی کبی زیرا عین
آبدیه ظهور ایتکه آب اکا پرده اولور اگرچه آخرله
متعین در یعنی حوتک تعینی بشقه و آبک بشقه در
ولکن آب حوتک کوزینه کیر مکه قرب مفرطدن ناشی
مطلوبی اولان نسنه کوزینه کور نمیدی اگرچه مطلوب
دخی کنیدر زیرا اصلده صودن مخلوق و صوده
حاصلدر فافهم جدا (و ایس وراء عبادان فریه و هذا
کلام صدق بلا فریه و ایس لاحد فیه مریبه) ای
مؤمن امر رؤیتک زیاده صوبتدن ناشی محجوب
اولنر امور اعتقادیه دن دکدر دیو کوزدن و کولدن
چیقار مشلر و باشدن صاو مشلر در فلما ارباب کشف
هندنده (کوزلویه کیزلی یوق) مثلی صادقدر و بومجشک
بر مقدار تفصیلی کتاب النجات نام اثر یزده در
و بعض کبار بوبابده کنیدی مذهبی نه ایدوکن
تصریح ایتیبوب تألیفاتده کلماتدن مفهوم اولان

معنایه حواله ایشدر و کتب کلامیه ده بحث
معراجده صحیح اولان عین قلبله کور مکدر دیمشدر در
و شیخ و سندم سید الاقطاب فضلی الهی قدس سره
طلبه علومه شرح عقائد تعلیم ایدر کن اصح اولان
عین رأس ایله کور مکدر دیو بیوردقلمی الی الان
یادمده کوشمده در ولکن کلاملرینک بشقه محلی
وارددر که ارباب تجلی و اصحاب ذوقه معلومدر
و بوفقیرک کلماتده نیجه کره رمن اولمشدر الحاصل الله
تعالی ذات بحث اولدیغی صورتده دخی دنیاده حسله
مرئی و مخصوص اولمقدن منزهدر و جناب نبوتک انی
رؤیتی دخی مقام ملکوتده واقع اولمغله رؤیت حسیه دن
خارجدر اگرچه بصر سر ایله در زیرا اوراده مراد
سر سردر که صورته تمثیل ایشدر (فاعرف فانه مقام
الحیره و لاجیره ان کنت من اهل الغیره) **نظم** الهی دیده
جانم شهودکله منور قیل * دلم آینه سنی آشنای روی
انور قیل * بنی بی قدر و قیمت ایلین حالک سیاهمدر * بنی لطف
ایله اکسیر نظرله صورت زرقیل * ایدوب حبس قفس
مرغ دله جکدرمه هجرانی * هوای وصلکه پروازه
عشق و شوقی شهر قیل * هواداری مهر رویک ایله

ذره وار اولدم * وجودم ذره سن اشراق نورك ايله ازهر
 قيل * نه برفرقده ساكن نه بحر جمعه غرق آب * بنی جمع
 الجمعه مجمع البحرينه مظهر قيل * الهی پایه عرش
 جلال ذات حق * سرحق به قولق رسمنی تاج مجوهر
 قيل (ای سالک آگاه وای حقه نظرگاه * چونکه مقام
 کشفده رویه الله غایه الغایات ونهایه السعادات درکه
 انک فوقنده بر مطلب اعلی و مقصد اقصى اولماز و عاشقک
 نظرنده اگا هیچ بدل بولماز زیرا کشف جالده رضا
 تام و خوشنودی مالا کلام وارد در پس عجب دکلدرکه
 بوکنز مخفی نام اثر جلیک ظهورات و رموزی بحث
 تجلیده تمام اوله و مقام نظر و مشاهده ده غایت بوله
 عجب کنز مخفی باغیدرکه بو آنه کلجه آنده بوبله قلم
 اورلمش و شاخسار حقایقنده بومرتبه ده میوه شیرین
 کورلماش در کرچه بر ذائق بقدر الذوق یوجاشنیدن
 حصه مند اولمش و کام دانده حلاوت معنی و ذوق
 وجدان بولشدر فلما قصب السكر کبی قلدن تقاطر
 فیض ایتک دخی نه اختصاص حق ونه سرپاک
 مطلقدر بناء علی هذا مزید نعمته مزید شکر لازم
 واعتراف و ثنا اکا ملازم اولدی ولکن قنغی زبانه

عهده شکردن بیرون اولق متصور و قنغی ادابه
 حقنی ادا ایتک میسر اولورکه ظاهر و باطن عجز
 و قصور مالا مال و صورت و معنی ضعف و انکساردن
 ناشی بلوغ غایتدن منقطع الا ما لدر * نظم * کیف
 احصى ثناء سلطان وانا الفانی و هو الباقی * وانا العبد
 مقیم العتبه هو مولای و هو خلاق * قال الله سبحانه
 (وان تعدوا نعمة الله لا تحصوها) وقال (واسبح علیکم
 نعمه ظاهرة و باطنه * نظم * منت الله عظیم
 الشانه * جد بسیار اوروب منانه * منعم بی نهایه در
 تحقیق * هم اودر مدحت و ثنایه حقیق *
 چیقاروب کنزدن اظهار ایتدی * ظلمت لیلز نهار
 ایتدی * الیز الدی او قادر مولی * صوندی قدرته
 علم اعلی * نوندن ظاهر اولوب بونجه شؤن * قیلدی
 بر نقطه دن هزار شؤن * اقدی اوح اوستنه بونجه
 دریا * اکا دریا دیمزی دل دریا * قطره ایچره
 بحار اولدی نهان * طولدی اول فیضله جمیع جهان *
 فیضیدر عالم قوامی بوکون * هم اودر باعث دوامی
 بوکون * حقیقا حقه هزاران ثنا * ویردی فیضیه
 بوفقیه غنا * روح پاک رسوله صد صلوات *

اوله اندر خلوات و جلوات * آل و اصحابنه هزار
سلام * ایلرز قدیمزی انلره لام *
بعد ذابو کتاب جلیل مدینه اسکدارده شهر
ربیع الآخرک یکر می دردنجی آخر یوم
اربعا ده شیرازه بند تکمیل او اوب تاریخ
سالی بوقطعه به حواله اولدی

* قطعه *

(مستفعلاتن)

* اشبو کتابک اسرار ی جانا *
* اولدی معارف اهلنه مکفی *
* تاریخ سالن دیدی بوحقی *
* طولدی کوهرله بوکنز مخفی *

۱۱۴۰

(درونی)

— اصول حدیث —

— محمود احمد —

* از میر بدایت محکمده سی رئیس اولی و مکتب *
* اعدادی علوم طبیعیه معلی *